

Joun

Olo Hungkuno Wop+ngo loso Joun mt+'mokumentisofoho.

Olo Hungkuno S+mo'mjofoho.

Jisas ahwomomne'no nto s+mentiso sohonta soswo mofonepo *sikis+ti-foua* (64) nto uyakolo'mentisopo Joun Jisasiye inomokomoyo sohwo olo iyoswo loso mt+'mokumentisofoho. S+mo'mo olo Joun lohwo sohwo Joun A'amumo Mijo Kiyoma'mojo sohwoe inomokomoyo hweho. T+fi Jisasiye inomokomoyo imo'n+mentisofoho. Olo iyoswo loso Matiyu, Mak, Lukija mt+'mokumentohofopa'nyo'maho. O'o, nom'ne kengofoho. Hwap+ngoso ole: Matiyu'nji Luk+'nji siko iyoswo mt+'mokiyoso Jisasiye hofiyakwosa mta'ni imentisiyefoho. Joun sohwo mt+'mokumentisoso olenoho. S+mo'mo ne'mo nakwoe hwaho'nji yo'mayo so'nji ane sohonta Kilais, An+ituye Hungkuno sohwo, kako An+itu'nji humamentisofoho. Kako songo ne'no humawo'n+ngkiso hweho. (Oso hiso Joun sohe engo 1 hon+ngkano we'e 1-2. Osopo weho.) Olo iyoswo hiloso Joun peho'ne mt+'mokumentisoto. Joun sohe engo 20 hon+ngkano we'e 31 osopo Joun kako olo iyoswo hilo mt+'mokonto ole l+mento: Ngko olo iyoswo mt+'mokohe loso'no sekwo Jisas Kilais+mo s+meho hi'ntnnono uy+mno. Kako An+ituye Hwomu Ne hweho. Sekwo s+meho hi'ntnnono uy+fijo'manji songo ne'no humayo'neso

wotipemantifeho. Joun mt'i'mokumentiso hungkuno hwapingo neso osohopeho. Oso'no iyoswo hiloso nakumo huno nafohotofo'neso olenoho. Joun mt'i'mokumentiso iyoswo hiloso Jisas sohwo Anituye Hwomu Ne hweho syafisyiku'ntnne'ento mt'i'mokumentisofoho. I oso'no nakwo iyoswo homo lomo atofu lihwasi Jisas sohwo Anituye Hwomu Ne hweho lihwasi nakwo kakimo tifi uningkohwano.

Songo ne'no humayo hwapingo sohwo a'amu imo'nimentisofoho.

¹⁻² Simo'mo ne'mo nakwoe hwaho'nji yo'mayo so'nji ane sohonta Kilais, Anituye hungkuno sohwo kako Anitu'nji humamentisofoho. Kako songo ne'no humawo'n'ngkiso hweho. Kako huhwo Anituyoho.

³ Anitu kakoe hungkuno sohwo'nji kako yo'mayo yo'mayo hopi'nonohinosa mt'i'mokumentisofoho. Yo'mayo yo'mayoso nom'ne hwapingo mta'ango'maho. O'o, kako'nohini yo'mayoso hwapingo hweho.

⁴ Kilais kako songo ne'no humayo hwapingo sohwo kako songo humayo hon'ngkano nejapmentiso so'no kako nakwoe pomponaho hweho.

⁵ Oso pomponaho huhwo sohwo kako nakwo a'amu hopi'nonohino sikwo'mjoho'mo humentan'ngkuhwaso hn'nimo lonasiyo'ne hweho. Oso sikwo'mjoho hiso pomponaho huhwo sohomo mifehu'mokonasyonehoho. O'o, oso pomponaho huhwo sohwo ne'no nol'wo'n'ngkuhwonefoho.

⁶ Anitu kako hwe fihumo uhwatimentiso sohwo kakoe yofeso Joun'yoho.

7 Joun kako oso pomponaho hiso'ne a'amu hopi'nonohino somo ujo'ne pmmentiso hweho. A'amu hopi'nonohinoso oso hungkuno homo somo upa'n+ngkuji simeho hi'ntnnono uy+fitnne'ento pmmentisofoho.

8 Joun huhwo sohwo kako pomponaho hwo'maho. O'o, An+tu kako oso pomponaho hiso'no a'amu somo uti+hwayo'ne Joun+mo uhwat+mentisofoho.

9 Pomponaho ne hiso kako a'amu hopi'nonohino hn'n+mo hon+ngkano neti+hwayo'ne lonasiyo'nefoho. Oseso Joun kako nohumentan+ngki oso pomponaho ne sohwo imo'nonto kako a'amumo hon+ngkano wopi+ngo uti+hwayo hweho.

10 An+tu kakoe hungkuno sohwo'nji olo hwaho loso mt+i'mokumentiso sohwo olopo nopahon+ngki a'amu olo hwaho loPONjoso kakimo yofe muhwo'mmentohofofoho. O'o, muhwoso'njo yont+fi monje yahumentohofofoho.

11 Kako kakoe hwap+ngopo i'mofi+wahon+ngki kakoe temtitofo a'amu Jutaso hofi+ko kakimo simeho muyo'njo yont+fi hwotoho hmmentohofofoho.

12 I oso'no a'amu fehohnjo sohwa hofi+ko Kilais+mo yofe uhwofont+fi kakoe hungkunomo simeho hi'ntnnono uy+mentohofofoho. I a'amu hopi'nonohinoso hofi+ko Kilais+mo simeho unyo somo Kilais kako kakoe yokumpohn'nyo uy+mentiso so'no Anituye a'amu ne umokumentisofoho.

13 Moya'mi sofa hofi+ko mehomi aswo

mawo'n'ingkohofu hopaso a'amu Anituye mehomi mmo'n'ifitnnehofo. O'o, a'amufe yokumpohn'nyo mta'ni u, a'amufe huno mta'ni a'amu Anituye mehomi ne imo'nyoso mmo'n'ifitnnefoho. O'o, Anitu kako huno ole syafihu'mento, A'amuso nje hwomumo simeho uyikujomanji hofiko nje mehomi ne imo'n'ifitnnefoho. Ose syafihu'mentisofoho.

14 Anituye hungkuno hweho liwo'n'ingkuhwone sohwo kako a'amu imo'nonto Kilais huhwo sohwo nakwo'njo ajwo lopo humamentisofoho. Nohumanto kako a'amu hn'nimo wopingo'nohini nalohofonto kako hungkuno ne'njo'nohini lonetihwamentiso hweho. Nakwo a'amu fehohnjo hn'nwi nakwo Kilaisiye yokumpohn'nyo engo somo uhwonontani kakoe yofe engo uhwo'mentihwonefoho. Oso yofe engoso yokumpohn'nyo engoso Anitu kakoe Hwomumo uyahon'ngki uhwonontani Anituye Hwomu anga'nohino hweho uhwo'mentihwonefoho.

15 Joun kako i'mofaponto Kilais huhwo sohurne'no lijwao'mentisofoho. Ole lijwao'mento, Olo hwe lohumne'no ole nto selimentohefoho. Ngko simo'mo sekumo nto selima'mentohefoho. Tifi hwe nom'ne sohwo nose'mahwosi kako nje yofe engomo woniyakolo'montonoho. Hwap'ingoso ngko nje na'u aswo monimaso sohonta kako songo humamojo hweho. Kakoe yofe engoso ngkimo noniyakolofonefoho.

16 Kako nakumo wopingo nalohofoso hwapingo hweho. Oso'no nakwo wonyo'nohino

ko hn'nimo kakoe wopingo'nohinoso nakumo wopingo ne'no ne'no nalohofiwo'n'ingkiso hweho.

¹⁷ Hohonta Anitu kako neyakwo Mousesimo kakoe hon'ing'kano hungkuno uyimentisofoho. Oso hon'ing'kano hungkuno homo somo a'amu nto'no min'ing'kamentohofoso hofi'ko tohino engo tipema'mentohofofoho. I oso'no olohonta Jisas Kilais kako none'mahon'ing'ki kako hon'ing'kano neso nonetihwanto kako nakwoe wonyo somjo tohino nomanto kako wopingo'nohini nalohofiwo'n'ing'kiso hweho.

¹⁸ Nakwo a'amu hwahoponjo hn'nwi nakwo Anitumo muhwonyo'ne'nwoho. I oso'no Anituye Hwomu Anga'nohino sohwo kan'ing'kwohwo'nji nohumanji kako Anituye yahino ne so'no nakumo netihwawo'n'ing'kiso hweho.

Joun A'amumo Mijo Kiyoma'mojo sohwo, kako hungkuno limentisofoho.

(Mat'iyu 3:1-12; Mak 1:1-8; Luk 3:1-17)

¹⁹ A'amu Jutafe hwe engo Jelusalem humamotofo sohwa hofi'ko a'amu fihwamo Joun'imne'no uhwatimentohofofoho. Oso a'amu huhwo sohwa hofi'ko tajo ango syoho'njo sohwanji a'amu tajo ango syoho'njo sohwamo enjwa'mo syoho yiwo'n'ing'kohoho oso huhwo sohwa Lifaiyoho liwo'n'ing'kohoho, oso hwanji hofi'ko Joun'mo nu'mantifi ulohonimentohofi, Kiko tihwosilo. Anitu kako kuhwosopo'mentiso sohwsilaho.

²⁰ Ose ulohon'ing'kahon'ing'kofi Joun kako hungkunoso hiyaso ho'nahumentiso'maho. O'o, kako yolohoso ole ulimento. Oso hwe

Anitu a'amu Juta sohwna'nimo nefe'mayo'ne n'hwosopo'mentiso sohwon'i'maho. Ngko Kilaisini'maho.

²¹ Ose ulahon'ngki hofi'ko ulimentohofi, I ose'manji kiko ti'hwosilo. Kiko neyakwo Ilaija kulaho.

O'o, Ilaijan'i'maho.

Ose ulahon'ngki apa'no ulimentohofi, I kiko oso hwe engo sohumo Anitu hungkuno uyahon'ngkuhwosi wonalimonte'no hontohumalohwone sohwsilaho.

Ose ulahon'ngkahon'ngkofi ulimento, O'o, ngko osoho hwo'n'i'maho.

²² Ose ulahon'ngki hofi'ko ulimentohofi, I kiko ti'hwosilo. Noho fonaso. Oso a'amu nonehwatimalofo sohwo kicine'no pehofo ulanehwono. Kiko kicine'no pehofo hnnalokuno.

²³ Ose ulahon'ngkofi ulimento, Hohonta Aisaiya sohumo Anitu hungkuno uyahon'ngki limojo sohwo ole limento, Hwaho a'amu mohumunyo sopo mampaho engo oleso noho'nonefoho.

Nakwoe Hwe Engo sohwo wone'ma'montonoho. Kakine'no hon'ngkano nto'no hnmopmno.

Oso hungkuno hon'ngkano imofo'ne sohune'no Aisaiya hohonta limentisoso ngkine'no limentisofoho. Joun ose limentisofoho.

²⁴ Oso a'amu Jounimo hungkuno ulohonimentohofu huhwo sohwo a'amu Falisi sohwa lihwatimentohofofoho.

²⁵ Hofi'ko Jounimo nom'ne hungkuno ulimentohofi, Anitu a'amu fihumo nefe'mayo'ne uhwsopo'mentiso Kilais sohwo kiko oso

hwosi'maho. Kiko Ilaija ki'maho. Kiko oso hwe engo sohomo Anitu hungkuno uyahon'ingkuhwosi wonalimonte'ne hontohu-malohwone sohwo'si'maho. Ose'manji kiko hwe moya'mi somo mijo peho'ne kiyomalokuno.

²⁶ Ose ulohon'ingkahon'ingkofi Joun ulimonto, Ngko a'amu somo mijo'nohini kiyomawo'n'ingkohono. I oso'no hwe fihwo kako sekwo'njo ajwo lopo humaso sohune'no sekwo huno maseyo hweho.

²⁷ Ngko simo'mo se'ma'mentohefoho. Oso hwe t'ifinjo yofe engo'njo sohwo kako nje yofe somo yakolo'nnyo hweho. Ngko hwe wonyo sohwo'ni oso hwe yofe engo'njo yokintahoponjo sohwoe yo'mayo momayo ulohofiy'o'nohino hwo'nyoho. Joun ose ulonto kakoe yofe somo monje yahin'imentisofoho.

²⁸ Joun kako oso Mijo Joutan hopo sopo a'amu mijo kiyoma'mojo sopo oso hungkuno hiso ulimентisofoho.

Jisas kako Anituye Yahu 'Sipsip' Pa'nyo hweho.

²⁹ Mo'n'ingkanta Joun kako uhwon'ingkisoso Jisas kako nto pahon'ingki uhwononto a'amu kako'njoponjo somo ulimonto, Sekwo uhwonimno. Olo hwe lohwo Anituye Yahu *Sipsip* Pa'nyo hweho. Hwap'ingoso kako nakwo hwe moya'mi hwahoponjo hn'nwiye yahino wonyo somjo tohino mayo'ne poyo imo'nyo'ne hweho.

³⁰ Olo hwe lohumne'no ngko ole nto selimalefoho. Ngko simo'mo sekumo nto se'ma'mentohefoho. T'ifi hwe nom'ne sohwo nose'mahwosi kako ngkimo

woniyakolo'montonoho. Hwapingoso ngko nje na'u aswo monimaso sohonta kako songo humamojo hweho. Kakoe yofe engoso ngkimo noniyakolofonefoho. Ose nto selimalefoho.

³¹ Hohonta olo hwe Anitu nakwoe hwahopo nefe'mayo'ne uhwatimentiso lohumo ngko huhwo'ni yofe mihwo'mmalefoho. I oso'no kakoe honingkano ito'no esyohumayo so'no ngko a'amu Juta somo mijo kiyomawo'n'ngkohe hwo'nyoho. Oso'no olo hwe lohwo i'mofapihwoso'no hofiko kakimo yofe uhwofantifeho. Hofikimo itihwayo'ne hwo'nyoho. Ose ulimentisofoho.

³² Joun kako uhwonimentiso so'no oso a'amu huhwo sohwo ole ulimento, Ngko nuhwononji ole uhwonimalefoho. Anituye ango ahwomo mta'ni kakoe Towahuno Wopingo yihufo ntolofiyo pa'nyoso noponto olo hwe lohumo nto kehumahoho.

³³ Oso hohosohonta ngko oso hwe huhwo sohumne'no huno manimmasofoho. I oso'no Anitu kako a'amumo mijo kiyomayo'ne lonihwatimentiso sohwo ole ntimento, Hwangku kiko Anituye Towahuno Wopingo ahwomo mta'ango nopihwosi hwe fihumo kehumaso sohomo uhwon'ngkohoji kiko huno ole wakiyono. Kiko a'amumo mijo kiyomam'ntnno hopaso oso hwe huhwo sohwo kako nje Towahuno a'amumo uhula'mo'montonoho.

³⁴ Ose ntimentiso so'no olohonta ngko nuhwononji ole selalokweno. Olo hwe lohwo kako Anituye Hwomu hweho. Joun ose ulimentisofoho.

Jisas kako'ne inomokomoyo s'imo'mjo osofosofahu'nohino sohwaso ma'mentisofoho.

³⁵⁻³⁶ Mo'n'ngkanta Jounjanji kakoe inomokomoyo hufa'u sohwa'u'nji nohumantifi Jisasimo uhwon+mentohofofoho. Jisas kako hano emoyontan'ngki Joun kakoe inomokomoyo sohwa'umo ole ulimonto, Siko uhwoninyo. Oso hwe sohwo kako Anituye Yahu *Sipsip* Pa'nyo sohwo a'amufewonyo somjo tohino mayo'ne poyo imo'nyo'ne hweho.

³⁷ Joun ose ulahon'ngki siko oso hungkunoso upa'nonji Jisasimo tifi in'ngkamentisiefoho.

³⁸ Jisas kako ikinjaofonto uhwon'ngkisoso siko nto in'ngkopahon'ngki uhwononto ulimonto, Siko peho'no wotipeenji hwahusilo. Ose ulohon'ngkahon'ngki siko ulimentisiyo, Hwe Engofo, kiko Anituye hungkuno nal'wo'n'ngkino sohwo, kiko ango ntipo humawo'n'ngkino hwasilo.

³⁹ Ose ulahon'ngki Jisas ulimonto, Siko uhwonanji'manji e'wano. Noho fipinyo. Ose ulonto Jisas kako sikimo ipemotowahon'ngki siko Jisas humawo'n'ngkiso ango somo uhwon+mentisiososo osopo kako'nji humamentisiefoho. Hwap'ngoso mofehi'nyo akupo'nyo (4 *kilouk*) sikuno so'njoho.

⁴⁰ Oso hwe hufa'u sohwa'u Jouniye hungkunomo upa'nonji Jisasimo in'ngkawomentisiyo sohwa'u anga'nohino sohwo kakoe yofeso Entiluyoho. Saimoun Pitafe kon'ngkwa'wehweho. Nom'nihwo ngko Joun'ni olo hungkuno loso mt'i'mokalokweno.

⁴¹ Entilu kako komo'no nowento kola'wehwo

Saimounimo tipihwononto ulimento, Nakwo oso hwe Anitu nefe'mayo'ne uhwasopo'mentiso sohumo nto tipihwon'ngkuhwono. Kako Kilaisiyoho.

⁴² Entilu ose ulonto kako Saimounimo Jisasiyepono ipemotowahon'ngki Jisas kako nuhwononto Saimounimo ulimento, Kiko Saimoun sohwaso Jouniye hwomu hwasoho. Yofe songo womeekilimo. Sifas kiyoho. Ose ulimentisofoho. Oso Juta sohwaso hungkuno Sifasiyoho Ngkilik hungkunoso ole Pitafoho. Hungkuno hwap'ngo neso sojo hweho.

Jisas kako Filip'nji Notaniyel'njimo nn'ngkapinyo ulimentisofoho.

⁴³ Mo'ningkanta Jisas kako hwaho Ngkaliline'no wamonto kako Filipimo uswo'nonto ulimento, Kiko ngkimo nn'ngkape.

⁴⁴ Filip kakoe pone Mpetisaitanta'ango hweho. Oso ango hopo sopo siko'n'ikwa'i Entilu'nji Saimoun'nji humamojiyoponoho.

⁴⁵ Filip kako Notaniyelimo tipihwononto ulimento, Oyomo. Hohonta Mouses kako Anituye hon'ngkano hungkuno mt'i'mokonto kako hwe fihwo Anitu nefe'mayo'ne uhwasopo'mentiso so'no mt'i'mokumentisofoho. A'amu Anitu hungkuno uyahon'ngki limotofo sohwantnne'no olo hwe huhwo sohumne'no ifalifaliyo mt'i'mokumentohofofoho. Oso hwe huhwo sohumo ngko nto tipihwon'ngkohono. Kako Jisas sohwo pone Nasaletnnta'ango hweho. Jousepiye hwomu hweho. Oyomo. Uhwonayo.

⁴⁶ Ose ulahon'ngki Notaniyel ulimento, O'o, a'amu Nasalet sohwa wop'ngo hwa'maho.

Hwe wopingo oso ango sopo nta'ni pipi imo'noneto. Ose ulahoningki Filip ulimento, Oyomo. Hungkuno nehopi kilalokweno. Kiko uhwona.

⁴⁷ Notaniyel kako Jisasiyepono pontahoningki Jisas kakimo uhwononto nom'ne a'amu somo kakine'no ulimento, Sekwo oso hwe sopalokunjo sohumo uhwonimno. Oso a'amu Isilael sohwo wopingo'nohini hweho. Kako hwasyo honingkanoso ane hweho.

⁴⁸ Jisas ose ulahoningki Notaniyel kako nupa'nonto Jisasi mo ulohonimento, Kiko ngkine'no huno pipi kiyahoningki nohonima'ninkingohino. Ose ulohoningkahoningki Jisas ulimento, Jije angomo'mo kiko iyo fisayo pmpongo somo nohumentaningkini Filip kako mokohonontaningki ngko kaki'no kohonima'ninkingohefoho.

⁴⁹ Ose ulahoningki Notaniyel ulimento, Nje Lontihwayo sohwo, hungkuno lonetihwayo sohwo, kiko Anituye Hwomu hwosoho. Kiko nakwo Isilael sohwo'niye Hwe Engo Ne hwosoho.

⁵⁰ Ose ulahoningki Jisas ulimento, Kiko fisayo pmpongo somo nohumentaningkini kohononji kilohe so'no kiko simeho hi'ntnnono ntapohino so'no hwangu yo'mayo wonyoangkafo a'amu miy'wo'n'ngkiyohofoso ngko i'me'no kiko uhwonimonnoho.

⁵¹ Ose ulonto a'amu hopi'nonohino somo ulimento, Hungkuno nehopi selalokweno. Ahwomo nohwosompo'nawehwosi Anituye a'amu ahwomomjo sohwa Ngko A'amufe

Hwomu nihwosopo'mentiso sohwo'niyepono
 nop+kuji nos+kuji yontan+ngkuji sekwo
 uhwon+fitnnefoho. Ose ul+mentisofoho.

2

*Ango Kana sopo hwe fihwo kako ape
 ma'mentisofoho.*

¹⁻² Sikuno hufa'u sihune memjaofahon+ngki
 oso hwaho Ngkalili ango Kana sopo hwe fihwo
 kako ape mayo'ne sikuno somo kakoe a'amu
 uhu'mokufitne'ento joho ul+mentisofoho.
 Oso ape mayo'ne ango homo somo Jisasiye
 kona'wohi humamentisofoho. Jisas kako'nji
 kakoe inomokomoyo sohwanji hof+ko'nji
 uhu'mokumentohofofoho.

³ Oso hopo sopo a'amu pi'n+ingo engo
 uhu'mokumentohofoso hof+ko oso ape mayo
 somjo ipisayo mijo pompenjiyo wain+iso moi'wo
 nto naofahon+ngkofi Jisasiye kona'wohi Jisas+mo
 ul+mento, Hof+ko mijosoi moi'wonoho.

⁴ Ose ulahon+ngki Jisas ul+mento, Na'u, kiko
 ngkimo peho'no ntohino. Nje yokumpohn'nyo
 a'amu somo ujo ehontojwasiyo'ne sikunoso
 mmo'nyofoho.

⁵ Ose ulahon+ngki kona'wohi oso a'amu ango
 homo somjo syoho ulohofiyoi sohwo ul+mento,
 Jisas kako sekumo yo'mayo peho peho'ne
 selihwoso'no u, sekwo haloho'no fiy+mno. Ose
 ul+mentisofoho.

⁶ Oso ango hopo sopo hwakwontoho
 engo aho fehohnta'ni hopi'nono nom'ne
 mta'ni anga'nohino wo'nnyoponoho. Oso
 hwakwontoho engo hiso a'amu Jutaso hof+ko

yahinoso ole aho mijo yatijuyo'ne hungkuno wo'nnyofoho. Oso hiso olenoho. Nakwo oso hon'ngkano hungkuno homo somo ito'no in'ngkwalokuhwone so'no nakwo hn'nwi hon'ngkano wonyo ane'nwoho. Ose syafi'hu'mentohofofoho. Oso'no hwakwontoho mijo ihm'mofahinyoso oso ango homo somo wo'nnyoponoho. Oso hwakwontoho m'kun'imposofoho.

⁷ Jisas kako syoho ulohofiyo sohwamo ul'mento, Sekwo hwakwontoho somo mijo mangonepo fihm'mopmno. Ose ulahon'ngki a'amu huhwo sohwa hofi'ko mijo mangonepo ihm'mo'mentohofofoho.

⁸ Moi'wo ihm'mofahon'ngkofi Jisas ul'mento nosisyasy'kuji nomotakuji oso wosopayo mokosyohumayo nongkumo uy'imno. Ose ulahon'ngki hofi'ko sohumemotamentohofofoho.

⁹ Oso hwe engo wosopayo mokosyohumayo sohwo oso mijo hiso mun'ngkon'mentisoso mijo me'wampe'njo *wain* mun'ngkon'mentisofoho. Oso hiso hwap'ngo so'no kako huno mummentisofoho. Oseso oso syoho ulohofiyo sohwa hofi'ko ahu'mo mijo ihm'mo'mentohofo so'no huno umentisofoho. Oseso oso hwe engo wosopayo mokosyohumayo sohwo kako oso hwe ape mayo'ne sohune'no joho ul'mentisofoho.

¹⁰ Oseso olo hwe engo sohwo ape mayo sohumo ul'mento, A'amu hofi'ko wopayo engo iloho yan'wo'n'ngkohoho sohwa hofi'ko a'amu hopi'nonohino somo mijo me'wampe'njo *wain*iso kaki'no uy'kuji hwangu hofi'ko oso mijoso simeho uhnn'ngkuhwoso'no oso mijo

wain wonyo we'eso tifi wanife. I oso'no kiko oso yahinoso momahoyohino. O'o, kiko mijo me'wampe'njo wonyoangkafoso nowentaningki simo'mo mijo wonyo we'e motapohinoso nto ningkuhwonefoho. I moi'wo nontani humentaningkuhwoni kiko mijo wonyoangkafo me'wampe'njo motaponji nejapohino. Ose ulimentisofoho.

¹¹ Oso syoho simo'mjo Jisas imentiso pa'nyoso a'amu hwahoponjo sohwa mifitnnefoho. Oso syoho simo'mjo hiso Jisas kako hwaho Ngkalili anga Kana hopo sopo imentisofoho. Oseso Jisas kakoe yokumpohn'nyo so'nji kakoe yofe engo'nji a'amu somo ujo ehontojwahumentisofoho. Jisas kakoe inomokomoyo sohwa oso homo somo uhwonontifi hofiko Jisasimo simeho hi'ntnnono umentohofofoho.

¹² Oso hiso moi'wo imo'ningkahoningki Jisas ango Koponeyam sopone'no homningkwa'wehwosanji kona'wohijanji kakoe inomokomoyo sohwanji womentohofofoho. Osopo sikuno fehohnjo somo humamentohofofoho.

Jisas Anituye tajo ango engo somo a'amu mpe yontaningkofo sohwife yo'mayo yo'mayo wae yao'mentisofoho.

(Matiyu 21:12-13; Mak 11:15-19; Luk 19:45-48)

¹³ Oso Anitu A'amu Isilael somo Uyakolo'mentiso somne'ne Syafisiyo sikuno engo * liwo'ningkohofoso mofonepo

* **2:13:** Mt. 26:2 enjwa'mo fehonolo'mongkomaho.

umo'nɪmonto yahonɪngki Jisas kako ango Jelusalem sopone'no sɪmentisofoho.

¹⁴ Osopo i'mofawento kako tajo ango angiy-oho'mo uhwonɪmentisoso yahu *mpulɪmokau sipsipɪ'nji* yɪhufo oso hu'mesyontanɪngkofi uhwonɪmentisofoho. Oso'nji a'amu ahu'mo hamniyoho uyontɪfi nom'ne hamniyoho kengoso asomo ikuwolo'mokomayo yontɪfi hofɪkoe ijempoho sopo nohumentanɪngkofi uhwonɪmentisofoho.

¹⁵ Jisas oso homo somo nuhwononto yahino wonyofoho lonto impe nomanto nopopojonto *sipsipɪ'nji mpulɪmokau* oso'nji mofonjiyohoto'mɪhwatɪ'mentisofoho. Nom'ne a'amu hamniyoho ikuwolo'mokomayo syoho'njo sohwafe hamniyohoso iwonto'meeofonto ijempoho so'nji fonjojohoku'meeo'mentisofoho.

¹⁶ Ose yonto Jisas oso a'amu yɪhufomne'no hamniyoho a'amu mta'ni mawo'nɪngkohoho sohwafo ulɪmento, Sekwoe yɪhufo nomafɪkuji mpanɪmno. Sekwo olo nje Mpohwoe ango loso sekwoe ho'yango ango imofo'ne'maho. Mpanɪmno. Ose ulɪmentisofoho.

¹⁷ Hwangku sohonta Jisas ose imentiso so'no kakoe inomokomoyo sohwa hofɪko huno ikwesyaɪɪhu'mentohoho sohonta hungkuno anga'no Ntefit Jisasɪmne'no mtɪ'mokumentiso Anɪtuye hungkunomo wo'nnyo so'ne'no syafɪhu'mentohofofoho. Hungkuno hiso olenoho.

Ngko olene'no nɪmo'nɪngkohoho.

Jije ango kiho ane wopɪngo'nohini wentɪhwone so'no nɪmo'nɪngkohoho.

Oso hiso'no ngko yokumpohn'nyo kemokosyohu-
mameso'no wonyo n+mokufitnnefoho.

Inomokomoyo sohwa oso hungkuno homo
somne'no huno syafihu'mentohofofoho.

¹⁸ Jisas kako yo'mayo yo'mayo Anituye
ango mta'ni wae yao'mentiso somo a'amu
Juta sohwafe hwe engo sohwa uhwonontifi
simeho tohino umningkahonngki Jisasimo
ulimentohofi, Olo hiloso tihwo kilisomo
yohinoto. Kiko yo'mayo wonyoangkafo nakwo
miywo'nningkuhwoneso uyimne'no'manji u,
nakwo huno wonayono. Olo yokumpohn'nyo
loso Anitu mta'ni ma'masofoho huno
wonaimontonoho.

¹⁹ Ose ulahonngkofi Jisas ulimento, Olo'nohini
wosetihwamonne'no yohono. Sekwo olo Anituye
ango lomo wae yaopijo'manji sikuno hufa'u
sihune memjaofihwoso'no ngko apa'no ango
hiso nuliko'mnefoho.

²⁰ Ose ulahonngki a'amu Juta sohwa
ulimentohofi, Olo ango syoho ne'no
yontanngkuhwoni soswo *fouti-sikis* (46)
neyakolo'mentisofoho. I oso'no kiko sikuno
hufa'u sihune memjaofihwoso'no kiko apa'no
mojoso hopolaho. Awonoho. Kiko hopo'maho.
Ose ulimentohofofoho.

²¹ I oso'no oso ango hiso'no Jisas ulimentisoso
kakoe a'apahomme'no pahnn+mo hungkuno
hnn+mentisofoho.

²² Hwangku sohonta Jisas kako poyo
imo'nningkahonngki Anitu apa'no songo
ulika'mentiso sohonta Jisasiye inomokomoyo
sohwona'ni olo hungkuno Jisas nalimentiso

somne'no huno ikwesyaŋsyontani yo'mayo hungkuno Anitu ye iyoswo somo a'amu mtimokumentohofu so'nji yo'mayo hungkuno Jisas nalimentiso somne'no simeho hi'ntnnonohino umenti'hwonefoho.

Jisas kako a'amu hopi'nonohinofe yahino so'nji huno so'ntnne'no huno uyimentisofoho.

²³ Oso Anitu A'amu Isilael somo Uyakolo'mentiso somne'ne Syafisiyo sikuno engo † somo hofiko elijwonontaningki Jisas kako ango Jerusalem sopo nohumentaningki a'amu pinango sohwa uhwonimentohofoso Jisas yo'mayo wonyoangkafo a'amu miyiwon'ningkiyohofoso yontaningki uhwonontifi ole hnnimentohofi, Olo hwe lohwo Anitu mta'ango ne hweho.

²⁴ Ose ko hnningkahoningki Jisas kako huno ole syafihu'mento, A'amu fehohnjoso hofiko simeho hi'ntnnono nehopi montape'njo yalokwofo. Ose syafihu'mentisofoho.

²⁵ Hwapingoso Jisas kako a'amu hopi'nonohino sofe simeho ne mo'mo huno unyo hweho. A'amufe yahino somne'no nom'nihwa Jisasimo mulifitnnefoho. O'o, kako a'amufe huno ikwesyaŋsyiwon'ningkohofu so'no kako huno unyo hweho. Oseso hofiko olo hwe lohwo Anitu mta'ango ne hweho, ko hnningkahoningki Jisas kako simonyo miyofoho. Hwapingoso hofiko huno ukwesyaŋsyontifeho uningkaningki kako timo'nohini uhwonimentisofoho.

† 2:23: Mt. 26:2 enjwa so'mo fehonolo'mongkomaho.

3

Jisas kako Nikoutemos+’nji hungkuno hnn+mentisiyefoho.

¹ Hwe fihwo kakoe yofe Nikoutemos kako a’amu Falisi sohwife hon+ngkanomo in+ngkamojo hweho. Kako a’amu Jutafe hwe engo hweho.

² S+ikuno fihumo s+ikwo’miyomo Nikoutemos kako Jisas+mo nu’manto ul+mento, Nje Lont+ihwayo sohwise, An+tu kako kikimo kakoe hungkuno lonet+ihwayo’ne lokuhwat+mentiso hwosoho. Oso hiso’no nakwo huno nayohoho. An+tu kako k+iko’nji mohumayontentesi k+iko yo’mayo wonyoangkafo a’amu miy+wo’n+ngkiyohofoso miyohotnnesohilo. O’o, An+tu k+iko’nji humaho.

³ Ose ulahon+ngki Jisas ul+mento, Hungkuno n+hu’no nehopi wakil+monne’no yohono. K+iko upa’nyo. A’amu fihwo kona’wohi aswo ma’mentiso hopaso kako songo apa’no mmo’no so’manji kako Mpohwo An+tumo enjwa’mo humayo somo mot+p+ihwononefoho.

⁴ Ose ulahon+ngki Nikoutemos ul+mento, I, a’amu fihwo kako a’mane nto imo’nnyo sohwo kako apa’no songo imo’nyoso pipilo. Kako kona’wohiye aswo mo’mo swomnawesoso apa’no aswo mayoso pipilo. Oso’no k+iko filont+hwaho.

⁵⁻⁶ Ose ulahon+ngki Jisas ul+mento, Hwe fihwo kona’wohi aswo mayo sohonta kako a’apaho’njo imo’nnyo hweho. I oso hwe huhwo sohomo An+tu ye Towahuno Wop+ngo ehuhnamo’nnyo

sohwo kako towahuno songo'njo hweho. Kako a'amu songo pa'nyo imo'nnyo hweho. Hungkuno nehopi wakil+mne'no yohono. A'amu mijo'nji towahuno'nji songo mumokoso sohwo kako Anitumo enjwa'mo humayoso motipihwononefoho.

⁷ Kiko songo apa'no hmno'nyo kilohe so'no yomo yohotoho.

⁸ Ihwoni. Ifofoso kakoe yahinomnohini in+ngkawowo'n+ngkisofoho. Oso ifofo huhwo sohwo kengo kengo no'meemo mjim+wowo'n+ngkohoho. Kiko ifofo neso muhwonhnehino. O'o, mo'mayo'nohini uhwon+hwaj+wo'n+ngkino. Ifofo hiso nti'mta'ni i'mofapinyoto. Ntonte ehussy+wo'n+ngkohoho. O'o, kiko huno makiyonehoho. Oso hopaso Anituye Towahuno sohwo kako a'amu fihumo songo apa'no umokiyoso pipi imo'noneto. O'o, kiko huno makiyofoho.

⁹ Ose ulahon+ngki Nikoutemos Jisasimo ul+mento, Olo ntohino loso pipi i'mofaponeto.

¹⁰ Ose ulahon+ngki Jisas ul+mento, Kiko a'amu Juta somo Anituye hungkuno lut+hwayo yofe engo'njo sohwo si olo hungkuno losomne'no kiko huno nto'no mehohosakisiyotaho.

¹¹ Hungkuno nehopi kilalokweno. A'amumo hungkuno lut+hwawo'n+ngkuhwone hn'nwi nakwo yo'mayo huno nayo so'nji yo'mayo timo uhwonyo so'ntnne'no ul+wo'n+ngkuhwone hwona'nyoho. I oso'no a'amu Jutaso yo'mayo hungkuno ulontane somo simeho muyo'njo yontifi hohujo ikinjaofalokwofo.

12 I ngko yo'mayo olo hwaho loponjo i'mofopalokunjo so'no selahonꝑngko sekwo oso hungkuno homo somo simeho hi'ntnnono muyo'njo yalokwofo'manji ngko yo'mayo yo'mayo ahwomomjo i'mofopalokunjo so'no selꝑme'no sekwo huno pipi waseimontolo.

13 A'amu hwahoponjo fihwo kako ahwomomo masiyofoho. Oso'no a'amu tihwo waselꝑmontolo. Ngko yo'mayo yo'mayo ahwomo somjo w-joso uhwonꝑngkohono eso tihwo waselꝑmontolo. Osenoho esofo. O'o, awonoho. Ngko'nohini A'amufe Hwomu sohwo'ni ahwomomo humanji pmmentohe hwo'nyoho.

14 Hohonta neyakwosa sohwa hwaho wonyo a'amu mohumunyopo nohumentanꝑngkofi Mouses kako homa huyo'mango mtꝑmokonoto tokemo montitofosyahonꝑngki a'amuso oso homa somo uhwonontꝑfi Anꝑtuye yofe ho'noma'mentohofoso songo humamentohofoho. Oso pa'nyoso hwangku ngko A'amufe Hwomu sohwo'nꝑmo iyo hwojyahofꝑku'nnyo sopo fonjinto'ofanꝑhufitnnefoho.

15 A'amu hopi'nonohinoso ngkimo simeho hi'ntnnono ntapꝑfijoso hofꝑko songo wopꝑngo ne'no nohumantokutnnefoho.

16 Ose ulꝑkwato lohofonto ulꝑmento, Anꝑtu kakoe Hwomu nꝑhu'no anga'nohino sohwo'ni humaleno. I oso'no Anꝑtu kako sekwo a'amu hwahoponjo hopi'nonohino sokune'no simeho mꝑkunꝑmposo sejapmmentiso so'no kako ngkimo sekuyepono lonuhwatꝑmentisofoho. Oseso a'amu ngkimo simeho hi'ntnnono ntapꝑfijoso hofꝑko hofꝑkoe wonyomne'no tohino

mayo'ne'maho. O'o, hofi'ko songo ne'no engolopohamo humayo'nefoho.

¹⁷ Anitu kako ngkine'no ole mosyanifisiyo'njo yonto olo hwaho lopone'no lonihwatimentono. Nje Hwomu sohwo kako a'amufe honingkano wonyo'ne tohino engo uhumnimonthono. Oso hunoso mosyanifisiyo'njo imentisofoho. O'o, a'amu hofikoe honingkano wonyo somo humentaningkuji hofikoe wonyomjo tohino mafikutnnehonto kako hofikimo isihutofomayo'ne ngkimo lonihwatimentiso hwo'nyoho.

¹⁸ A'amu ngkimo simeho hi'ntnnono ntapinyoso hofi'ko tohino hofikoe wonyomne'no mayo'ne'maho. I oso'no a'amu ngkimo tifi monningkape'njo yontoso sohwo kakoe tohinoso mayo'ne hweho. Hwapingoso kako Anituye Hwomu Anga'nohino sohwo'ne'no simeho hi'ntnnono montapmmojo hweho.

¹⁹ Oso tohino mayo hwapingoso olenoho. Pomponaho honingkano wopingo wonyoangkafo somo utihwayo'ne nto pmmentisofoho. I oso'no a'amu fehohnjo hofikoe honingkano wonyo so'nji hwahoponjo yahino wonyo so'ntne'no umo'n'ngkahonjoso ole liwo'n'ngkohofofoho. Nakwo pomponaho somo in'ngkayoso nakwolaho. O'o, sikwo'mjoho'mo wohumentihwano lontifi iwo'n'ngkohofofoho.

²⁰ A'amu honingkano wonyomo aho yokumpohn'nyo kemokosyohumalofoso hofi'ko pomponaho hiso'no mangohwa imo'n'iwo'n'ngkohofofoho. Hofikoe yahino wonyoso pomponaho'njo sopo

a'amu uhwonifitnnohontifi pomponaho so'no i'waho yontifi sikwo'mjoho'mo humawo'n'ingkohofofoho.

²¹ I oso'no a'amu Anituye honingkanomotifi nehopi'nohini in'ingkuwalokwofoso hofiko pomponaho hopo sopo nto i'mofapontifi osopo humolawotofo. Hofiko oso pomponaho sopo nohumentan'ingkofi a'amu hofikoe yahino so'nji yo'mayo syoho iwo'n'ingkohofoso so'ntnne'no uhwonontifi Anituye yokumpohn'nyo'nji yalokwofo hnnimentohofofoho. Jisas ose ulimentisofoho.

Joun kako a'amumo mijo kiyoma'mojo sohwo kako Jisasiye hwap'ingo ne so'no lijwao'mentisofoho.

²² Oso hohosohonta Jisas kakoe inomokomoyo sohwna'nnonji nakwo oso hwaho Jutiya sopone'no umentihwonefoho. Oso hopo sopo Jisas nakwo'nji nohumentani nakwo hwe moya'mi somo mijo kiyoma'mentihwonefoho.

²³ Joun kako pone Ainoun Salimmjo mofone sopo humanto kako huhwo a'amu somo mijo kiyoma'mentisofoho. Oso ango hopo sopo mijo engoso hi'njoponoho. A'amu sohwa kakimo u'mahon'ingkofi kako mijo kiyoma'mentisofoho.

²⁴ Oso hohosohonta hwe engo hwaho mokosyohumayo sohwo Helout kako Jounimo impo'ango somo impe mintofasiyofoho.

²⁵ Sikuno fihwi Joun kakoe inomokomoyo sohwanji pone Ainoun nohumentan'ingkofi a'amu Juta anga'nohino sohwo hofikimo u'manto a'amu Jutafe honingkanano wop'ingo

imokinyo'ne yo'mayoso mijo yatiku'nyo yahino so'no yoka hungkuno hosi Jouniye inomokomoyo sohwanji hnnimentohofofoho.

²⁶ Oseso Jouniye inomokomoyo sohwa hofiko Jounimo u'mantifi ulimentohofi, Nakwoe lonetihwayo sohwoosi, kiko upa'nyo. Oso hwe Mijo Joutan nongkihnta'ni kiko'nji humamentiso sohune'no kiko kakine'no hungkuno lijawo'mentohino sohwo kako huhwo a'amumo mijo kiyomalofoho. Oso'no a'amu hopi'nonohinosa kakiyepono walokwofo.

²⁷ Ose ulahonngkofi Joun ulimento, Anitu ahwomomo humaso sohwo kako a'amu anga'no anga'nohino somo hofikoe syohoso muyo'njo yontentesi hofiko syoho ane'njo'nesohilo. A'amu Jisasiyepono walokwofo so'no nakwo huno nayohoho. Anitu kako Jisasi'mo oso syoho hiso uyimentisofoho.

²⁸ Olo hungkuno hohonta selimentohe losonto upa'nimentohofa, Ngko Kilais oso hwe Anitu nakwoe hwahopo a'amumo ufo'mayo'ne lihwejone sohwonimaho. O'o, a'amu oso hwe huhwo sohwoepono ufitnne honngkanoso ito'no esyohumayo'neso Anitu lonihwatimentiso hwo'nyoho.

²⁹ Ose ulonto pahnnimo hungkuno ulimento, Hwe fihwo kako ape songo maso sohonta apesi kakoe hwehwoepono uhwoso'no oso hwe huhwo sohwoe a'amuso hofiko kakine'no simeho wopingo wonyoangkafo umonimontonoho. Oso pa'nyoso ngko Jisasiye a'amu sohwo'ni uhwonngkoheso a'amu pinnggo Jisasiyepono walokwofo so'no uhwononji nje simeho wopingo

wonyoangkafo nto nimo'nimaho.

³⁰ Jisasiye yofeso engo imo'nonefoho. Ngko kakimo enjwa'mo humahoni'mo nje yofeso monje wantoho'montonoho.

³¹ Ose ulikwato lohofonto ole ulimento, Hwe ahwomo mta'ango sohwo kako nakwo a'amu hwahoponjo hopi'nonohino hn'nimo yakolo'nnyo hweho. A'amu olo hwaho loponta'angoso olo hwaho loponefoho. Hofiko yo'mayo olo hwaho loponjo so'no liwo'n'ingkohofofoho. Hwe ahwomo mta'ango sohwo kakoe yofe engoso yo'mayo hwahoponjo somo hwofilo'nnyo hweho.

³² Oso hwe huhwo sohwo kako yo'mayo yahino wopingo kan'ingkwohwoe angso wopingo sopo uhwonimentiso so'nji yo'mayo upa'nimentiso so'ntnne'no lonetihwawo'n'ingkiso hweho. I oso'no a'amu fehohnjo sohwa oso hungkuno lonetihwawo'n'ingkiso homo somo nupa'nontifi aho yokumpohn'nyo mokemokosyohumayo'njo iwo'n'ingkohofofoho.

³³ A'amu oso hungkuno homo somo aho yokumpohn'nyo kemokosyohumunyo sohwo kako hungkuno homo somo simeho uyonto Anitu kako nehopeho linyo hweho.

³⁴ Oso a'amu nakwoe hwaho lopone'no Anitu lihwatimentiso sohwo kako Anituye hungkuno nalwo'n'ingkiso hweho. Hwap'ingoso Anituye Towahuno Wopingo sohwo oso hwe huhwo sohumo ifehu'mokahumentisofoho.

³⁵ Mpohwo Anitu kako kakoe Hwomu huhwo sohumo simeho uyonto yo'mayo hopi'nonohinoso kakimo enjwa'mo

ho'nahumentisofoho.

³⁶ A'amu fihwo kako Anituye Hwomu sohumo simeho hi'ntnnono uyoso sohwo kako songo ne'no wonyoangkafo humayo'ne hweho. I a'amu Anituye Hwomu sohwoe hungkunomo tifi min+ngkayo'njoso hofiko Anitumo enjwa'mo humayo somo motipihwon+fitnnefoho. O'o, hofikoe wonyomne'no tohino mayo'nefoho. Hofikine'no Anituye simeho tohino uhmnonefoho. Joun ose ulimentisofoho.

4

Jisas+nji a'mu Someliyanta'ango si'nji hungkuno hnnimentisiyefoho.

¹ Oso hohosohonta a'amu Falisi sohwa hofiko olo hungkuno upa'nimentohofi, A'amu pi'ningo engo Jisasiye inomokomoyo imo'n'ngkahon'ngkofi Jisas hofikimo mijo kiyoma'mentisofoho. Oso inomokomoyo huhwo sohwa Jouniye inomokomoyo sohwo yakolo'nnyo hwafoho. Ose upa'nimentohofofoho.

² Ose ko upa'nimentohofoso Jisas huhwo kako a'amu somo mijo makiyomaso'njo hweho. O'o, kakoe inomokomoyo sohwo'ni a'amu somo mijo kiyoma'mentihwonefoho.

³ Oso hungkuno homo somo a'amu Falisi sohwa upa'nimentohofoso'no Jisas kako huno uyahon'ngki kako oso hwaho Jutiya hopo sopo uliko'manto kako hwaho Ngkaliline'no wawomne'no yohono limentisofoho.

⁴ Ose lonto kako hon'ngkano somo nowento kako hwaho Someliya sopoe umentisofoho.

⁵ Oso hopo sopo nowento kako ango Saika sopo i'mofamentisofoho. Oso ango hiso hohonta Jekoup kako kakoe hwomu Jousep+mo hwaho umentisoso mofoneponoho.

⁶ Oso hopo sopo mijimo Jekoup n+hu'no hohonta ij+mentisoso wo'nnyoponoho. Jisas kako osopo hano nowento oso mijimo'njo hopo sopo mofehi'nyo mijiyo kwa'ofiyone ne lopo lohofontan+ngki (12 *kilouk* somo) Jisas kakoe a'apaho usijo'no oso hopo sopo humamentisofoho.

⁷ A'mu Someliyanta'angosi mijo u'monto pmmentisofoho. Oso a'mu hisi nopahon+ngki Jisas ul+mento, Mijo ntape. Ngko wan+mo. Ose ul+mentisofoho.

⁸ Jisas kakoe inomokomoyo sohwna'ni nakwo wosopayo mpe uyontane'no ango ne sopo nto ument+hwoneponoho.

⁹ Jisas kako'nohini nohumentan+ngki oso a'mu Someliyanta'angosi Jisas+mo ul+mento, Kiko a'amu Juta hwosoho. Ngko Someliya a'mu'nyoho. Oso'no kiko mijo ntape. Ngko wan+mo eso peho'no ntohino. Ose ul+mentisofoho. Hwap+ngoso a'amu Juta so'nji a'amu Someliya so'nji hof+ko hungkuno molan+motofofoho. Jomo mu'ma'nyo'njo imotofofoho.

¹⁰ Jisas kako oso a'mu simo ul+mento, Anitu kako a'amumo yo'mayo wop+ngoso uyone so'ntnne'no, Ngko mijo ntape. Wan+mo kiloheso sohwo'nnontnne'no kiko huno nto'no kiyontentesi kiko ngkimo mijo'no jomo ntohojo'no ngko mijo songo ne'no humayo'ne kijapm'mnesohilo.

¹¹ Ose ulahonɨngki a'musi ulɨmento, Hwe Engofo, kɨko mijo ifanyoso ane hwosoho. Olo mijimo loso kengo mo'mta'angofoho. Oseso oso mijo songo ne'no humayoso ntɨ'mta'ni woma'monnto.

¹² Neyakwo Jekoup sohwo kako nakumo kakoe mehomi sohwanjimo olo mijimo loso nejapmmentisofoho. Jekoup kako'nji kakoe mehomi sohwanji hofɨkoe yahu'nji olo mijimo lomta'ni hohonta nɨmotofofoho. Oseso nakwo jɨje mijoso peho'no womantantoho. Jɨje yofe engoso neyakwo Jekoup sohwoe yofe engo somo yakolo'nnyo hwosilaho.

¹³ Ose ulahonɨngkahonɨngki Jisas ulɨmento, A'amu olo mijo loso nɨwo'nɨngkohofoso hofɨko nom'ne sɨkunomo mijo'ne apa'no umo'nɨmontonoho.

¹⁴ I oso'no a'amu fihwo kako olo mijo uyɨme loso noso'manji kako apa'no mijo'no mumo'nonehoho. O'o, olo mijo uyɨme loso nonɨngkuhwosi kakoe sɨmeho mo'mo mijolɨmo hopa imo'nɨngkuhwoso'no oso mijo hiso ne'no swapɨwo'nɨngkuhwosi kakoe songo ne'no humayoso ne'nohino hweho.

¹⁵ Ose ulahonɨngki a'musi ulɨmento, Hwe Engofo, oso mijo hiso ngkimo ntape. Oseso hwangu ngko mijo'no mijoho mape'nɨmnehono. Oseso ngko olo mijo hiloso apa'no mifapmnehono.

¹⁶ Ose ulahonɨngki Jisas ulɨmento, Kɨko jɨje angopo nowehoji jɨje hwehumo utɨmahoji olopo asomo fɨpe.

¹⁷ Ose ulahonɨngki a'musi ulɨmento, Ngko hwe-

hwo ani'nyoho. Ose ulahonɨngki Jisas ulɨmento, Ou, kɨko hwehwo ani'nyoho ntohinoso nɨhu'no nehopi lohino.

¹⁸ Kɨko hohonta hwehwa aho hopi'nonohino sohwaso uma'nɨmentohino kiyoho. I, olo hwe lohwo olohonta kɨko'njo humasiyoso jɨje hwehwo'maho. Oso jɨje hungkuno nehopi lohino.

¹⁹ Ose ulahonɨngki a'musi yomo yonto ulɨmento, Hwe Engofo, ngko kikine'no huno niyohoho. Kikimo Anɨtu hungkuno kijopahonɨngki lɨmotnno hwosoho.

²⁰ Nakwo a'amu Someliya hn'nwiye neyakwosa hofɨko olo hwofɨki'nyo lopo * Anɨtuye yofe ho'nomayo'ne uhu'mokumotofofoho. I oso'no sekwo a'amu Juta soku ole lɨwo'nɨngkohofi, A'amu hopi'nono ango Jerusalem sophonini Anɨtuye yofe ho'nomayo'ne uhu'mokukuno.

²¹ Ose ulahonɨngki Jisas ulɨmento, A'mu losi, nje hungkuno ne somo kɨko sɨmeho hi'ntnnono uyo. Sɨkuno fihwi umo'nɨmonto yalokunjo somo sekwo olo hwofɨki'nyo lopo Mpohwoe yofe ho'nomayo'ne muhu'mokufitnnehoho. I a'amu ango Jerusalem hopo oso hiso'ne muhu'mokufitnnehoho. O'o, a'amu ango'meemjoso hofɨkoe hwapɨngopo Anɨtuye yofe ho'nomayo'ne uhu'mokantɨfeho.

²² I oso'no sekwo a'amu Someliya soku sekwo Mpohwoe yofe ho'nomayo'ne hwapɨngo neso huno maseyofoho. Nakwo a'amu Juta hn'nwi

* **4:20:** Oso hwofɨki'nyo sopo a'musi lɨmentisoso Hwofɨki'nyo Ngkelisim hwaho Someliya sophonoho. (Lk. 9:53 enjwa so'mo fehonolo'mongkomaho.)

nakwo Anituye yofe ho'nomawo'n'ingkuhwone ne sohomo nakwo huno nayohoho. Hwap'ngoso nakwo a'amu Juta hn'n'nta'ni Anitu kako hwe fihumo uhwosopeehon'ngki oso hwe huhwo sohwo kako a'amufe wonyomjo tohino somo isihutofomayo'ne hweho. Oso'no hwap'ngo neso huno nayohoho.

²³ Oso sikuno hiso umo'n'monte'no kilohe hiso olohonta nto i'mofapohoho. A'amu fihwo kako ngko Anituye yofe woho'noma'mo nehopi loso sohwo kako ole uy'montonoho. Kako Anituye Towahuno'nji nohumahwosi Towahuno huhwo sohwo Anituye yofe ho'nomayo'ne hon'ngkano neso utihwahon'ingkuhwosi oso hwo in'ngkohwoso'no kako Anituye yofe nehopi woho'noma'montonoho. Nje Mpohwo kako a'amu oso yahino so'njo somne'no umo'n'ngkohoho.

²⁴ Anitu kako Towahuno hweho. Oso'no a'amu Anituye yofe woho'noma'mo loso sohwo kako Anituye Towahuno'nji nohumahwosi kako hon'ngkano nto'nohinomo un'ngkamontonoho. Oso yahinoso Anituye yofe ho'nomayo'ne nehoho.

²⁵ Ose ulahon'ngki a'musi ul'imento, Ngko huno ole niyohoho. Anitu kako ole nal'imento, Ngko sekumo sefo'mayo'ne uhwosopo'mentohe sohomo sekuyepono uhwat'monnoho. Oso a'amu huhwo sohumne'no Kilaisiyoho liwo'n'ingkuhwonefoho. Kako nop'hwoso'no kako yo'mayo yo'mayo so'no wolonet'hwamontonoho.

²⁶ Ose ulahon'ngki Jisas ul'imento, Olo ngko olo

huhwo'nyoho. Ngko kiko'nji hungkuno lalokuhwoyosofo. Ose ulimentisofoho.

²⁷ Ose ulikwato lohofahon+ngki Jisasiye inomokomoyo sohwna'ni u'mentani uhwon+mentihwoneso Jisas oso a'musi'nji hungkuno hnnontan+ngki uhwonontani yomo yontani nakwo huno pi'n+ngo syafi+hu'mentihwonefoho. I oso'no nakwo a'mu simo ole mujofoho. Kiko peho'no kumo'n+ngkohoho. I Jisasimo ole mujofoho. A'mu simo peho'no ulalokuno. O'o, ose mujofoho.

²⁸ Oseso a'musi kako kakoe mijipo'nyoso nuliko'manto kakoe angopono asomo umentisofoho. I'mofawento a'amu hopi'nonohino somo ulimento,

²⁹ Sekwo nop+kuji olo hwe lohwo uhwon+mno. Kako yo'mayo yo'mayo ngko hohonta imote so'no ntohoho. Oso hwe An+tu uhwat+mnoho nalimentiso Kilais sohwo+keno.

³⁰ Ose ulahon+ngki hofi+ko hofi+koe angopo uliko'mantifi Jisasimo uhwonano lontifi pmmen-tohofofoho.

³¹ Oso hohosohonta Jisasiye inomokomoyo sohwna'ni Jisasimo ulimentihwoni, Nakwoe Lonetihwayo sohwo, kiko wopayo'ne mijoho kiyonoho. Wopayo hmnyo.

³² Ose ulahon+ngkuhwoni Jisas nalimento, Ngko wosopayo sekwo huno maseyoso ngko hi'njo hwo'nyoho.

³³ Ose nelahon+ngki inomokomoyo sohwna'ni ole hnn+mentihwoni, A'amu fihwo kako Jisasimo wopayo nto uyisohwo+keno.

34 Ose syofi+syahon+ingki+hwoni Jisas nalimento, Nje wosopayoso olenoho. Nje Mphowo ni+hwat+mentiso sohwoe hunomo ti+fi in+ingkayo'ne syohoso nje wosopayofoho. Oso syoho hiso wesojwao'monnoho. Oso syohoso wosopayo pa'nyo yokumpohn'nyo ntap+wo'n+ingki+sofoho.

35 Ose nalonto ole nalimento, Sekwo ole li+wo'n+ingki+hofi, Hamno osofosofahu'no neyakolofi+hwoso'no wosopayo toyo ihwoso'no womantanoho. Ose li+wo'n+ingki+hofo kuyoho. I oso'no ngko ole selalokweno. Sekwo wosopayo somo fe'n+ihwon+imno. Toyo nto imaho.

36 I oso wosopayo selalokweso a'amumne'no selalokweno. Wopayo toyoso a'amu hofi+ko nje hungkunomo upa'n+ingkuji si+meho komo'no wontap+ife ntnne'no selalokweno. Hwe fihwo kako wosopayo hujo sohwo ti+fi no'mo kako wopayo toyo emahwoso'no oso wosopayo hiso kakoe ho'yango pa'nyofoho. Oso hopaso a'amu Anituye hungkuno nom'ne a'amumo uli+wo'n+ingki+hofoso hofi+ko ho'yangoso olenoho. Hofi+ko hungkunomo nom'ne a'amu upa'n+ingkuji Anitumo si+meho uy+fi+jo'manji oso a'amu hiso hofi+ko ho'yangofoho. Hofi+ko oso ho'yango hiso'nji engolopohamo nohumantokutnnefoho. Oseso oso wosopayo hul+wo'n+ingki+so'nji kakoe a'amu wopayo toyo emawo'n+ingki+hofo so'nji hofi+ko si+monyo afa'no afa'no uyant+ifeho.

37 Oseso oso hungkuno li+wo'n+ingki+hofo loso nehopeho. Hwe fihwo kako wopuyo hulahon+ingki nom'nihwo wosopayo toyoso

emawo'n'ingkisofoho. Ose li'wo'n'ingkohofofoho.

³⁸ Sekwo wopuyo ko mahulimmalofoso sekwo wopayo toyo femapmno selohe so'no sekwo a'amu nom'ne sofe syoho yokumpohn'nyo imalofo somta'ni wopayo toyo emalokwofo. S'imo'mo a'amu nom'neso hofi'ko Anituye hungkuno nom'ne a'amumo luti'hwawo'n'ingkohofo so'no sekwo oso a'amu hisomo nje hungkuno ul'ikujono hofi'ko nje a'amu ne umo'nantifeho. Oso hiso'no sekwo wopayo toyo pa'nyo emalokwofo. Jisas ose ul'imentisofoho.

³⁹ Oso a'musi Jisasi'nji hungkuno hnn'imentisiyosi kako a'amu Someliya somo kako yo'mayo yo'mayo ngko hohonta imote so'no ntohoho ul'imentiso so'no a'amu pi'n'ingo engoso Jisasi'mo simeho hi'ntnnono uy'umentohofofoho.

⁴⁰ Oso a'amu hiso Jisasi'njopo i'mofapontifi Jisasi'mo hungkuno yokumpohn'nyo ul'imentohofi, K'iko nakwo'njo lopo foyohumaho. Ose ulahon'ngkofi Jisas hofi'ko'nji s'ikuno hufa'u humamentisofoho.

⁴¹ Osopo nohumentan'ngki a'amu pi'n'ingo engoso kakoe hungkunomo haloho upa'nontifi simeho hi'ntnnono umentohofofoho.

⁴² Hofi'ko simeho hi'ntnnono uyontifi hofi'ko oso a'mu simo ul'imentohofi, S'imo'mo j'je hungkunomo upo'nontani nakwo huno ole syafi'hu'malohwoni, Olo hwe lohwo hungkuno ne'njo hweho. I oso'no olohonta kakinta'ni kakoe hungkuno neso nakwo huno ole nayohoho. Olo hwe lohwo kako a'amu hwahoponjo hn'nwiye wonyo somjo tohino somta'ni

isihufonemayo'ne hweho. Huno ose nayohoho. Ose ulimentohofoho.

Jisas kako hwe yofe engo hwaho mokosyohumayo sohwoe syoho ulohofiyohwoe hwomumowopingo umokumentisohoho.

⁴³ Oso sikuno hufa'u sohwa'u moi'wo imo'n'ingkahon'ngki Jisas oso ango hopo sopo nuliko'manto Ngkalilino umentisohoho.

⁴⁴ Nom'ne sohonta Jisas olo hungkuno loso limentisohoho. A'amu fihumo An+tu hungkuno uyahon'ngki limojo sohwo kako kakoe hwap'nggo sopo yofe engo ane hweho. Ose limentisohoho.

⁴⁵ I oso'no Jisas kako kakoe hwap'nggopo Ngkalili i'mofopahon'ngki a'amu hopo sopenjoso hofiko Jisas pmentiso so'no simonyo imentohofoho. Hwap'nggoso hofiko hi ango Jelusalem Sikuno Engo iyoho humayo uhwonyo somo simentohofoho. Osopo nohumantifi yo'mayo wonyoangkafo a'amu miy'wo'n'ngkiyohoho Jisas yahon'ngki uhwonimentohofoho.

⁴⁶⁻⁴⁷ Oso hwaho Ngkalili ango we'e Kana osopo Jisas asomo umentisohoho. Nom'ne sikuno somo oso ango hopo sopo Jisas humamentiso sohonta kako hungkuno lahon'ngki ahu'mo mijoso ipisayo mijo pompenjiyo wain imo'n'imentisohoho. Jisas kako oso ango Kana sopo nohumentan'ngki hwe nom'ne ango Koponeyam humamojo sohwo kako Jisas hwaho Jutiya sopo nta'ni hwaho Ngkaliline'no sopalohoho upa'n'imentisohoho. Oso hwe huhwo sohwo kako hwe engo hwaho mokosyohumayo sohwoe syoho fehohnjo

somo mokosyohumamojo hweho. Kakoe hwomu mnokino engo tɪpema'mentisofoho. Oso'no hwe huhwo sohwo angoo Kana sopo nowento Jisasimo tɪpɪhwononto hungkuno yokumpohn'nyo ulɪmento, Nje hwomu kako poyo wape'nɪmonte'no mofoneponoho. Oso'no kɪko ngko'nji angoo Koponeyam nowehwasi nje hwomumo wopɪngoo nɪmokiyo.

⁴⁸ Ose ulahonɪngki Jisas ulɪmento, Ngko yo'mayo wonyoangkafo a'amu miyɪwo'nɪngkiyohofoso miyome'manji sekwo ngkine'no masemo'nyo'njo kuyoho, sɪmeho hi'ntnnono montape'njo hwasoho.

⁴⁹ Ose ulahonɪngki oso hwe engoo sohwoe syoho ulohofiyo sohwo ulɪmento, Hwe Engofo, kɪko komo'no fɪpe. Nje hwomu poyo pe'noloho.

⁵⁰ Ose ulahonɪngki Jisas ulɪmento, Kɪko jɪje angopono asomo fɪwe. Jɪje hwomu sohwo wopɪngoo wohumamontonoho. Ose ulahonɪngki oso hwe huhwo sohwo kako Jisasiye hungkunomo sɪmeho hi'ntnnono uyonto kakoe angoo pone'no asomo umentisofoho.

⁵¹ Nowentanɪngki kakoe syoho ulohofiyo sohwa honɪngkanopo uswo'nontɪfi ulɪmentohofi, Jɪje hwomu sohwo wopɪngoo humaho.

⁵² Ose ulahonɪngkofi kako ulohonɪmento, Nje hwomu sohwo wopɪngoo mofehi'nyo ntisohumo imo'nɪmaho. Ose ulahonɪngki hofɪko ulɪmentohofi, Fosi mofehi'nyo soumjiyo sohonta kakoe a'apaho tohohmtnnoso moi'wo imo'nɪngkahonɪngki wopɪngoo humaho.

⁵³ Ose ulahonɪngkofi kanɪngkwohwo huno ole uyɪmento, Fosi mofehi'nyo soumjiyo sohonta

Jisas kakimo uli+mento, Ji+je hwomu wopi+ngo wahumamontonoho. Ose ikwesya+siyonto kako kakoe a'amu hopi'nonohino sonji Jisas+mo si+meho hi'ntnnono umentohofofoho.

⁵⁴ Oso wonyoangkafoso a'amu miy+wo'n+ngkiyohofoso Jisas hwaho Ngkalili sopo imentisoso si+mo'mo ahu'mo mijomo *wain* imo'n+mentisofoho. Osofepo hwomu mnokino'njo sohumo wopi+ngo umokumentisofoho.

5

Jisas kako mijo ayo we'e Mpetes+ta sopo hwe mnokino'njo sohumo wopi+ngo umokumentisofoho.

¹ Oso moi'wo imo'n+ngkahon+ngki a'amu Jutafe Sikuno Engo iyoho humayo'ne i'mofopahon+ngki Jisas Jelusalemne'no si+mentisofoho.

² Oso ango Jelusalem sokilojo kuso anga'no yahu *sipsip*mnefoho li+motofofoho. Oso hopo sopo mijo ayo we'e wo'nnyoponoho. A'amu Jutafe hungkuno ole Mpetes+ta. Oso hopo sopo ango aho anga'no hopi'nono swoho ane iku'yo'nohinomo'nnyoso loho'nnyoponoho.

³ Oso ango hopo sopo a'amu pi'n+ngo engo mnokino'njoso humamotofofoho. Fehohnjoso ti+mpi'nyo fehohnjo si+fe wonyo'njo fehohnjo a'apaho poyo pe'nnyo'njo oso a'amuso humamotofofoho. [Hof+ko oso mijo ayo we'e huhwo sohwo songo songo iyo'ne hontohumamotofofoho.

⁴ Hwapingoso sikuno fehohnjo Anituye a'amu ahwomomjo fihwo noponto mijo ajwomo'mo songo songo imokahoningki uhwonontifi a'amu mnokino'njo sohwo kako oso mijo somo simo'mo ho'nima'mentiso osohwo kakoe mnokinoso moi'wo imo'nimentisofoho.]

⁵ Oso hopo sopo hwe mnokino'njo fihwo nohumentaningki soswo *teti-et* (38) uyakolo'mojo hweho.

⁶ Jisas noponto oso hwe huhwo sohwo fosyowentaningki uhwononto huno ole umento, olo hwe lohwo mnokino hohonta umojo hweho. Ose syafisyonto ulimento, Kiko nje a'apaho wopingo wanimo'nono lakiningkohoho.

⁷ Ose ulohoningkahoningki a'amu mnokino'njo sohwo ulimento, Ou, hwe engofu, oso mijo songo songo yahonjo sohonta ngko a'amu nontomafikuji mijomo menihumajone a'amuso ane hwo'nyoho. Ngko waho'nu'mo'mo ko lontneso nom'ne a'amuso niyakolofwo'ningkohoho hwo'nyoho.

⁸ Ose ulahoningki Jisas ulimento, kiko nolikafohoji jije ife ho'yango yo'mayoso hu'memahoji hano mpano.

⁹ Ose ulahoningki nihu'no komo'no oso hwe sohwoe a'apaho wopingo imo'ningkahoningki kako nolikafonto kakoe ife yo'mayoso nohu'memanto kako hano umentisofoho. Oso sikuno hiso sikuno iyoho humayomnoho.

¹⁰ Oseso a'amu Jutafe hwe engo sohwa hofiko oso hwe wopingo umokumentiso sohomo ulimentohofi, Olo sikuno loso iyoho humayo'nefoho. Jije ife yo'mayoso

mokoho'nawe'ne sikuno m'maho. Kiko nakwoe honingkano hungkunomo mtihupeelokuno.

¹¹ Ose ulahoningkofi kako ole ulimento, Oso hwe kako wopingo n+mokonto ntohoho, Kiko nolikafohoji jije ife yo'mayoso hu'memahoji hano mpano. Ose ntiso'nefoho.

¹² Ose ulahoningki hofiko ulohonimentohofi, Tihwoe a'amuhwo kilisoto. Jije ife yo'mayoso mahoji mpano eso.

¹³ Ose ulahoningkofi oso hwe wopingo imo'nimentiso sohwo kako Jisas kakoe yofeso huno muyo hweho. Hwapingoso oso hopo sopo Jisas kako oso hwe huhwo sohomo wopingo umokonto a'amu pi'ningo engo somo uhwononto kako komo'no uliko'ma'mentisofoho.

¹⁴ Hwangku sohonta Jisas kako oso hwe huhwo sohomo Anituye tajo ango engo somo tipihwononto ulimento, Kiko upa'nyo. Wopingo nto imo'ninkingino hwosoho. I kiko honingkano wonyoso apa'no yohotoho. Nom'ne tango engo mikunimposo ku'manoho.

¹⁵ Ose ulahoningki oso hwe huhwo sohwo kako nowento a'amu Jutafe hwe engo sohwo ulimento, Oso hwe ngkimo wopingo n+mokumasohwo Jisasiyoho. Ose ulimentisofoho.

¹⁶ Oso hohosohonta a'amu Jutaso hofiko Jisasi'mne'no wonyo ulohofano lontifi oso hiso'no hungkuno loma'mentohofofoho. Hwapingoso Jisas kako oso hwe wopingo umokumentisoso sikuno iyoho humayo somo imentisofoho.

¹⁷ Hofiko Jisasi'mo yoka hungkuno ulahoningkofi Jisas ulimento, I nje Mpohwo kako

sikuno huhwo huhwi a'amumo wopingo'nohini ne'no ulohofiwo'n'ingciso hweho. Kako usijo'no mofosyohumayo hweho. Oso pa'nyo sikuno huhwo huhwi ngko huhwo'ni a'amumo wopingo ulohofiwo'n'ingkohe hwo'nyoho. Ose ulimentisofoho.

¹⁸ Jisas ose ulimentiso so'no a'amu Jutaso hofiko Jisasimo wofonjosyano lontifi imentohofofoho. Hwapingoso hofiko huno ole syafi'hu'mentohofi, Jisas kako sikuno iyoho humayo somo syoho iwo'n'ingciso hweho. Oso'nohini'maho. O'o, kako Anitu nje Mpohweho nalisomanji kako huno ole syofisyalofoho. Ngko Anitu'nji afa hwo'nyoho. Ose syafisyontifi hofiko Jisasimo wofonjosyano lontifi imentohofofoho.

Anituye Hwomu sohwo kakoe syoho iyo so'ne kako yokumpohn'nyo hi'njo hweho.

¹⁹ Jisas a'amu Juta huhwa sohwo ulimento, Hungkuno nehopi'nohini waselimonne'no yohono. Ngko Anituye Hwomu sohwo'ni nje huno mta'ni ngko yo'mayoso siki mimnehono. O'o, yo'mayo nje Mpohwo yalokunjo somo uhwononji ngko yalokweno. Yo'mayo Mpohwo yonteso Hwomu sohwo kako iwo'n'ingkohoho.

²⁰ Nje Mpohwo kako simemo engo mikunimposo Ngkimo ntap'wo'n'ingciso so'no kako yo'mayo hopi'nonohino yalokusoso ntihwawo'n'ingkisofoho. Oseso yo'mayo nt'wo'n'ingkisoso ngko yalokweno. Olo syoho we'e imale somo sekwo timo uhwonimalofo sohwasihwangku Anitu kako syoho engo olo syoho we'e homo lomo hwofilo'nnyoso

ntapihwoso'no sekwo uhwonɨngkuji sekwo yomo uyantifeho.

21 Mpohwo kako a'amu poyo pe'nyo somo ulikafonte sohwo songo apa'no umokuwo'nɨngkiso hweho. Oseso Ngko huhwo'ni a'amu fehohnjo poyo pe'nyo somo ulika'mo limeso i ulika'monnoho.

22 Olohonta Mpohwo Anitu kako a'amufe honɨngkano somne'no wopɨngofoho wonyofoho mujo hweho. O'o, kako oso syoho hiso kakoe Hwomu sohwo'nɨmo ntapmmentisofoho.

23 Oseso hwe moya'mi hopi'nonohinoso hofiko Mpohwoe yofe ho'nomawo'nɨngkohoho hopaso hofiko kakoe Hwomu sohwo'niye yofe hi ho'nonɨmapitnne'ento syoho hiso ntapmmentisofoho. I oso'no a'amu nje yofe moho'nonɨmayo'njo hwo'manji hofiko nje Mpohwo nɨhwatimentiso sohwoe yofe hi moho'nomayo'njofoho.

24 Ose ulikwato lohofonto ole ulimento, Ngko nehopi'nohino waselɨmonne'no yohono. A'amu hofiko nje hungkunomo upa'nɨngkuji Anitu nɨhwatimentiso sohomo simeho hi'ntnnono uyɨkuji hofiko songo ne'no wopɨngo humayo'ne hi'njofoho. Hwangku hofikoe yahino somne'no hungkuno ikwolofa angkuhwafo sopo m'mofapitnnefoho. Hofiko poyo pe'nyo yahino somo hwotoho fentifi songo ne'no humayo yahinoso nto tipema'mentohofofoho.

25 Hungkuno nehopi'nohini selalokweno. Oso sikuno u'mofapmmonto imentiso sohwi nto i'mofapohoho. Oso'no olohonta a'amu poyo pe'nɨmentohofoso hofiko Anituye Hwomu

sohwo'niye mango mta'ni nje hungkuno upo'nantifeho. Oso a'amu hiso oso hungkuno homo somo simeho uyikuji'manji hofiko songo ne'no nohumantokutnnefoho.

²⁶ Nje Mpohwo kako songo humayo hwapingo sohwo kako kakoe Hwomu sohwo'nnonji songo foyohumayo'ne hwapingo nimokumentisofoho.

²⁷ Oseso Anitu kakoe Hwomu sohwo'nimo oso syoho a'amufe yahino somne'no wopingofoho wonyofoho ujoso ntapmmentisofoho. Hwapingoso Ngko A'amufe Hwomu nihwosopo'mentiso hwo'nyoho.

²⁸ Sekwo olo hungkuno lomne'no yomo ikutoho. Hwangku nom'ne sikuno imo'nyo sohwi i'mofapihwoso'no a'amu poyo nto pe'nontifi pi'nimomo wotofoso hofiko nje mampaho wonupo'nantifeho.

²⁹ Hofiko nupa'nngkuji apa'no songo wolikofantifeho. A'amu yahino wopingo imotofoso songo ne'no nohumantokutnnefoho. A'amu yahino wonyo imotofoso tohino engo tipemapitnnefoho.

Anitu kako kakoe hwomufe hwapingo so'no ujo ehontojwahumentisofoho.

³⁰ Ngko a'amufe yahino somne'no yano milofihwajiyo syoho imeso nje huno mta'ni mimnehono. O'o, ngko nje Mpohwoe hungkunomo upa'nimo osomnohini ngko tifi inngka'mo ngko a'amumo yano milofihwajiyoso nto'nohino uyimonnoho. Hwapingoso ngko nje huno mta'ni uyimonji'maho. O'o,

nihwatimentiso sohwo yo'mayo umo'nososo uyimonnoho.

³¹ Ngko sekumo ngkine'no hungkuno seli'me'no sekwo huno ole wosyofisyantifeho. Kakoe hungkuno nehopitikeno. Hwasyo kolalofoho. Ose wosyofisyantifeho.

³² I oso'no nom'nihwo nje Mpohwo oso hungkuno ngkine'no selokweso kako huhwo nje hwapingo so'no setihwalofoho. Oso ngkine'no setihwalokusoso ngko huno niyohoho, nehopeho.

³³ I nom'ne hungkuno upa'nyo. Oso hwe Joun A'amumo Mijo Kiyoma'mojo sohwoe hungkunomo sekwo upo'nane'entifi kakiyepono sekwoe a'amumo uhwatimentohofoho. Oso hwe huhwo'nji nje hwapingo so'no hungkuno nehopi nto selimojofoho.

³⁴ Ngko hwaho loponjo hwe sohwoe hungkuno ngkine'no nje hwapingo so'no selimentiso so'no ngko huno pi'n'ngo maniyantofiyoho. I oso'no sekwo ngkimo simeho ntapifitne'no sekwoe wonyomjo tohino somta'ni isihutofosemayo'ne Jouniye hungkunoso huno sefohotofo'ne selalokweno.

³⁵ Joun sohwo kako sikiloho hopo imo'nonto sekumne'no pomponaho losesiyo'ne hweho. Sekwo kakoe pomponahopo we'enepi wohumano lontifi simonyo imentohofoho.

³⁶ I oso'no olohonta nom'ne wopingo Jounimo hwofilo'nnyoso nje hwapingo so'no losetihwalofoho. Oso hiso nje syoho wopingo Mpohwo ntapmmentiso a'amu miyiwon'ngkiyohofoso yalokweno. Oso syoho

hiso sekwo uhwonɔngkuji nje hwapɔngo so'no huno waseyono. Mpohwo Anɩtu lihwatɩmentiso hweho waseyono.

³⁷ Nje Mpohwo nihwatɩmentiso sohwo sekwo kakimo muhwonyo'njo ko yontifi kakoe mampaho somo mupa'nyo'njo ko yahonɔngkofi kako huhwo nje hwapɔngo so'no nto setihwamentisofoho.

³⁸ Kakoe hungkunoso sekwoe simeho mo'mo maseuyoho. Hwapɔngoso sekwo Anɩtu nihwatɩmentiso sohwo'nɩmo simeho hi'ntnono montape kuyoho.

³⁹ Sekwo huno ole syofɩsyalokwofo. Nakwo Anɩtuye hungkunomo sikuno huhwo huhwi atofɔ liwo'nasoso nakwo songo ne'no humayo'ne wotɩpemantanoho. Ose syafɩsyontifi sekwo oso hungkuno homo somo hafɩhafe tɩpewo'nɩngkohofofoho. I oso'no oso hungkuno hiso nje hwapɔngo so'no ko lijwaofɩwo'nɩngkisoso

⁴⁰ sekwo ngko songo ne'no wonyoangkafo humayo hwapɔngo sohwo'nɩmo ni'mayo so'no nakwolaho liwo'nɩngkohofofoho. Oso'no sekwo songo ne'no humayoso matɩpmmopiyo hwasoho.

⁴¹ Olo hungkuno loso sekwo nje yofe woho'nonɩmantife'no maselalokuyohono.

⁴² O'o, ngko sekwoe yahino somne'no huno niyohoho. Sekwo Anɩtumne'no Nakwolaho lalokwofo.

⁴³ Ngko nje Mpohwoe yokumpohn'nyo'nji nonponji se'ma'mentoheho, Ngko Anɩtu mta'ango hwo'nyoho selɩmentohefoho. I oso'no sekwo nje hungkunomo moho'nonɩmaso hwasoho. I

hwe nom'nehwo kakoe huno mta'ni se'mahwosi kakoe yokumpohn'nyo'nji yo'mayoso ihwoso'no sekwo kakoe hungkunomo woho'nomantifeho.

⁴⁴ Sekwo sekwoe yofe ho'noma'niwo'n'ingkohofofoho. I oso'no sekwo sekwoe yahino somne'no Anitu kako huno pipi kuyalofoho eso huno mosyafi'niyo'njo liyalokwofo. O'o, kakoe syohofoho lalokwofo. Oso hiso'no sekwo Anitu ne anga'nohino sohumo simeho hi'ntnnono muyifitnnehofho.

⁴⁵ Tifi no'mo sekwoe hon'ngkano somne'no hungkuno ikwolofone sopo ngko nje Mpohumo sekumne'no mulimnehono. O'o, Moses sekwoe hungkuno ikwolofone sopo sekwoe wonyo somne'no Mpohumo ulonefoho. Hwap'ngoso sekwo huno ole syofi'syalokwofo. Nakwo Mosesiye hon'ngkano hungkunomo ito'no in'ngkwalokuhwono. Oso'no nakwo songo ne'no wonyoangkafo humayo so'no wotipemantanoho. Ose syofi'syalokwofo.

⁴⁶ I oso'no sekwo Mosesiye hungkunomo simeho hi'ntnnono nehopi uyontifijontentesi sekwo nje hungkuno homo somo simeho hi'ntnnono nontap'kutnnesohilo. Hwap'ngoso Moses kako ngkine'no hungkuno mt'i'mokumentisofoho.

⁴⁷ Oso hungkuno Moses ifalifaliyo mt'itmokumentiso somo sekwo nto'no min'ngkayo hwas'i'manji sekwo nje hungkunomo simeho hi'ntnnono pipi wotipeentifito. Awonoho. Jisas ose ul'imentisofoho.

6

Jisas kako a'amu 'faif tausen' (5000) somo wosopayo uyimentisofoho.

(Matiyu 4:13-21; Mak 6:30-44; Luk 9:10-17)

¹ Oso hohosohonta Jisas kako mijo ayo Ngkalili nongkihnta'ni wako'mentisofoho. Oso mijo ayo yofe nom'neso Taipeliyasiyoho.

² Osopo Jisas nowahonɨngki hwe moya'mi pi'nɨngo engoso Jisasimo tifi inɨngkapmmentohofofoho. Hwapɨngoso yo'mayo wonyoangkafo a'amu miywo'nɨngkiyohofoso Jisas yahonɨngki uhwonimentohofofoho. A'amu mnokino'njo pi'nɨngo somo Jisas kako wopɨngo umokahonɨngki uhwonontifi inɨngkapmmentohofofoho.

³ Jisasɨ'nji kakoe inomokomoyo sohwna'nnonji nakwo oso hopo sopo hwofiki'nyo we'e sopo kotosontani osopo humamentihwonefoho.

⁴ Oso a'amu Jutafe Anitu A'amu Isɨlael somo Uyakolo'mentiso somne'ne Syafisiyo Sɨkuno Engo * sohwi we'enenepi umo'nɨmonte'no imentisofoho.

⁵ Jisas oso hwofiki'nyo hopo sopo nohumanto timo fe'nɨhwonimentisoso hwe moya'mi pi'nɨngo engoso Jisasɨyepono sapontanɨngkofi uhwononto kako Filipimo ulimento, Olo hwe moya'mi lomne'no nakwo wosopayo mpe mtɨ'mta'ni yanehwono.

* 6:4: Mt. 26:2 enjwa so'mo fehonolo'mongkomaho.

6 Oso hungkuno hiso Jisas Filipimo ko ulimentisoso Jisas kako yo'mayo yone so'no huno nto syafihu'mentisofoho. I oso'no kako Filipiye hunomo yamofu uloho'mo lonto oso hungkunoso ulohonmentisofoho.

7 Jisas ose ulahonngki Filip kako ulimento, I, nakwo hamniyoho syoho iyo sikuno *tu hantilet* (200) memjaofoso hi'njo'ntontentesi nakwo wosopayo mpe yihwasi a'amu fehohnjo sohwa wopayo we'e'nohini ningkuji a'amu fehohnjoso manyo'njo ikutnesohilo.

8 Ose ulahonngki Jisasiye inomokomoyo nom'ne sohwo kakoe yofe Entilu, Saimoun Pitafe konngkwa'wehwo sohwo Jisasi'mo ulimento,

9 Olo hwomu lohwo kakoe wosopayo aho fehohnjo hopi'nonohino so'nji inaniku kempinjo hufa'uyo so'nji mokosyohumunyo hweho. I oso'no olo a'amu pi'nngo engo lomne'no wopayo loso pipi uyanehwono. O'o, hopo'maho.

10 Ose ulahonngki Jisas kakoe inomokomoyo sohwna'nimo nalimento, Sekwo hwe moya'mi somo ampo fesyohumamno ulimno. Ose nalimentisofoho. Oso hopo sopo hoja pi'nngo'njoponoho. A'amu hiso hojapo nohumantifi hwe'nohino sohwa *faif tausen* (5,000) humamentohofofoho. Moya'mi sofamo atofu majofoho.

11 Ose humentanngkofi Jisas kako oso wosopayo hiso nomanto Anitumo isamoyoka ulonto oso a'amu hwe moya'mi hopi'nonohino somo yano ulofimentisofoho. Ose uyonto kako inaniku kempinjo hufa'uyo so'nji yano ulofimento-

foho. Oso wosopayo so'nji inaniku so'nji uyahon'ngki a'amu hofiko nonont'fi simeho uhnnimentisofoho.

¹² Hofiko wosopayoso nto ningkahon'ngkofi Jisas kakoe inomokomoyo sohwna'nimo nalimento, Sekwo oso wosopayo nonont'fi nilifeefohofoso apa'no mihu'mokumno. Fehohnjo siki wehwoloho.

¹³ Ose nelahon'ngki oso wosopayo aho fehohnjo hopi'nonohino somta'ningo nilifee'mentohofoso sohwo ho'yo aho hopi'nonohino sife mta'ni hufa'uyo somo mehu'mee'mment'hwonefoho.

¹⁴ Oso wonyoangkafo a'amu miy'iwon'ningkiyohofoso Jisas imentiso so'no hwe moya'mi hofiko nuhwonont'fi ole hnnimentohofi, Oso hwe sohumo Anitu hungkuno uyahon'ngki nalone'no hontohumalohwoneso olo huhweho. Ose hnnimentohofofoho.

¹⁵ Ose hnnontan'ngkofi Jisas kako huno uy'mento, Hofiko ngkimo aho yokumpohn'nyo n'kekuji hofikoe hwe engomo men'humat'pitnnoho lonto kako'nohini hwofiki'nyopono kotasimentisofoho.

Jisas kako mijo ayo sopo hano emoimentisofoho.

(Mat'yu 14:22-33; Mak 6:45-52)

¹⁶ S'ikuno'nji Jisas kakoe inomokomoyo sohwna'ni nakwo mijo ayo momingo so'mne'no woment'hwonefoho.

¹⁷ Osopo nohumentani Jisas'mne'no wonyopi hontohumentani nakwo yofayokinomo

kotasontani nakwo oso mijo ayo sopo
 Koponeyamne'no woka'mentihwonefoho.
 Nowekontaningkuhwoni ajwopo sikuno
 nto meehoningki Jisas nakumo komo'no
 mone'ma'mmentisofoho.

¹⁸ Oso hohosohonta ifofo engo yahoningki mijo
 songo songo engo yonto mijo engo imentisofoho.

¹⁹ Inomokomoyo sohwana'ni nakwo
 mijopo ne'no jonjempo jonjempe
 mijimiwako'mentihwoneso nakwo mijo ajwopo
 ne'no humentani uhwonimentihwoneso Jisas
 kako mijo ayo yofayokino'njo sopo hano
 nowentaningki uhwonimentihwonefoho. Ose
 uhwonontani iyoho engo nanimentisofoho.

²⁰ I oso'no Jisas nakumo nalimento, Ngkonoho.
 Sekwo iyoho seningkuhwoloho.

²¹ Ose nelahoningki nakwo utimano lontani
 imentihwoneso kako nakwo'njo ajwomo'mo
 humahoningki yofayokino hiso nakwo
 wowantani humiyihwone sopone'no komo'no
 umentisofoho.

*Hwe moya'mi hofiko Jisasimne'no hafihafe
 tipmentohofofoho.*

²² Mo'nngkanta hwe moya'mi mijo ayo
 momingo nongkihnta'ni humamentohofoso
 Jisasimo uhwonano lontifi hnnimentohofi,
 Fosi yofayokino anga'no wentono. I,
 oso homo somo kakoe inomokomoyo
 sohwanohini kotasimalofofoho. Jisasi'nji'maho
 hofiko'nohini kotasontifi humpo'malofofoho.
 Ose hnnimentohofofoho.

²³ Oso hopo sopo Jisas kako wosopayo'no
 Anitumo isamoyoka ulonto a'amu homo

somo yano ulofimentiso hopo sopo a'amuso nohumantifi uhwonimentohofoso yofayokino fiso Taipeliyasnta'ango i'mofopahon'ngki uhwonontifi

²⁴ Jisasi'nji kakoe inomokomoyo sohwona'nnonji mohumunyo uhwonontifi hofiko Jisasi'mo wotipemano lontifi yofayokinomo kotasontifi Koponeyamne'no wako'mentohofofoho.

Jisas ole limento, Ngko songo ne'no humayo'ne wosopayo hwo'nyoho.

²⁵ Nowakentifi mijo ayo nongkihnta'ni Jisasi'mo nto tipihwonimentohofu sohonta Jisasi'mo ulimentohofi, Nakwoe Lonetihwayo sohwozi, kiko olopo ne'no ntohonta pmmahno hwozilo.

²⁶ Ose ulahon'ngkofi kako ulimento, Hungkuno nehopi waselimonne'no yohono. Fosi ngko syoho wonyoangkafo a'amu miy'wo'n'ngkiyohofi imale so'no sekwo nje hwap'ngo neso huno ehohosasesiyo'neso montipeentikuyohofi. O'o, ngko wosopayo sejapmmale so'no apa'no wonejapono lontifi ntopeentikwofo.

²⁷ Ose ulonto ulimento, Sekwo wosopayo piso imo'nyo'ne syoho tohohmtnno'njo ikutoho. O'o, oso wosopayo songo ne'no humayo'ne so'no syoho tohohmtnno'njo fiyikuno. Oso wosopayo hiso piso miyonehoho. Oso wosopayo hiso Ngko A'amufe Hwomu sohwo'ni wosejapmmnonoho. Ngko Anituye yokumpohn'nyo'nji yo'mayo wonyoangkafo a'amu miy'wo'n'ngkiyohofi yalokwe so'no Anitu kako ngkine'no ole

setihwalofoho, Ngko songo ne'no humayo'ne hwapingo hwo'nyoho.

28 Ose ulahon+ngki hofi+ko Jisas+mo uli+mentohofi, Nakwo pipi ihwasi yanehwono Anitu+ye syohosofo.

29 Ose ulahon+ngkofi Jisas uli+mento, Sekwo Anitu+ye si+meho wopi+ngo umokano lifi+jo'manji sekwo olo syoho sejapmmmentisoso fiy+kuno. Sekwo oso hwe Anitu sekuyepono ni+hwat+mentiso sohwo'n+mo si+meho hi'ntnnono ntapmno.

30 Ose ulahon+ngki uli+mentohofi, I ki+ko nom'ne wopi+ngo wonyoangkafo a'amu miy+wo'n+ngkiyohofoso yohojo'no'manji ou, nakwo ole wosyokufi+syantanoho. Anitu kuhwot+mentiso nehwo+soho. Ose wosyokufi+syantanoho. Oso'no pipi ihnnehino.

31 Neyakwosa sohwa a'amu mohumunyo sopo hofi+ko nohumanti+fi hofi+ko wosopayo ahwomo mta'n+ngoso (*mona*) ni+motofofoho. A'amu Anitu+ye hungkuno mti+'mokumentohofi sohwa ole mti+'mokumentohofi, Kako wosopayo ahwomo mta'angoso a'amumo uy+mojofoho. Ose mti+'mokumentohofofoho.

32 Ose ulahon+ngkofi Jisas uli+mento, Hungkuno nehopi'nohino waseli+monne'no yohono. Mouses kako oso wosopayo ahwomo mta'angoso muy+mmojofoho. O'o, nje Mpohwo uy+mojo hweho. I olohonta kako ahwomo mta'ango wosopayo neso wosejapmmonte'no yalofoho.

33 Oso wosopayo neso a'amufoho. Anitu kako ahwomo mta'ni hwaho lopo uhwat+mentiso sohwo kako hwe moya'mi hopi'nonohino somo

songo ne'no humayo'ne unyo hweho.

³⁴ Ose ulahon+ngki ul+mentohofi, Hwe engofo, oso wosopayo neso s+kuno huhwo huhwi engolopohamo k+iko fonejapohoho.

³⁵ Ose ulahon+ngkofi Jisas hof+kimo ul+mento, Ngko songo ne'no humayo'ne wosopayo ne hwo'nyoho. A'amu hwahoponjo wosopayo n+wo'n+ngkohofoso hof+ko mijoho apa'no uy+montonoho. I oso'no a'amu ngkimo n+masoso mijoho apa'no muyonefoho. A'amu ngkimo s+meho hi'ntnnono ntapososo kako mijo'ne apa'no mumo'nonehoho.

³⁶ I oso'no nje hwap+ngo ne so'no nto set+hwamalefoho. Sekwo ngkimo ko nohonont+fi s+meho hi'ntnnono mantape'njo imalofofoho.

³⁷ A'amu fehohnjoso An+tu ngkimo ntapmmmentisoso hof+ko ngkine'no wonn+ngkopant+feho. Oso a'amu homo somne'no wae meeo'mnehono. Ngkilaho mul+mnehono.

³⁸ Hwap+ngoso ngko ahwomo mta'ni pmmentoheho nje huno mta'ni pmmentohe hwon+maho. O'o, An+tu n+hwat+mentiso sohwoe hunomnohini in+ngkayo'ne pmmentohe hwo'nyoho.

³⁹ An+tu kako n+hwat+mentiso sohwo ole'ne'no umo'n+ngkohoho. Hwe moya'mi hopi'nonohinoso An+tu ngkimo nto ntapmmmentiso kalohi ngko anga'no mus+kwaj+mnehono. O'o, ngko hof+kimo aho yokumpohn'nyo kemokosyohumant+meso hwangku no'mo s+kuno ae'uyo somo ngko hof+kimo nul+kahm'me'no hof+ko songo ne'no nohumantokutnnefoho.

⁴⁰ Ou, olo so'no Mpohwo kako

umo'n'ingkohoho. Hwe moya'mi hopi'nonohino Kakoe Hwomu sohwo'n'imo nohon'ingkuji nje hwap'ingo ne so'no simeho hi'ntnnono ntap'ifijo'manji hof'iko songo ne'no humayo'neso nomaf'ikujono sikuno ae'uyo somo ngko hof'ikimo songo nul'ika'mnefoho. Ose ul'imentisofoho.

⁴¹ Jisas kako ngko wosopayo ne ahwomo mta'ango hwo'nyoho ul'imentiso so'no hof'iko hof'ikoe simeho wonyo umo'n'ingkahon'ingki Jisasi'mne'no sitofohungkuno hnn'imentohofofoho.

⁴² Ole hnn'imentohofi, Pipineto. Olo hwe lohwo kako Jousepiye hwomu Jisasiyoho. Kan'ingkwohwo'ya'une'no nakwo huno nayohoho. Ngko ahwomo mta'ni pmmmentohe hwo'nyoho eso hwasyoso peho'no nelalofoho.

⁴³ Ose hnn'ingkahon'ingkofi Jisas ul'imento, Sekwo ngkine'no sitofohungkuno hofiyoka peho'no hnnalokwofo.

⁴⁴ A'amu fihwo kako ngkimo tifi nningkaposohwo kakoe huno mta'ni moni'manehoho. O'o, nje Mpohwo ngkimo n'hwat'imentiso sohwo kako a'amu sohomo ngkiyepono mikinji'hwajiyoso kako ngkimo woni'ma'montonoho. Oseso oso hwe ngkiyepono Anitu lihwajoso sohomo ngko sikuno ae'uyo somo ul'ika'mnefoho.

⁴⁵ A'amu Anitu hungkuno uyahon'ingki limotofohowa ole mti'mokumentohofi, Hwe moya'mi hopi'nonohino somo Anitu kako hof'ikimo huno uyo'ne itihwanefoho. Ose mti'mokumentohofofoho. A'amu hopi'nono Anituye hungkuno upa'n'ingkuji kakine'no

huno nto'no syafisy+kujo'no hofiiko ngkimo woni'mantifeho.

⁴⁶ I a'amu hopi'nonohinoso hofiiko nje Mpohwo Anitu sohomo muhwonyo'njofoho. O'o, ngko'nohini Mpohwo'nji humunyo sohwo'nnohini kakimo uhwononji kakoe pone somta'ni pmmentohe hwo'nyoho.

⁴⁷ Hungkuno nehopi'nohini selalokweno. A'amu ngkimo simeho hi'ntnnono ntaposo sohwo kako songo ne'no humayo'neso hi'njo hweho.

⁴⁸ Ou, ngko songo ne'no humayo'ne wosopayo hwo'nyoho.

⁴⁹ I seyakwosa sohwa hofiiko oso hwaho a'amu mohumunyo sopo nohumantifi wosopayo ahwomo mta'ni (*mona*) ni'motofo sohwa hofiiko hohonta nto pe'n+mentohofofoho.

⁵⁰ I oso'no oso wosopayo ne ahwomo mta'ni a'amu nosohwo'manji kako songo ne'no nohumantihwone hweho.

⁵¹ Ngko oso wosopayo ne songo ne'no humayo'ne sohwo'ni ngko ahwomomo uli'ko'manji pmmentohe hwo'nyoho. Oseso a'amu fihwo kako oso wosopayo neso noso'manji kako songo ne'no humantihwonefoho. Oso wosopayo so'ne'no ngko sekumo selalokweso nje a'apahomne'no selalokweno. Hwap+ngoso ngko a'amu hwahoponjo somne'no poyo imo'n+me'no a'amu ngkine'no simeho ntapifijo'manji hofiiko songo ne'no nohumantokutnefoho.

⁵² Ose ulahon+ngki a'amu Juta hofiiko yoka hungkuno engo loma'mentohofofoho. Ole hnn+mentohofi, Olo hwe lohwo kakoe a'apaho

nejapososo pipi nanehwono.

⁵³ Ose ulahonɨngki Jisas ulɨmento, Ngko hungkuno nehopi selalokweno. Sekwo nje a'apaho so'nji nje honɨyo so'nji manɨfijo'manji sekwo songo ne'no humayoso motɨpɨhwonɨfitnnefoho.

⁵⁴ A'amu nje a'apaho so'nji nje honɨyo so'nji nnososo kako songo ne'no humayo'neso hi'njofoho. Oso sɨkuno ae'uyo somo oso a'amu homo somo ulɨka'mnefoho.

⁵⁵ Hwapɨngoso nje a'apahoso wopayo ne pa'nyofoho. Nje honɨyoso mijo ne pa'nyofoho.

⁵⁶ A'amu kako nje a'apaho so'nji nje honɨyo so'nji nnososo ngko kakimo humahm'me'no kako ngkimo wonɨhumamontonoho. Oso a'amu hiso kako nje hungkunomo aho yokumpohn'nyo kemokosyohumunyofoho.

⁵⁷ Nje Mpohwo songo ne'no humaso sohwo kako nɨhwatɨmentiso so'no ngko nje Mpohwoe yokumpohn'nyo so'nji songo humaleno. Oso pa'nyoso a'amu fihwo kako sɨkuno huhwo huhwi wosopayo'nji mijo'nji nɨwo'nɨngkiso hopaso kako ngkine'no sɨkuno huhwo huhwi huno syanɨfɨsyɨwo'nɨngkuhwoso'manji kako nje yokumpohn'nyo nomahwosi songo wohumamontonoho.

⁵⁸ Olo wosopayo ahwomo mta'ango lohwo'ni oso wosopayo seyakwosa sohwa hofɨko a'amu mohumunyo sopo nɨmotofo pa'nyo hwo'nɨ'maho. O'o, oso wosopayo hiso mantɨfi nontɨfeso hofɨko poyo nape'nɨmotofofoho. I oso'no olo wosopayo lohwo'nɨmo a'amu fihwo nnososo kako songo ne'no

nohumantiwonefoho.

⁵⁹ Jisas kako oso ango Koponeyammjo tajo ango somo humanto oso hungkuno hiso lutwamentisofoho.

Jisas kako songo ne'no humayo'ne hungkuno hwap+ngo hweho.

⁶⁰ Oso hungkuno homo somo Jisasiye inomokomoyo pi'n+ingo sohwo'ni nupo'nontani fehohnjoso hnn+mentohofi, Olo hungkuno loso tango we'e'njo hwo'maho. Hungkuno hwap+ngo neso nakwo huno monayohiyohoho. Haloho two upo'monteto.

⁶¹ Jisas kakoe inomokomoyo fehohnjoso oso hungkuno mjahnn+mentohofoso Jisas kakimo ko mulahon+ngkofi kako oso hiso'no huno uyahon+ngki hof+kimo ul+mento, Olo hungkuno ngko seloheso sekwoe hunomo wonyo lasemokohoho. Sekwo ngkimo won+hwti'mofantifetaho.

⁶² I ngko A'amufe Hwomu sohwo'ni ngko nje ango ne sopone'no asomo sime sohonta sekwo ngkimo nonohon+fitnne'manji sekwo huno pipi seyoneto.

⁶³ Anituye Towahuno sohwo kako'nohini songo ne'no humayo'neso hwap+ngo hweho. Sekwo oso hwe huhwo sohumta'ni womantifeho. Sekwoe a'apahomjo yokumpohn'nyo mosefo'manehoho. O'o, a'amu Anituye Towahuno momaso'njo sohwo kako songo ne'no humayoso mot+pemanehoho. I oso'no sekwo Anituye Towahuno mayo so'no nto selohefoho. Nje hungkunomo in+ngkafijoso sekwo songo ne'no humafitnnefoho.

⁶⁴ A'amu fehohnjo sekwo'njo ajwo so'mo humalofoso hofi'ko ngkine'no simeho hi'ntnnono montape'njo yalokwofo. Ose nalimentisofoho. Hwapingoso simo'mta'ango Jisas kako oso a'amu kakimo simeho hi'ntnnono muyifitne somne'no kako huno nto syafi'hu'mentisofoho. Oso'nji kako oso a'amu kakine'no tokoyo'ofu ulohofone sohune'no huno umentisofoho.

⁶⁵ Jisas a'amu huhwo sohwo nom'ne hungkuno ulimento, Sekwo fehohnjo soku ngkimo simeho montape'njo yalokwofo so'no ngko olo hungkuno hiloso nto seloheso olenoho. Nje Mpohwo kako a'amu somo momikinjosehwajiyo'njo yoso'manji sekwo ngkiyepono mapofitnehoho.

⁶⁶ Oso hungkuno hiso Jisas kako ulahon'ngki kakoe inomokomoyo pi'ningoso kakimo uhwati'mofontifi humpo'mentohofofoho. Hofi'ko kako'nji hano apa'no memayofoho. Ni'hu'nahone uhwati'mo'mentohofofoho.

⁶⁷ Oseso Jisas kako kakoe inomokomoyo aho hopi'nono sife mta'ni hufa'uyo sohwo'na'nimo nalimento, Sekwo huhwasi woni'hwoti'mofantifetaho.

⁶⁸ Ose nelohon'ngkahon'ngki, Saimoun Pita ulimento, Hwe Engofo, Nakwo ti'hwepo humpeenehwono. O'lo, kiko'nohini songo ne'no humayo'ne hungkunoso hi'njo hwosoho.

⁶⁹ Ji'je hungkuno homo somo simeho hi'ntnnono kijopalokuhwono. Nakwo huno ole nayohoho. Kiko Anituye hwomu ne sohosi wopingo'nohini hwosoho.

⁷⁰ Ose ulahon'ngki Jisas nalimento, Nje

inomokomoyo aho hopi'nono sife mta'ni hufa'uyo sohwasi ngko sehwasopo'mentohe hwasoho. I oso'no ngko sehononji anga'nohino sohwaso towahunu wonyo Seten mta'angoso hi'njo hwosoho. Ose nalimentisofoho.

⁷¹ Oso hungkuno Jisas nalimentisoso kako Jutas, Saimoun Isikaliyoutiye hwomumne'no nalimentisofoho. Hwapingoso Jutas huhwo sohwo kako Jisasiye inomokomoyo ko inomokomojo sohwo kako aku ikinji ehumanto Jisasi'mne'no tokoyo'ofu uloho'mentisofoho.

7

Jisas kakoe homningkwa'wehwosa Jisasi'mo simeho hi'ntnnono muyimmentohofofoho.

¹ Oso hohosohonta Jisas kako hwaho Ngkalili sopo nowento hano emoimentisofoho. A'amu Jutafe hwe engo sohwa Jisasi'mo wofonjosyano lontifi yahoningkofi kako hwaho Jutiya sopo hano memoyo'njo imentisofoho.

² Oso a'amu Jutaso hofikoe sikuno iyoho humayo nom'ne engoso mofonepo umo'nimonto imentisofoho. Oso sikuno hiso a'amu Jutafe hofiyakwosa hofiko hwapife ango molontifi humamotofo sohonta Anitu hofikimo hofiyo mokosyohumamojo so'no huno syafisiyo'ne sikunofoho.

³ Oseso Jisas kakoe homningkwa'wehwosa kakimo sitofo hungkuno ulimentohofi, Kiko olo hwaho Ngkalili lopo sopo nohumahotoho. O'o, kiko hwaho Jutiya'ne'no sohoji osopo yo'mayo wonyoangkafo a'amu miyiwon'ngkiyohofoso

kiko yohojo'no a'amu pi'n'ngoso kikimo kohon'ngkuji jije yofe engo umo'n'montonoho.

⁴ Kiko yofe engo woma'mo lohoji'manji olo hiyaso lo'mo peho'no humahnno. Kiko yofe engo ne hi'njo hwosi'manji kiko yo'mayo wonyoangkafoso a'amu hopi'nonohino somo fitihwaho. Ose ulimentohofofoho.

⁵ Hwap'ngoso homn'ngkwa'wehwosa huhwanji Jisasimo simeho hi'ntnnono mummentohofofoho.

⁶ Jisas hofikimo ulimento, Ngko ango Jelusalemne'no utihwa'nyopo simne sikunoso m'mofapefoho. I sekwo yo'mayoso uyano likuj'manji sekwo a'amu hwahoponjo soku sikuno engolopohamo sekwoe sikunofoho.

⁷ Olo hwaho loponjo hwe moya'mi hopi'nonohinoso hofiko sekumne'no simeho tohino mosejopalokuyohoho. O'o, simeho tohino ngkimnohini ntopantokwofo. Hwap'ngoso yo'mayo yahino wonyo hofiko iwo'n'ngkohoho so'no ngko lijwaof'wo'n'ngkohe so'no simeho tohino ntap'wo'n'ngkohofofoho.

⁸ Nje n'ngkwahwoso sohwasi sekwo nosikuji sekwo oso sikuno iyoho humayo engo somo fisihwonamno. I, ngko oso sikuno iyoho humayo engo somo mosihwonamnehono. Nje sikuno ngko siyo'neso nto'no mmo'nyofoho.

⁹ Jisas kako ose ulonto oso hwaho Ngkalili sopo humamentisofoho.

Jisas kako oso Sikuno Engo hofiyak-wosa hwapife ango molimentohoho somo shwojamentisofoho.

¹⁰ Jisas homningkwa'wehwosa sohwa hofiko oso Sıkuno Engo somne'no sikwato lohofahoningkofi Jisas kako huhwo simentisofoho. I oso'no kako utihwa'nyopo simentiso'maho. O'o, hiyaso'mo simentisofoho.

¹¹ A'amu Jutafe hwe engo sohwa hofiko oso Sıkuno Engo somo humawo'nngkohoho sopo humantifi Jisasimne'no hafihafe tipentifi a'amu somo ulohonimentohofi, Jisas kako ntimo humaho.

¹² Hwe moya'mi pi'nngo engoso hofiko mtitofomtitofosyohumolawentifi a'amu fehohnjoso ole limentohofi, Jisas kako wopngo hweho. A'amu fehohnjoso ole limentohofi, Jisas kako a'amumo hwasyo hungkuno liku'mofowo'nngkiso hweho. Ose limentohofofoho.

¹³ I oso'no a'amu hopi'nonohino hofiko hwe engo sohwanne'no iyoho unngkahonngki hofiko hungkuno utihwa'nyopo mahnnimentohofofoho.

¹⁴ Oso Sıkuno Engo iyoho humayo ajwo sopo Jisas kako Anıtuye tajo ango engo somo noswonto a'amu somo utihwa'nyopo hungkuno loma'mentisofoho.

¹⁵ A'amu Jutafe hwe engo sohwa hofiko Jisasiye hungkunomo upo'nantifi yomo yontifi ole hnnimentohofi, Olo hwe lohwo kako huno engo loso ntimta'ni tipema'masoto. Kako nakwoe sikule ango hungkuno atofolutihwawo'nngkuhwone somo masyuyo hweho.

¹⁶ Ose hnnngkahonngkofi Jisas kako hofikimo ulimento, Olo hungkuno selalokwe loso nje huno mta'ango moselalokuyohono. O'o, Anıtu kako

ngkimo nihwatimentiso sohwo ntahonngki selalokweno.

17 A'amu fihwo kako Anituye hungkunomo uningkamo loso sohwo kako olo nje hungkuno lomne'no kako huno ole uyono. Hungkuno loso kakoe huno mta'ningo'maho. O'o, Anituye huno mta'ningofoho. Kako huno ose uyono.

18 Hwe fihwo kako kakoe huno mta'ni yo'mayo loso yoso sohwo kako yofe engo woma'mo lihwosi walimontonoho. I a'amu fihwo kako oso a'amu lihwatimentiso sohwoe yofe engoso sekwo noho'nomapitnne'ento selalokuso'manji kako hwasyo hungkuno moselalofiyoho. Honngkano wonyo ane hweho.

19 Jisas ose ulonto ole ulimento, Hohonta Mouses kako seyakwosamo Anituye honngkano hungkuno uyimentisofoho. I oso'no sekwo hopi'nonohino soku oso honngkano hungkuno somo hwotoho fentifi nto'no minngkayo'njo imotofokuyoho. Sekwo ose imentohofa so'no sekwo ngkimo peho'no wofonjonisyantife'no yalokwofo.

20 Ose ulahonngki hwe moya'mi hopi'nonohinoso hofiko Jisasimo ulimentohofi, Kikimo tihwo wofonjakohumontolo. Awonoho. Kiko towahuno wonyo Seten mta'angoso hi'njo hwosoho.

21-23 Hofiko ose ulahonngkofi Jisas ulimento, Sikuno iyoho humayo fihumo ngko hwe mnokino'njo sohomo wopingo umokumentohe so'no sekwo simaho tohino ntapiwon'ningkohofofoho. I oso'no sekwo soku sikuno iyoho humayo somo syoho

iwo'n+ingkohofokuyoho. Seyakwo Mouses sohwo hon+ingkano hungkuno ole sejapmmto, Sekwo s+kuno aho fehohnjo hopi'nonohino aho nom'ne mta'ni hufa'u memjaofi+hwoso'no mo'n+ingkanta hwomu milongo soh wamo a'apaho somo sihu fi+kolopmno. I Mouses oso hungkuno somne'no hwap+ngo hwo'maho. O'o, seyakwosa mta'angofoho. I oso'no oso s+kunoso memjaofi+hwoso'no s+kuno iyoho humayo so'manji sekwo oso s+kuno somo syoho iwo'n+ingkohofi+hwaso. Sekwo oso ko iwo'n+ingkohofo so'no ngko hwe sohomo wop+ngo umokumentohe oso s+kuno somo sekwo ngkine'no si+meho tohino peho'ne ntopantokwofo.

²⁴ Sekwo yo'mayo yahino somo uhwon+ingkuji wonyofoho eso komo'no likutoho. O'o, sekwo si+mo'mo hwap+ngo ne so'no huno nto'no ikwesya+si+kuji sekwoe hunoso yano nto'no mpopmno. Ose ikujo'no sekwo yahino wonyo so'nji wop+ngo so'nji huno nto'no wot+pemant+feho. Ose uli+mentisofoho.

A'amu fehohnjoso hofi+ko ole li+mentohofi, Olo hwe lohwo An+tu li+hwat+mentiso lohwo+keno.

²⁵ Hwe moya'mi fehohnjo Jelusalem sopo humamotofoso ole hnn+imentohofi, Olo hwe lohomo a'amu hwe engo sohwa wofonjosyano lontifi iwo'n+ingkohofo lohwo+laho.

²⁶ I uhwon+mno. Kako uti+hwa'nyopo lohofonto kakoe hungkuno lontan+ngki hofi+ko yoka hungkuno mulalokuyohofo. I nakwoe hwe engo

sohwa hofiiko olo hwe lohume'no Anitu uhwatimentiso hweho ose kosyofisyalokwofo.

²⁷ Ose hnnontifi nom'niso ole hnnimentohofi, I oso'no olo hwe lohwoe hwaho loponjo ango ne so'no nakwo huno nayohoho. Oso hwe Anitu uhwatimonnoho nalimentiso so'no kako i'mofape sohonta kakoe hwapingo so'no nakwo huno nto'no monayonefoho. Ose hnnimentohofofoho.

²⁸ Jisas kako Anituye ango engo somo ajwo'mo nohumanto a'amu somo mango engo ulimento, Sekwo ngkine'no huno seyohoho. I sekwo nje ango sopone'no huno moi'wonoho. I oso'no nje hwapingo neso nje Mpohwo ngkimo nihwatimentiso sohune'no sekwo huno nto'no maseyohiyohoho. Ngko nje huno mta'ni pmentohe hwoni'maho. O'o, nje Mpohwo kako nihwatimentiso sohwo kako yo'mayo yahino ne so'no hwapingo hweho. I sekwo kakimo huno ito'no maseyokuyoho.

²⁹ Ngko'nohini kakine'no huno moi'wonoho. Hwapingoso ngko kako'nji nohumentai kako huhwo ngkimo lonihwatimentiso so'no pmmen-tohe hwo'nyoho.

³⁰ Ose ulahonngki hofiiko kakimo impe untofantifi ko imentohofoso a'amu fihwo kakimo aho mokisahumentisofoho. Hwapingoso Jisas kakoe sikunoso mmo'nyofoho.

³¹ Hwe moya'mi pi'nngoso hofiiko Jisasimo simeho hi'ntnnono uyontifi ole hnnimentohofi, Oso hwe sohomo Anitu uhwatimentiso sohwo nopihwoso'no kako olo hwe lohwoe yokumpohn'nyo somo uyakolo'montolaho. O'o, awonoho. Olo hwe oloho hweho. Ose hnnontifi

tifi iningkamentohofofoho.

A'amu itokuso'njo sohwa Jisasimo impe intofo'ne lihwatimentohofofoho.

³² A'amu Falisi sohwa oso hungkuno a'amu Jisasimne'no hnnimentohofoho homo somo upa'nontifi hofiko'nji a'amu tajo ango syoho'njo yofe engo'njo sohwantne'no hofiko Anituye ango engo somjo a'amu hwapife tifo'njo sohwa Jisasimo impe intofo'ne lihwatimentohofofoho.

³³ Lihwatimentohofoho so'no Jisas kako huno uyahoningki kako a'amu kako'njoponjo somo ulimento, Sikuno we'enehwo ngko sekwo'nji wosimonnoho. Nohumahm'mo ngko nihwatimentiso sohwoepono asomo wawomonnoho.

³⁴ Oso hohosohonta sekwo ngkine'no hafihafe ko tipifijoso manohonifitnnehofo. Hwapingoso oso ango ngko nu'mo humame sopo sekwo moni'mapitnnehofo.

³⁵ Ose ulahoningki a'amu Juta sohwafe hwe engo sohwa ole hnnimentohofi, Oseso olo hwe lohwo kako ntente we sopo uhwonantanto nakwo huno uhwonyosofo. Kako a'amu Ngklik sohwafe hwaho sopo nowehwosi a'amu Juta oso hopo sopo humawo'ningkohofoho so'nji a'amu temtitofoho kengo Ngklik so'njimo kakoe hungkunoso wolutihwamtolikeno.

³⁶ Ole nalohi, Sekwo ngkine'no hafihafe ko tipifijoso manohonifitnnehofo. Ose nalonto ole nalohi, Sekwo ango ngko humame sopo sekwo moni'mapitnnehofo. Oso hungkuno

nalisoso hwapingo neso pehomto. Ose
hnn+mentohofofoho.

Mijo songo ne'no humayo'ne hungkunofoho.

³⁷ Oso sikuno ni'hu'no engo iyoho humayo
ae'uyo sohonta Jisas nolikafonto mango engo ole
ul+mento, A'amu mijo'no umo'noso sohwo kako
ngkiyepono nop+hwosi ngkinta'ni wannono.

³⁸ A'amu An+ituye hungkuno
mti'mokumentohofohi sohwa ole
mti'mokumentohofi, A'amu ngkine'no si'meho
hi'ntnnono ntaposo sohwo kakoe si'meho so'mo
mijol+mo hopa imo'n+ngkuhwosi oso mijo songo
ne'no humayo'neso hano loho'nawo'nnyofoho.
Ose mti'mokumentohofofoho.

³⁹ Mijo'no Jisas ul+mentisoso An+ituye
Towahuno Wop+ingo somne'no ul+mentisofoho.
A'amu si'meho hi'ntnnono unyo sohwa hofiko
An+ituye Towahuno mapitnne'no ul+mentisofoho.
I oso'no Jisas kakoe yofe engo so'nji kakoe
yokumpohn'nyo hwofilo'nnyo so'nji momaso'njo
oso'no An+itu kakoe Towahuno a'amu homo somo
muyo'njo imentisofoho.

*Hwe moya'mi sofanji ajwopo
hotito'mentohofofoho.*

⁴⁰ Hwe moya'mi fehohnjo sofanji Jisasiye
hungkuno upa'nontifi ole hnn+mentohofi,
Ou, nehopeho. Oso hwe sohomo An+itu
hungkuno uyahon+ngki nalone sohune'no
hontohumawo'n+ngkuhwoneso olo huhweho.

⁴¹ Ose hnn+ngkahon+ngkofi nom'ne a'amuso
ole hnn+mentohofi, Olo Kilaisiyoho. An+itu kako
ahwomo mta'ni uhwat+mentiso hweho. Ose

lahonɨngkofi nom'neso ole hnnɨmentohofi, O'o, Kɨlais kako hwaho Ngkalili sopo m'mofaponehoho.

⁴² I a'amu Anɨtuye hungkuno mtɨ'mokumentohoho sohwa olo hiso'no yoloho mtɨ'mokumentohofofoho. Kɨlais kako hwe engo Ntefitɨye temtifofo i'mofapɨhwosi oso ango Mpetɨlehem Ntefit humamojo hopo sopo u'mofapmmontonoho. Olo hwe lohwo kako Ngkalili sopo i'mofapmmentisofoho. Oso huno hwasyo syafɨhu'mentohofofoho.

⁴³ Oseso a'amu Jisasɨmne'no huno kengo kengo syafɨsyontɨfi hwe moya'mi hofɨko Jisasɨmne'no hotito'mentohofofoho.

⁴⁴ A'amu fehohnjo sohwa hofɨko Jisasɨmo impe untofosyano lontɨfi ko imentohofoso a'amu fihwo Jisasɨmo aho mokisahumentisofoho.

A'amu Jutafe hwe engo sohwa hofɨko Jisasɨmo sɨmeho hi'ntnnono muyo'njo imentohofofoho.

⁴⁵ Oseso a'amu hwapɨfe tɨfo'njo sohwa hofɨko a'amu Falisi sohwanji a'amu tajo ango syoho'njo yofe engo'njo sohwafe pone'no asomo nopa-honɨngkofi hwe engo sohwa yoka ulɨmentohofi, Sekwo Jisasɨmo impe mintokwape pipi yohoho.

⁴⁶ Ose ulahonɨngkofi hwapɨfe tɨfo'njo sohwa ulɨmentohofi, Jisas kako hungkuno wonyoangkafo lisoso nakwo hungkuno oso pa'nyoso nakwo mupa'nɨngkohoyɨhwono.

⁴⁷ Ose ulahonɨngkofi a'amu Falisi sohwa ulɨmentohofi, I sekwo huhwahnnji Jisasɨmo sɨmeho uyahonɨngkofi hwasyo honɨngkanomo ipesemotasewesotaho.

⁴⁸ I nakwo hwe engo sohswana'nnonji a'amu Falisi sohswana'nnontne hwe fihwo kako Jisasimo simeho hi'ntnnono unyo sohomo lihwonolokwofo. Ni'hu'no awonoho.

⁴⁹ Olo a'amulo Jisasimo simeho uyalokwofo sohwa hofi'ko Mousesiye hon'ngkano hungkuno somo huno muyofoho. Oso'no Anitu a'amu homo somo tohino uyimontonoho. Oso hwasyo hungkuno ulimentohofofoho.

⁵⁰ Nikoutimos kako hohonta Jisasimo u'ma'mentiso sohwo kako huhwo a'amu Falisi hweho. Kako hofi'ko'nji nohumanto ulimento,

⁵¹ Nakwoe hon'ngkano hungkunoso ole nal'wo'n'ngkisotaho. A'amufe hungkuno mupa'nyo'mta'ni tohino siki uyo. Ose nal'wo'n'ngkisotaho. O'o, simo'mo kakoe hungkuno yoloho neso upa'n'ngkuhwasi yo'mayo iwo'n'ngkiso so'no huno nto'no nay'hwaso'no u, osohonta kako'ne hungkuno nano womtitofantanoho.

⁵² Ose ulahon'ngki hofi'ko ulimentohofi, I kiko huhwo hnonji Ngkalili nta'ango hwosilaho. Anituye hungkunomo atofa fiso. Atofo lohoji olo so'no huno wotipema'monnoho. A'amu Anitu hungkuno uy'hwoso'no nalone sohwo hwaho Ngkalili sopo m'mofaponehoho. Oseso kiko huno wotipema'monnoho.

⁵³ Ose ulahon'ngkofi hofi'ko hofi'koe angopono humpo'mentohofofoho.

8

A'mu hwa'nte siye hungkunofoho.

¹ [Oso si:kwo'miyo somo Jisas kako hwofiki'nyo Oulif sopo simentisofoho.

² Mo'ninka sohonta imingo'nji Jisas apa'no Anituye tajo ango engo somo asomo noponto simentisofoho. Hwe moya'mi hopi'nonohino Jisasimo u'mahoninkofi Jisas kako ampo nohumanto kakoe hungkunoso lutihwamentisofoho.

³ Ose lutihwentanngki a'amu honingkano hungkuno lutihwamotofo sohwanji a'amu Falisi sohwanji hofiko ape hwa'ntesimo ipemotasontifi Jisasi'njo ajwopo uhumatimentohofofoho. Oso apesi kako nom'ne hwe'nji saho foyowentanngki hwe engo sohwa uhwonimentohofofoho.

⁴ Oseso hofiko Jisasimo ulimentohofi, Nakwoe Lonetihwayo sohwozi, olo ape losi hufo yontanngki uhwonimalohwoniyoho.

⁵ Mousesiye honingkano hungkunoso ole nalimento, Hwoya'mi yahino wonyo'njo ose somo sojo mehwaso wofonjosyano. Ose nalimentisofoho. I oso'no kiko huno pipi kiyohoho. Pipi yanehwono.

⁶ Hofiko Jisasiye hunomo yamofu ulohofone oso ulohonimentohofofoho. Huno ole syafihu'mentohofi, Jisas kako Mousesiye honingkano hungkunomo mtihupe so'manji nom'ne hungkuno kengo naloso'manji nakwo kakimo impe untofantanoho. Ose syofisyahonngki Jisas kako ingku'nohumanto kako kakoe ajo'miyo'nji hwahomo ifalifaliyo mtimokumentisofoho.

⁷ Hofiko Jisasimo ne'no ne'no ulohoninkahoninkofi Jisas kako nolikafonto

ulimento, A'amu fihwo honingkano wonyo ni'hu'no aneso sekwo'njo ajwo lopo sojo simo'mjoso a'mu simo woho'namofono.

⁸ Ose ulonto kako apa'no ingku'nohumu lohofonto hwahomo apa'no ajo'miyo'nji ifalifaliyo mt'i'mokumentisofoho.

⁹ Hofiko Jisasiye hungkunomo upa'nontifi a'amu anga'no anga'no hotahumentohofofoho. Hwe yofe engo'njo sohwa simo'mo hotoswopahoningkofi hwe nom'ne sohwa hofiko tifi hotahumentohofofoho. A'amu hopi'nonohinosa Jisasi'mo uliko'mahoningkofi Jisas kako'nohini nohumentaningki oso a'musi kako Jisasiye simanopo ne'no loho'mentisofoho.

¹⁰ Jisas nolikafonto a'mu simo ulimento, Olo a'mu losi, a'amuso ntimo humalofo. A'amu anga'nohinosa kikimo poyo wokumokano makilo ho liyohoho.

¹¹ Jisas ose ulahoningki a'musi ulimento, Hwe Engofo, a'amu ose manjofoho. Hopi'nono nto humpehofo. Ose ulahoningki Jisas ulimento, Ngko huhwo'ni poyo makumokohoyohono. Kiko nowehoji oso wonyo hiso apa'no iyo'eno. O'o, honingkano wopingo'nohini fiyohoho. Ose ulimentisofoho.]

Jisas olo hwaho lopone pomponaho hweho.

¹² Jisas a'amu somo hungkuno apa'no ulimento, Ngko olo hwaho lopone pomponaho hwo'nyoho. A'amu ngkimo tifi nningkaposohwo kako sikwo'mjoho'mo memoyonehoho. O'o, kako songo ne'no humayo'ne pomponaho hi'njo hweho.

13 Ose ulahonɨngki a'amu Falisi sohwa ulɨmentohofi, Kɨko kikine'no hnnɨwo'nɨngkino hwosoho. Oseso nakwo huno monayohoyohoho. Jɨje hungkuno nehopitɨkeno, hwasyotɨkeno. Nakwo huno monayohoyohoho.

14 Ose ulahonɨngkofi Jisas ulɨmento, Ngko ngkine'no hnnalokweno. I oso'no nje hungkuno ne'njofoho. Hwapɨngoso ngko nje hwapɨngo ne pmmmentohe spono huno niyohoho. Oso'no ngko ango nosɨmne sopone'no huno niyohoho. I oso'no sekwo nje hwapɨngo ne spono huno maseyohoyohoho. Ngko hano umne sopone'no sekwo huno maseyohoyohoho.

15 Sekwo a'amu hwahoponjofe yahinomo yano ilofɨwo'ningkohofɨhwasoho. I ngko a'amufe yahino somo oso hopa yano milofɨwo'nɨngkiyohe hwo'nyoho.

16 I oso'no ngko nom'ne a'amumne'no yano ilo'me'manji ngko nto'nohino ulo'mnoho. Hwapɨngoso ngko'nohinɨ'maho. O'o, nje Mpohwo nɨhwatɨmentiso sohwo'nji nohumentai yalokuhwoyo.

17 Sekwoe honɨngkano hungkuno somo ole wo'nnyofoho. A'amu hufa'u hwa'u hungkuno afa'nohini lisoso nakwo huno ole wonayono, Sikoe hungkunoso ne'njofoho. Ose wo'nnyofoho.

18 Ngko ngkine'no hungkuno hnnɨwo'nɨngkohefoho. I nje Mpohwo nɨhwatɨmentiso sohwo kako huhwo nje hwapɨngo so'no lɨwo'nɨngkiso hweho.

19 Ose ulahonɨngki hofɨko ulɨmentohofi, Jɨje Mpohwo ntɨ'mo humaho. Ose

ulohon+ngkahon+ngkofi Jisas ul+imento, Sekwo ngkine'no huno nto'no mosyaf+siyo'njohwasi kalohi sekwo nje Mpohwo huhune'no huno mosyaf+siyo hwasoho. Sekwo ngkine'no huno nto'no seinyohwasi'manji ou sekwo nje Mpohwo huhune'no huno nto'no wasey+montonoho.

²⁰ Oso hungkuno hiso Jisas kako An+ituye tajo ango engo hamniyoho'njo ango ajwo sopo lohofonto hwe moya'mi somo hungkuno lut+hwamentisofoho. Kako ut+hwanyopo ko humentan+ngki a'amu kakimo impe mintafe'njo imentohofofoho. Hwap+ngoso kakoe s+kuno poyo imo'nyo'ne s+kunososo mmo'nyofoho.

Ngko ume sopo sekwo mafitnne hwasoho. Jisas ose ul+imentisofoho.

²¹ Jisas kako nom'ne hungkuno apa'no ul+imento, Ngko ume sohonta sekwo ngkine'no haf+hafe wonyopi wonyopi wot+peent+feho. Sekwo sekwoe hon+ngkano wonyo somo poyo nope'n+ngkuji sekwoe wonyo somjo tohino somo ne'no humantokutnnefoho. Oso'no sekwo ngkimo moni'mapitnnehofo.

²² Ose ulahon+ngki a'amu Juta sohwa hnn+mentohofi, Oso hungkuno nelalokunjoso hwap+ngo neso pehoto. Ole nelalofoho. Oso ango ngko u'mo humame sopo sekwo mafitnnehofo. Pipineto. Kako kakimo wofonjahin+mtol+keno.

²³ Ose hnn+ngkahon+ngkofi Jisas ul+imento, Sekwo enjwa'mta'ango kuyoho. Ngko yokin-tahoponta'ango hwo'nyoho. Sekwo olo hwaho loponta'ango kuyoho. Ngko ahwomo mta'ango hwo'nyoho.

24 Oso'no ngko ole nto selohefoho. Sekwo poyo pe'n'ingkuji sekwoe wonyoso wawo'montonoho. Mpohwo kako ngkimo n'hwatimentiso so'no sekwo simeho hi'ntnnono montape'njo ifijo'manji sekwoe wonyoso wawo'montonoho.

25 Ose ulahon'ngki hofiko ulimentohofi, Kiko tihwosilo. Ose ulohon'ngkahon'ngkofi Jisas ulimento, Ngko oso hwe so hwo'nyoho. S'imo'mo nto selimentohe so hwo'nyoho.

26 I sekwoe yahino wonyo somne'no hungkuno pi'n'ngo hi'njo hwo'nyoho. I oso'no hwangu oso yahino somne'no hungkuno yano selofimnefoho. I olohonta yo'mayo n'hwatimentiso sohwo ntimentiso so'nohini waselimonne'no yohono. Kakoe yahinoso ne'njo hweho.

27 Jisas ose ulahon'ngki hofiko Jisas Anitumne'no hofikimo ulimentiso so'no huno muyo'njo imentisofoho.

28 Oseso Jisas hofikimo ulimento, Hwangu sekwo ngko A'amufe Hwomu sohwo'ni fonjan'sy'kuji oso hohosohonta sekwo ngkine'no huno ole seyonefoho. U, oso hwe Anitu uhwatimentiso sohweho. Sekwo huno ose wotipemantifeho. Ngko nje huno mta'ni yo'mayo syohoso imentohe'maho. O'o, yo'mayo hungkuno nje Mpohwo ntimentiso so'nohini selimentohefoho.

29 Mpohwo kako n'hwotimentiso sohwo kako ngko'nji humaho. Yo'mayo iwo'n'ngkoheso Mpohwo kakoe simeho wop'ngo umokiyo'ne iwo'n'ngkohe hwo'nyoho. Kako monis'kwajonehoho.

³⁰ Ose ulahon'ngki hwe moya'mi pi'n'ngo engoso oso hungkunoso upa'nont'ifi Jisasimo simeho hi'ntnnono umentohofofoho.

Hungkuno neso sekumo wop'ingo wasemokumontonoho.

³¹ A'amu Juta fehohnjoso Jisasimo simeho hi'ntnnono umentohofosomo Jisas ole ul'imento, Sekwo simeho nehopi ntap'ikujono sekwo nje hungkunomo t'ifi nehopi in'ngkafijo ku'manji sekwo nje inomokomoyo ne kuyoho.

³² Nje hungkuno nehopi somo huno seyoso'manji oso hungkuno hiso sekwoe yahino wonyoso kilo'mokomokosyehumamojo somta'ni usihutofosema'montonoho.

³³ Ose ulahon'ngki hof'iko Jisasimo ul'imentohofi, Nakwoe neyakwo Ap'loham sohwoe imu hwona'nyoho. Nom'nihwo nakumntonohonta kilo'mokomokonesyohumamojoto. Awonoho. Oso'no k'iko peho'no nalohino, Nje hungkunoso sekumo usihutofasema'montonoho. Pipineto.

³⁴ Ose ulahon'ngkofi Jisas ul'imento, Hungkuno nehopi'nohini wasel'monne'no yohono. A'amu hopi'nonohino hon'ngkano wonyo'njo somo oso hon'ngkano wonyo hiso hof'ikimo kilo'mokomokosyohumamojofoho. Oso'no oso a'amu hiso hof'iko oso hon'ngkano wonyo sohwoe syoho ulohofiyo pa'nyofoho.

³⁵ A'amu syoho ulohofiyo sohwo kako kakwo'yohwoe syohoso ulohofisoso kakoe hwe engo'njo n'ihu'nahone humayo'ne hwo'maho. O'o, kako syoho ulohofiyo'nohino hweho. I

oso'no hwe engo sohwoe hwomu sohwo'nohini engolopohamo humawo'n'ngkohoho.

³⁶ Oso'no Anituye Hwomu sohwo'ni ngko sekumo hon'ngkano wonyo somta'ni isihutofasema'meso nom'nihwo sekumo mokilo'mokomokosesyohumanehoho. O'o, ni'hu'no awonoho. Nje a'amu ne nto imo'n'ngkohoho.

³⁷ Sekwo Apilohamiye imu sohwo'nyoho liwo'n'ngkohoho so'no ngko huno niyohoho. Apiloham sohwo kako Anituye a'amu ne hweho. I oso'no nje hungkuno so'no nakwolaho lontifeso sekwo ngkimo wofonjonisyantife'no yalokwofo so'no sekwo Apilohamiye imu ne hwasim'aho.

³⁸ Ngko nje Mpohwo'nji nohumanji yo'mayo ntahon'ngki losetihwawo'n'ngkohe hwo'nyoho. I oso'no sekwo sekwoe sen'ngkwohwo ne sohwoe yahino somo nomantifi yalokwofo.

Sen'ngkwohwo sohwo Seteniyoho. Jisas a'amu Juta somo ose ulimentisofoho.

³⁹ Jisas ose ulahon'ngki hofiko ulimentohofi, Nakwoe mpohwo sohwo Apilohamiyoho. Ose ulahon'ngkofi Jisas ulimento, I sekwo Apilohamiye imu ne hwasimanji sekwo Apiloham imojo yahinoso sekwo ikutnnesohilo.

⁴⁰ Yo'mayo hungkuno nehopi Anitu ntahon'ngki ngko seliwo'n'ngkohe hwo'nyoho. Oso hungkuno homo somo sekwo nakwolaho lontifi wofonjonisyantife'no yalokwofo. Apiloham kako a'amumo wofonjahumonto miyommentisofoho.

41 O'o, sekwo sekwoe sen'ngkwohwo ne so-hwoe yahinomo in'ngkwalokwofo.

Ose ulahon'ngki ul'imentohofi, Nena'wohisi hwa'nyo yonto nakumo t'ipenema'mentiso hwo-nan'i'maho. Nan'ngkwohwo anga'nohino sohwo An'ituyoho.

42 Ose ulahon'ngkofi Jisas ul'imento, Sekwo An'itu sen'ngkwohwo n'tentesi sekwo ngkimo s'meho n'tap'ikutnnesohilo. Hwap'ngoso ngko An'itu'nji nofosyohumanji p'mmentohe hwo'nyoho. Nje huno mta'ni p'mmentohe hwon'i'maho. O'o, An'itu kako n'hwojahon'ngki p'mmentohe hwo'nyoho.

43 Sekwo nje hungkunomo huno nto'no mosyafisiyo'njo peho'neto. Hwap'ngoso sekwo nje hungkunomo upa'nont'ifeso nakwolaho lont'ifeso haloho maposo'njo hwasoho.

44 Sekwoe sen'ngkwohwo sohwo Seteniyoho. Sekwo yokumpohn'nyo yoho'nont'ifi sekwoe sen'ngkwohwoe yahinomo t'ifi in'ngkwalokwofo. Kako s'mo'mta'ango a'amumo wofonjahumo l'imojo hweho. Kako hungkuno ne'njo somno ngkilaho l'imojo hweho. Hwap'ngoso yahino neso kakoe s'meho mo'mo momnauyoho. Kako hwasyo hungkuno'nohini l'imojo hweho. Kako yo'mayo hwasyo hungkunoso hwap'ngohweho.

45 I ngko sekumo hungkuno nehopi ko selahon'ngko sekwo nje hungkuno homo somo s'meho hi'ntnnono montopalokuyohoho.

46 Ngko hon'ngkano wonyo yoheso'no t'ihwo want'montolo. Awonoho. I oso'no ngko

hungkuno nehopi'nohini seliwo'n'ingkohe'manji sekwo nje hungkunomo si'meho hi'ntnnono mon-tape'njo peho'ne yalokwofo.

⁴⁷ Anituye mehomi ne sohwa hofiko Anituye hungkunomo haloho pewo'n'ingkohofofoho. I sekwo Anituye mehomi hwasim'aho. Oso'no sekwo kakoe hungkunomo haloho maposo'njo hwasoho. Jisas ose ulimentisofoho.

Jisas ulimento, Apiloham mmo'nyo sohonta ngko ne'no humamote hwo'nyoho.

⁴⁸ Ose ulahon'ngki a'amu Jutafe hwe engo sohwa Jisasimo sitofo ulimentohofi, Ihwoni, nakwo kikine'no hungkuno nehopi liwo'n'ingkuhwono. Kiko a'amu Someliya pa'nyo hwasoho. Kiko mewoso hwasoho. Seten'ye towahuno wonyoso kikimo ehuhnnakumo'nyo hwasoho. Nehopi liwo'n'ingkuhwono.

⁴⁹ Ose ulahon'ngkofi Jisas ulimento, Ngko towahuno wonyo ane hwo'nyoho. O'o, ngko nje Mpohwoe yofe engo ho'nomalokweno. I sekwo nje yofemo hwotoho nifeentokwofo.

⁵⁰ Nje yofe ho'noma'nyo'ne ngko syoho miyalokuyohono. O'o, Anitu kako nje yofe engo umokumontonoho. I a'amu yo'mayo wonyo ngkine'no huno syafisyiwo'n'ingkohofoho so'no Anitu kako tohino yano ulofiyonefoho.

⁵¹ Hungkuno nehopi'nohini waselimonne'no yohono. A'amu fihwo nje hungkunomo nto'no in'ngkaweso'manji kako poyo mape'nyo'njo songo ne'no nohumantihwone hweho.

⁵² Ose ulahon'ngki a'amu Jutaso Jisasimo ulimentohofi, Ihwoni, kiko towahuno wonyoso

nehopi hi'njo hwosoho. Apiloham kako poyo pe'nimentiso hweho. I a'amu Anitu hungkuno uyahon'ngki limotofo huhwanji pe'nimentohofofoho. I oso'no oleso peho'no lalokuno. A'amu fihwo nje hungkunomo nto'no in'ngkaweso'manji kako poyo mape'nyo'njo songo ne'no nohumantihwone hweho. Oso hiso peho'no lohino.

⁵³ Kiko neyakwo Apiloham poyo pe'nimentiso sohumo yakolo'nnyo hwosilaho. I kiko oso a'amu Anitu hungkuno uyahon'ngki lontifi pe'nimentohofoso hwamo uyakolo'nnyo hwosilaho. Kiko tihwo pa'nyo umo'nimonji lalokuno.

⁵⁴ Ose ulahon'ngkofi Jisas ulimento, I ngko nje yofe engo imokinantimtentesi nje yofeso engo'maho we'e'nohinesohilo. I oso'no sekwo nan'ngkwowho Anituyoho liwo'n'ngkohofoso hwo kako nje yofe engo nimokalofoho.

⁵⁵ I oso'no sekwo Anitu ne sohumo huno maseyo hwasoho. Ngko kakine'no huno niyohoho. Ngko ole lontimtentesi, Ngko Anitu sohumo huno maniyohoyohoho. Ngko ose lontimtentesi ngko sekwo hopa hwasyo hungkuno'njo hwo'nnesohilo. I oso'no ngko Anitu ne sohumo huno niyahon'ngki kakoe hungkunomo tifi in'ngkoyalokweno.

⁵⁶ Sen'ngkwowho Apiloham sohwo kako Anituye hungkunomo haloho po'mentiso so'no kako ngko olo hwaho lopo pmne'no huno uyahon'ngki so'no kako ngkimo timo nehopi nohonimentisofoho. Oso'no kako ngkine'no simonyo imentisofoho.

⁵⁷ Ose ulahonɨngki a'amu Jutaso ulɨmentohofi, Soswo *fifiti* (50) mokiyakolofe hwosoho. Kiko Apɨlohammo tɨmo uhwonɨmentohino hwosilaho. Hungkuno hwasyo lalokuno.

⁵⁸ Ose ulahonɨngkofi Jisas ulɨmento, Hungkuno nehopi waselɨmonne'no yohono. Apɨloham kako mmo'nyo sohonta ngko humamote hwo'nyoho. Ose ulɨmentisofoho.

⁵⁹ Oseso hofi'ko sojo nomantɨfi Jisasɨmo wofon-josyano lontɨfi ko imentohofoso Jisas kako a'amu pi'nɨngo engo'njo so'mo hiyaso ifohuni ifohuni lohofonto mempono swapmmentisofoho.

9

Jisas kako hwe tɨmpi'nyo sohomo wopɨngo umokumentisofoho.

¹ Jisas kako hano emoyonto hwe tɨmpi'nyo fihumo uhwonɨmentisofoho. Oso hwe huhwo sohwo kona'wohi aswo mayoso tɨmpi'nyo humoma'mentisofoho.

² Jisas oso hwe huhwo sohomo uh-wonɨngkahonɨngki Jisasiye inomokomoyo sohwna'ni kakimo ulohonɨmentɨhwoni, Nakwoe Lonetɨhwayo sohwosi, oso hwe sohwo tɨmpi'nyoso peho'ne imo'nnyoto. Kako honɨngkano wonyo imofonto imo'nɨmentisotaho. Kanɨngkwohwo'ya'u honɨngkano wonyo imo'mentisiyomo imo'nnyotaho.

³ Inomokomoyo sohwna'ni ose ulahonɨngkuhwoni Jisas nalɨmento, O'o, olo hwe lohwoe tɨmpi'nyo imo'nyo hwapɨngoso kakoe honɨngkano wonyo mta'ango'maho.

Kanɨngkwohwo'ya'uye honɨngkano wonyo mta'ango'maho. O'lo, olo tɨmpi'nyo imo'nyo hwapɨngoso Anɨtu kako olo hwe lohomo kakoe yokumpohn'nyo utɨhwa'nyopo uyɨmo lɨmentisofoho.

⁴ Ose ulonto kako pahnnɨmo hungkuno ole ulɨmento, Mofehi'nyo ne'no lohofontanɨngkuhwosi nakwo yo'mayo syoho Anɨtu ngkimo nɨhwatɨmentiso sohwo nejapmmentisoso komo'no uyano. Sɨkuno mehwo'so'no nakwo syoho miyanehwono.

⁵ Ngko olo hwaho lopo nohumentanɨ'mo olo hwaho lophonjo pomponaho pa'nyo hwo'nyoho.

⁶ Ose nalonto kako hwaho we'eso nomanto memijo hwahomo uyatɨ'mofonto yoko'nyo imokonto tɨmpi'nyo sohwoe tɨmopo uloho'mentisofoho.

⁷ Ose ulohofonto ulɨmento, Kɨko nowehoji oso mijo ayo Silouam sophonjo somo mijo fiyoma'nyo. Ose ulɨmentisofoho. Oso mijo yofe Silouamɨyoso hwapɨngoso olenoho, Lɨhwajiyofe'nefoho. Oseso oso hwe huhwo sohwo kako mijopo nowento mijomo yoma'nonto asomo nosaponto kako tɨmo wopɨngo honɨmentisofoho.

⁸ Hohonta oso hwe huhwo sohwo kako tɨmpi'nyo nohumanto honɨngkano momɨngo sopo nohumentanɨngki a'amu nopasantɨfi nopawentɨfi yontanɨngkofi kako hofɨkinta'ni hamniyoho yo'mayo so'no jomo ulɨmojo hweho. Oso a'amu huhwo sohwanji oso a'amu hwe tɨmpi'nyo sohwo kakoe ango afaponta'ango sohwanji hofɨko hnnɨmentohofi, Pipilo. Olo hwe lohwo kako honɨngkano lopo nofosyohumanto

nakumo hamniyoho yo'mayo so'no jomo nal'wo'n'ngkiso lohwo'laho.

⁹ Ose hnn'ngkahon'ngkofi a'amu fehohnjoso ole l'imentohofi, Ou, olo hwe lohwo sohwo olo huhweho. I nom'nihwo ole l'imentohofi, O'o, awonoho. Oso hwe huhwo sohwo pa'nyo hwol'keno. Ose lahon'ngkofi oso hwe t'imp'i'nyo wop'ngo umokumentiso huhwo sohwo ole ul'imento, Ngko olo huhwo'nyoho.

¹⁰ Ose ulahon'ngki hof'iko ul'imentohofi, Jije t'imo wop'ngo kumo'n'ngkisoso pipi yohinoto.

¹¹ Ose ulohon'ngkahon'ngkofi kako ul'imento, Oso hwe Jisasiyoho l'wo'n'ngkohoho sohwo kako hwaho'nji memijo'nji iwolo'mokonto kako nje t'mopo ntohofisofoho. Kako nantohofonto ntohi. K'iko nowehoji mijo ayo Silouam mta'ni mijo fiyoma'nyo. Ose ntahon'ngki ngko nowenji mijo yoma'n'ngkoheso nje t'imo wop'ngo n'imo'n'ngkohoho. T'imo yo'mayo somo uhwon'ngkohono.

¹² Ose ulahon'ngki hof'iko ul'imentohofi, Oso hwe huhwo sohwo nt'i'mo humaho. Ose ulahon'ngkofi kako ul'imento, Kakoe humayo s'opone'no ngko huno maniyohoyohoho.

¹³ Ose ulahon'ngki hof'iko oso hwe t'imp'i'nyo emmojo sohomo a'amu Falisi sohwafepono ipemotamentohofofoho.

¹⁴ Hwap'ngoso oso s'ikuno somo Jisas kako oso hwaho memijo'nji iwolo'mokonto hwe sohwoe t'imo wop'ngo umokumentisoso s'ikuno iyoho humayo somnoho.

¹⁵ Hof'ikoe ango sopo i'mofapont'ifi hof'iko kakimo apa'no ulohon'mentohofi, Jije t'imo

wopɪŋgo imo'nyoso pipi yonji honɪmahnnoto. Ose ulahonɪngkofi kako ulɪmento, Kako hwaho yoko'nyoso nomanto nje tɪmopo ntohofahonɪngki ngko mijo yoma'nɪmaleso ngko tɪmo honɪmalefoho. Ose ulɪmentisofoho.

¹⁶ A'amu Falisi fehohnjo sohwa ole lɪmentohofi, Oso Jisas huhwo sohwo kako sikuno iyoho humayo somo syoho iwo'nɪngkiso so'no nakwo huno ole nayohoho. Kako Anɪtu mta'ango hwo'maho. Ose lahonɪngkofi nom'nihwa ulɪmentohofi, I kako nakwoe honɪngkano wonyo'mta'ango hwo'manji kako olo wonyoangkafo nakwo miyɪwo'nɪngkuhwone loso pipi imasoto. Ose lontɪfi hofɪko hwasyopo hotitofontɪfi yoka hungkuno hnnɪmentohofofoho.

¹⁷ Oseso a'amu Falisi sohwa hofɪko oso hwe huhwo sohomo apa'no ulohonɪmentohofi, Oso hwe jɪje tɪmo wopɪŋgo kumokumaso sohumne'no kɪko huno pipi kiyohoho. Ose ulohonɪngkahonɪngkofi kako ulɪmento, Oso hwe huhwo sohomo Anɪtu hungkuno uyahonɪngki nalɪwo'nɪngkiso hweho. Ose ulɪmentisofoho.

¹⁸ Oso a'amu Jutafe hwe engo sohwa hofɪko oso hwe tɪmpi'nyo emmojo sohwoe hungkunomo sɪmeho hi'ntnnono mummentohofɔ so'no hofɪko huno ole syafɪhu'mentohofi, Olo hwe lohwo kako tɪmpi'nyo memmojo hweho. O'o, nom'ni hweho. Ose syafɪsyontɪfi kanɪngkwowho'ya'umne'no johɔ ulɪmentohofofoho.

¹⁹ Joho ulontɪfi ulɪmentohofi, Oloso sikoe hwomutaho. Kona'wohi aswo ma'mentiso sohonta tɪmpi'nyo ma'mentiso hwo'manji i olo-

honta kakoe t̄imo wop̄ingo pipi imo'n̄ingkohoho.

20 Ose ulohon̄ingkahon̄ingkofi kan̄ingkwohwo'ya'u siko ul̄imentisiyo, Nekwo huno ole eyohoho. Oloso nekwoe hwomu hweho. Kona'wohi aswo ma'mentiso sohonta kako t̄impi'nyo ma'mentiso hweho. Oso'ntnne nekwo huno eyohoho.

21 I oso'no olohonta kako t̄imo pipi yonto hon̄ingkohoho. Oso'no nekwo huno meyohoyohoho. I oso a'amu kakoe t̄imo wop̄ingo umokumasohune'no oso'ntnne nekwo huno meyohoyohoho. I sekwo nekwoe hwomu sohumo ulohon̄imno. Kako engo nto imo'n̄imentono. Kako kakine'no sekumo hungkuno waselono.

22 Oso hungkuno kan̄ingkwohwo'ya'u ul̄imentisiyo hwap̄ingoso hofīko Jutafe hwe engo sohwanne'no iyoho un̄imentisofoho. Hwap̄ingoso oso hwe engo sohwa olo hungkuno nto kot̄iku'mentohoho, A'amu fihwo kako Jisas̄imne'no kako Kilais̄iyoho. An̄itu uhwat̄imentiso hweho lijwaofoso'manji hofīko oso a'amu huhwo sohumo tajo ango mta'ni wae yaopitnnefoho.

23 Oso hungkuno nto kot̄iku'mentohoho so'no kan̄ingkwohwo'ya'u ul̄imentisiyo, Nekwoe hwomu engo nto imo'n̄imentiso hweho. Kakimo ulohon̄imno.

24 Ose ul̄imentisiyo so'no hwe engo sohwa hofīko oso hwe t̄impi'nyo emmojo sohune'no apa'no joho ulont̄ifi ul̄imentohofi, Olo wonyoangkafo imo'n̄imaso so'no k̄iko An̄ituye yofe'nohini foho'nomaho. Jisas̄iye yofe

noho'nomahotoho. Kako hwe honingkano wonyo'njo hweho.

²⁵ Ose ulahoningkofi kako ulimento, Jisas kako honingkano wonyo'njo hwolikeno. Ngko huno maniyohoyohoho. I oso'no ngko olo'nohini huno niyohoho. Hohonta ngko timpi'nyo humamote hwo'nyoho. Olohonta ngko timo nto'no honalokweno.

²⁶ Ose ulahoningi hofiko ulimentohofi, Kako kikimo pipi kiloho'masoto. Kako jije timo wopingo pipi kumokumasoto.

²⁷ Ose ulahoningkofi ulimento, Oso hungkuno hiso ngko nto selimalefoho. Sekwo nje hungkunomo haloho maposo'njo imalofihwasoho. Sekwo apa'no upo'nantifi'no lolalokwofo. Sekwo kakoe inomokomoyo umo'nantifi'no lolalokwofo.

²⁸ Ose ulahoningi hofiko hungkuno wonyo ulimentohofi, Kiko kiko'nohini kakoe inomokomoyo hwosoho. I oso'no nakwo Mousesiye inomokomoyo hwona'nyoho.

²⁹ Anitu kako Mousesimo hungkuno ulimentiso so'no nakwo huno nayohoho. I oso'no olo Jisas lohwo kako ntimo i'mofapmmentiso hwolo. Nakwo huno monayohoyohoho.

³⁰ Ose ulahoningkofi kako pisopisaho lonto ulimento, Oso hwe sohwo kako nje timo wopingo nimokumaso lohune'no sekwo kakoe hwapingo i'mofapmmentiso so'no sekwo huno maseyoho hwasoho.

³¹ I olo so'no nakwo huno nayohoho. Anitu kako a'amu honingkano wonyo'njo sohwafe hungkunoso mupo'nalofiyoho. I

oso'no a'amu fihwo kako Anitumo hwomtame ulofiwon'ningkiso sohwo kako Anituye hungkunomo tifi in'ngkayo so'no kako Anituye simeho wopingo imokuwon'ningkiso osohumo Anitu kakoe hungkunomo haloho upo'nalofoho.

³² Simo'mta'ango sikuno memjao'moponto mpoyo olo pa'nyoso mawo'nnyoponoho. Hwe fihwo kona'wohi ma'mentiso sohonta timpi'nyo meesyoso sohwoe timoso hwanguku hwe nom'nihwo wopingo umokonefoho eso mupa'nyofoho.

³³ I Anitu oso hwe huhwo sohomo mihwatimentiso'manji kako oso wonyoangkafo ntoho'masoso miyihwonesohilo.

³⁴ Ose ulahon'ngki hofiko ulimentohofi, Kiko tohwo'nanjwo mehomi hwosoho. Nihu'no wonyo hwosoho. Kiko Anituye hungkuno wolonetihwamonntaho. Mpano. Ose yokumpohn'nyo ulontifi kakimo wae yao'mentohofofoho.

A'amu simeho hi'ntnnono ane sohwo timpi'nyo hwafoho.

³⁵ Oso hwe timpi'nyo emmojo sohomo hwe engo sohwa tajo ango somta'ni wae yao'mentohofoho so'no Jisas upa'nonto oso hwe sohumne'no tipihwononto ulimento, Kiko A'amufe Hwomu sohomo simeho hi'ntnnono luyalokuno.

³⁶ Ose ulahon'ngki ulimento, U, Hwe Engofo, oso A'amufe Hwomu sohwo tihwolo. Kiko yoloho ntohojo'no ngko kakimo simeho hi'ntnnono uyimonnoho.

³⁷ Ose ulahon+ngki Jisas ul+mento, Kiko nto nohon+ngkohino. Ngko olo huhwo'ni kilalokweno.

³⁸ Ose ulahon+ngki kako Jisasi+mo ul+mento, Hwe Engofo, ngko s+meho hi'ntnnono kijopalokweno. Ose ulonto kako hwomtame ehumanto Jisasi+ye yofe ho'noma'mentisofoho.

³⁹ Oseso Jisas nohumanto a'amu hopi'nonohino somo ul+mento, Ngko olo hwaho lopo pmmentoheso a'amu olo hwaho loponjofe yahino somo yano ilofone pmmentohe hwo'nyoho. Oseso a'amu An+tuye yahino yo'mayo so'no nto tipema'ment+hwone so'no nakwo huno hwap+ngo'nj+'nwoho. Nom'ne huno songo tipemayo'ne syoho engo peho'ne yanehwono. Nakwo t+mpi'nyo'ni'maho. Ose liwo'n+ngkohofoso hofiko t+mpi'nyo hwafoho. Hofikoe t+mpi'nyo hisomo ujo wehontojwahumonji pmmentohono. I a'amu An+tuye yahino yo'mayo so'no nakwo huno'nj+'maho lontife oso a'amu hofiko t+mpi'nyo pa'nyo ko huhwo hofiko huno wop+ngo tipemayo'ne syoho engo yalokwofo. I ngko hon+ngkano ito'nohino somo hofikimo uti+hwamonji pmmentoho so'no hofiko huno wop+ngo tipemayo'ne syoho engo yalokwofo so'no hofiko t+mo honyofoho.

⁴⁰ Ose ulahon+ngkofi a'amu Falisi fehohnjo sohwa Jisasi+njo mofonepo humamentohofoso sohwa oso hungkuno hisomo upa'nontifi Jisasi+mo ul+mentohofi, Nakwo sohwna'ni t+mpi'nyo hwona'ntaho. Ose lolalokuno.

⁴¹ Ose ulahon+ngkofi Jisas ul+mento, Sekwo ole lontifijontentesi, Nakwo An+itumne'no

huno nto'nohino nainyo hwona'ni'maho. O'o, nakwo a'amu timpi'nyo pa'nyo hwona'nyoho. Ose lontifijontentesi sekwo sekwoe honingkano wonyo somne'no tohino momapitnesohilo. I oso'no sekwo ole lalokwofo. Nakwo Anituye yahino somne'no huno hwapingo'njo hwona'nyoho. Nakwo timo honyo hwona'nyoho. Oseso sekwoe honingkano wonyo somne'no tohino nomapitne hwasoho. Ose ulimentisofoho.

10

Yahu 'sipsip' 'lojo'ne pahnnimo hungkunofoho.

¹ Jisas nohumanto ulimento, Ngko hungkuno nehopi'nohini waselimonne'no yohono. A'amu fihwo kako yahwolojo kuso sopo masyuyo'njo sohwo kako nom'nepo kotasyihwosi swoso sohwo kako hufo'ne hweho.

² Oso yahu kakwo'yohwo ne sohwo kako kuso ne sopo syuwo'n'ngkiso hweho.

³ A'amu kuso sopo mokosyohumawo'n'ngkiso sohwo kakwo'yohwo ne sohomo uhwon'ngkuhwosi wohwosampo'montonoho. Kakwo'yohwo nosyuhwosi yahu mehomi hopi'nonohinoso hofikoe yofe anga'no anga'no ulihwoso'no kakwo'yohwo sohwoe mampaho upa'n'ngkuji kakwo'yohwo sohomo tifi un'ngkoswantifeho.

⁴ Kakwo'yohwo sohwo yahu somo mempono ipemotaswonto kako simo'mo upeehon'ngkuhwosi yahuso kakoe mampahomo upa'n'ngkuji tifi un'ngkowan'ifeho.

5 Yahu hiso hofiiko a'amu nom'nehumo min'ngkafitnehofo. Hwap'ingoso hofiiko mampaho nom'ne kengo upa'n'ngkuji hiyaso'mo wowantifeho.

6 Jisas oso pahnnimo hungkuno ko ulahon'ngki a'amuso hofiiko hwap'ingo ne so'no huno mosyafisiyo'njo imentohofofoho.

Jisas kako yahu mehomimo mokosyohumayo wop'ingo hweho.

7 Oseso Jisas kako hungkuno homo somjo yolo-hoso ul'imento, Ngko hungkuno nehopi'nohini waseli'monne'no yohono. Ngko yahu mehomife hoku'yo hwo'nyoho.

8 A'amu ngko m'mofape sohontajo i'mofapmmentohofoso hofiiko hufo'ne i'mofapmmentohofofoho. I oso'no nje yahu mehomi neso osohwafe mampaho somo haloho maposo'njofoho.

9 Ngko Jisas sohwo'ni hoku'yo hwo'nyoho. A'amu ngkimo nu'manto kako hoku'yo sohwo'nimo noswahon'ngki ngko oso a'amu somo wop'ingo nomokosyohumahm'me'no kako wop'ingo ne'no nohumant'hwonefoho. Oso a'amu somo kakoe wonyo somjo tohino somta'ni usi'hutofoma'monnoho. Oseso oso a'amuso kako nosyuhwosi noswap'hwosi ihwosi wosopayo wan'montonoho.

10 A'amu hufo'nohinoso hofiiko siki map'ifitnehofo. O'o, hofiiko yahu hufo ikuji wofonjosityantife'nofoho. Nihu'no wonyo umokantife. I oso'no ngko nje yahu mehomi somo songo ne'no humayoso uy'monji pmmmentohe hwo'nyoho. Yo'mayo tango nje

mehomi somo ko u'masoso hofiko nje ahomo humawo'n'ingkohoho so'no hofiko simeho wopingo engo yamo'nnyofoho.

11 Ngko yahu mehomi mokosyohumayo wopingo hwo'nyoho. A'amu yahu mehomi mokosyohumayo wopingo sohwo huno ole syafisyiwo'n'ingkiso, Nje mehomi poyo nope'n'ifitnoho lonji ngko hofikimo ufo'mayo'ne wape'n'imonnoho.

12 A'amu hamniyoho syoho'nohini iwo'n'ingkiso sohwo kako yahu somo nomokosyohumentan'ingki sikijo nopahon'ingki a'amu huhwo sohwo kako hiyaso li'mofiwo'n'ingkiso hweho. Hwapingososo kako yahu mokosyohumayo hwapingo hwo'maho. Kakwo'yohwo hwo'maho. Oso'no sikiswojo sohwo kako yahu somo toho lofototo'meefahon'ingki yahuso hiyaso humpewo'n'ingkohofofoho.

13 Hwapingososo oso a'amu huhwo sohwo kako hamniyoho'nohini syoho iwo'n'ingkiso hweho. Kako yahu somne'no huno mosyafisiyo'nji iwo'n'ingkiso hweho.

14-15 Ngko yahu mehomi mokosyohumayo wopingo hwo'nyoho. Nje Mpohwo kako ngkine'no huno uyalokunjoso ngko kakine'no huno niyohoho. Oso pa'nyoso ngko nje mehomi ne somne'no huno nto'no niyohoho. Hofiko ngkimo huno nto'no uyohoho. Nje mehomi somo ufo'mayo'ne ngko poyo wape'n'imonnoho.

16 Nje mehomi fehohnjoso olo tojo somo mohumunyoponoho. Oso hiso'nji ngko utima'mo hofiko nje mampaho somo haloho woquentifeho.

Oseso oso yahu nom'ne so'nji nem'no afa'no umo'nantifeho. Hofikoe mokosyohumayo sohwo kenga'nohino hwo'nyoho.

¹⁷ Ngko nje yahu mehomi somne'no poyo pe'n'i'mo ngko apa'no songo wolika'monnoho. Ose yalokwe so'no nje Mpohwo kako simeho engo ntopalofoho.

¹⁸ A'amu fihwo kakoe huno mta'ni mofonjon+syanehoho. O'o, ngko nje mehomi lomo ufo'mayo'ne poyo wape'n+monne'no yohono limentohe so'no hofiko ngkimo wofonjon+syantifeho. Nje Mpohwo kako olo hilo so'no ntonto kakoe yokumpohn'nyo ntapmmentiso so'no ngko poyo pe'nyo'neso yokumpohn'nyo hi'njo hwo'nyoho. Ngko apa'no songo likafo'neso yokumpohn'nyo hi'njo hwo'nyoho.

¹⁹ Ose ulahon+ngki a'amu Jutaso oso hungkuno homo somo upa'nontifi apa'no hotito'mentohofofoho.

²⁰ A'amu fehohnjo pi'n+ngoso ole hnn+mentohofi, Towahuno wonyoso kakimo ehuhnnamofiso'no kako ilohofalofoho. Kakoe hungkunomo peho'no upo'nalokwofo.

²¹ I oso'no a'amu fehohnjoso ole hnn+mentohofi, Olo hungkuno Jisas liso loso a'amu towahuno wonyo'njo oso hwa mta'ango'maho. U, towahuno wonyoso hofiko a'amu timp'i'nyo somo wopi'ngo umokumontolaho. Awonoho. Ose hnn+mentohofofoho.

A'amu Jutafe hwe engo sohwa hofiko Jisasimne'no mangohwa imo'n+mentohofofoho.

22 Oso ango Jelusalem sopo nom'ne Sɪkuno Engo iyoho humayo'ne i'mofapmmentisofoho. Oso Sɪkuno Engoso hofɪko hohonta Anɪtuye tajo ango engo somo hano hwosayo'ne huno syafɪsiyo'nefoho. Oso hohosohonta kwongkwon-gonjohontanoho.

23 Jisas kako osopo nohumanto kako tajo ango engo somjo mempo ango hiso Soulomounɪyefoho liwo'nɪngkohofofoho.

24 Jisas osopo hano emoyontanɪngki a'amu Jutafe hwe engo sohwa hofɪko Jisasɪmo ehofɪ'mokomantɪfi ulɪmentohofi, Nakwo jɪje hwapɪngo so'no huno akwe'no syafɪsyɪhwoneso yolohoso ntohonta wonalɪmonnto. Anɪtu ngko hwe uhwatɪmonnoho nalɪmentiso sohwsilaho. Yoloho fonaso.

25 Ose ulahonɪngkofi Jisas ulɪmento, Yolohoso nto selɪmentohefoho. I oso'no sekwo nje hungkuno homo somo sɪmeho hi'ntnnono montape'njo hwasoho. Yo'mayo syoho wopɪngo nje Mpohwoe yokumpohn'nyo so'nji iwo'nɪngkohe somo sekwo nuhwonɪngkuji Anɪtu uhwatɪmentiso lohweho likutnnesohilo.

26 I oso'no sekwo nje yahu mehomɪ hwasi'maho. Oso'no sekwo ngkimo sɪmeho hi'ntnnono montape'njo hwasoho.

27 Nje yahu mehomiso hofɪko nje mampaho nupa'nontɪfeso ngko hofɪkine'no huno niyahonɪngki hofɪko ngkimo tɪfi nɪngkapɪwo'nɪngkohofofoho.

28 Nje mehomɪ homo somo ngko songo ne'no humayoso uyɪmentohefoho. Oso'no hofɪko tɪkanomo mafitnnefoho. O'o, a'amu fihwo

nje aho somta'ni nje mehomi hisomo wae meenimofonefoho.

²⁹ Hwapingoso mehomi hiso nje Mpohwo Anitu sohwo kako ngkimo ntapmmentisofoho. Mpohwo kakoe yokumpohn'nyoso yo'mayo somo hwofilo'nnyo hweho. Oso'no a'amu fihwo kako oso mehomi homo somo Mpohwoe aho somta'ni wae meeofonefoho.

³⁰ Ngko huhwo'ni nje Mpohwo'nji afa hwo'nyoho.

³¹ Ose ulahoningki a'amu Jutafe hwe engo sohwa hofiko Jisasimo wofonjosyano lontifi sojo ma'mentohofofoho.

³² Sojo nomahoningkofi Jisas ulimento, Nje Mpohwoe yokumpohn'nyo so'nji ngko syoho wopingo pi'ningo iwo'ningkohe somo sekwo uhwon'wo'ningkohoho so'no syoho ntisomne'no wofonjonisyantife'no yohoho.

³³ Ose ulahoningkahoningki hofiko ulimentohofi, Nakwo jije syoho wopingo so'ne wofonjokisyantane'no miyalokuyihwono. O'o, kiko Anitune'no sitofu ulalokuno so'no nakwo wofonjokisyantanoho. Kiko a'amu olo hwaholopo nta'ningo hwosoho. I oso'no kiko ole nalohino, Ngko Anitu hwo'nyoho nalohino hwosoho.

³⁴ Ose ulahoningki Jisas ulimento, Sekwoe honingkano hungkuno somo anitu kako nom'ne hwe engo sohwanne'no ole ulimento, Sekwo anitu hwasoho.

³⁵ I nakwo huno ole nayohoho. Anituye hungkunoso ne'njofoho. Oseso Anitu kako oso a'amu kakoe hungkuno uyimentiso huhwo

sohwamo sekwo anitu hwasoho ulimentisoso hungkuno nehopeho.

³⁶ I oso'no ngko Anitu nihwatimentiso sohwo'ni ngko Anituye hwomu hwo'nyoho selimentohe so'no sekwo Anitumo sitofo ulalokuno eso peho'ne ntantikwofo.

³⁷ Sekwo soku, ngko nje Mpohwoe syoho miyo nohonngkujimanji sekwo ngkimo simeho hi'ntnnono montape'njo uyantifeho.

³⁸ I oso'no ngko nje Mpohwo Anituye syoho yalokweno. Oseso nje hungkuno selalokwe losomo sekwo ngkine'no simeho hi'ntnnono montape'njo ifijo'manji yo'mayo syoho wonyoangkafo a'amu miyowo'nngkiyohofoso ngko i'me'no oso syoho homo somo nohonngkujiso syoho imesomo simeho hi'ntnnono uyifitnefoho. Ose ifijo'manji sekwo huno wopingo ole wosyofisyantifeho. Ngko'nji nje Mpohwo'nji siko afafoho. Ngko huhwo'nne'no Anituyoho wosyonifisyantifeho. Mpohwo ngkimo nihumaho. Ngko Mpohumo humaleno.

³⁹ Ose ulahonngki hofiko Jisasimo impe untofano lontifi ko imentohofoso Jisas kako hofikimo uliko'manto umentisofoho.

⁴⁰ Jisas kako asomo wento Mijo Joutan nongkihnta'ni wako'mentisofoho. Joun kako hohonta syoho yonto a'amumo mijo kiyoma'mojo sopo ki'mofamentisofoho. Kako noki'mofawento osopo humamentisofoho.

⁴¹ Osopo Jisas kako nohumentanngki hwe moya'mi pi'ningo engo hofiko kakimo u'mantifi hnnmentohofi, Joun kako yo'mayo wonyoangkafo a'amu miyowo'nngkiyohofoso

miyo'njo hweho. I oso'no yo'mayo hungkuno olo hwe lohune'no nalimentisoso ne imo'n'ngkohoho.

⁴² Ose hnnontifi hwe moya'mi pi'n'ngo engoso hofiko oso hiso'no Jisasimo simeho hi'ntnono umentohofofoho.

11

Lasalos kako poyo pe'n'mentisofoho.

¹ Hwe fihwo kakoe yofe Lasalos. Kako ango Mpetani sopo nohumanto mnokino engo tipema'mentisofoho. Oso ango hopo sopo Maliya'nji Mota'nji siko'nopee'i sikoe angoponoho.

² Oso a'mu Maliya hisi kako tifi no'mo nakwoe hwe engo Jisasiye sifemo hwonemijo usisyonto kakoe mijiyo sawemo so'nji sosayo usipo'mentisofoho. Oso hwe Lasalos kako mnokino'njo sohwo kako Maliyafe kon'ngkwa'wehweho.

³ Oseso Lasalos kako mnokino tipemahon'ngki kaisifa'u siko Jisasi'mne'no hungkuno ole lihwatimentisi, Hwe Engofo, jije n'ngkwahwo Lasalos sohwo mnokino'njo hweho. Ose lihwatimentisiyefoho.

⁴ Lihwojahon'ngki Jisas kako hungkuno homo somo nupa'nonto a'amu somo ulimento, Olo mnokino loso ni'hu'nahone poyo pe'nyo'ne'maho. O'o, Anituye yokumpohn'nyoso utihwa'nyopo uhwonyo'nefoho. Anituye Hwomu sohwo'ni yofe engo mayo'nefoho. Ose ulimentisofoho.

⁵ Jisas kako Mota'nji konampi Maliya'nji Lasalosijontnne'no simeho engo uyimentisofoho.

⁶ Jisas kako Lasalos mnokino'njo hweho ko upa'nonto kako oso ango humamentiso sopo nom'ne sikuno hufa'u humamentisofoho.

⁷ Sikuno hufa'u memjaofahon'ngki Jisas kakoe inomokomoyo sohwna'nimo nalimento, Nakwo hwaho Jutiya Lasalosiye ango sopo asomo wosihwano.

⁸ Ose nelahon'ngki kakoe inomokomoyo sohwna'ni ulimentihwoni, Nakwoe Lonetihwayo sohwo, a'amu Jutiya sponjo hwe engo sohwa hofiko kikimo sojo wokufonjantifi imalofu sopeno'no kiko asomo wosihwantane'no lonalohino.

⁹ Ose ulahon'ngkuhwoni Jisas kako pahnnimo hungkuno kakoe sikuno syoho iyo'ne ole nalimento, Mofehi'nyo lonto pomponaho yonte sopo a'amu hofiko hano emoyikujoso mopiwahupitnnehofu. Hwap'ngoso hofiko olo hwaho loponjo pomponaho somo yo'mayo yo'mayo uhwonalokwofo.

¹⁰ I oso'no a'amu hofiko sikwo'mjoho'mo hano emoyontifi hofiko piwasyiwo'n'ngkohofofoho. Hwap'ngoso pomponaho anefoho. Oseso nje syohomne'no Anitu pomponaho ntopalokuso somo simeso mopiwahu'mnehono.

¹¹ Ose nalonto tifi ole nalimento, Sekwo upa'nimno. Nakwoe a'amu Lasalos sohwo saho nto fosyawentono. I oso'no ngko nu'mo kakimo ulikofamne hwo'nyoho.

¹² Ose nelahon'ngki kakoe inomokomoyo sohwna'ni ulimentihwoni, Hwe Engofu, kako

saho nehopi fesyaweso'manji kako wop+ngo umo'n+montonoho. Ose ul+ment+hwonefoho.

¹³ Jisas kako Lasalos poyo nto pe'n+maho huno ose ko uyahon+ngki saho fesyaweho nal+mentiso so'no inomokomoyo sohwna'ni nakwo nakwoe hunoso ole syaf+hu'ment+hwoni, Lasalos sohwo kako saho nehopi fesyowentan+ngki nalohoho syaf+hu'ment+hwonefoho.

¹⁴ Oso'no Jisas kako yoloho ole nal+mento, Lasalos sohwo poyo nto pe'n+maho.

¹⁵ I sekwo ngkimo s+meho hi'ntnnono ntap+fitnne'nji Lasalos kako poyo pe'n+maso sopo ngko mohumayoso wop+ngofoho nningkohoho. I oso'no olohonta kako poyo pe'n+maso sopone'no wos+hwano.

¹⁶ Ose nelahon+ngki Toumas hufa'u mehomi imo'n+mentiso sohwo kako nom'ne inomokomoyo sohwna'n+mo nal+mento, Nakwo hwaho Jutiya sopo a'amu Jisasi'mo sojo'nji wofonjosyano lont+fi yalokwofo sopo noho wos+hwano. Nakwo Jisasi'nji poyo umo'nano. Ose nelahon+ngki nakwo Jisasi'nji s+ment+hwonefoho.

A'amu poyo pe'nyo somo apa'no ul+kaf+hwosi songo ne'no humayo'ne hwap+ngo sohwo Jisasi'yoho.

¹⁷ Oseso Jisas kako ango Mpetani sopo s+imofonto kako hon+ngkanopo lohofahon+ngki a'amuso hof+ko ul+mentohofi, Lasalos+ye pijafoso sokimomo ne'no nowentan+ngki s+kuno osofosofahu'no memjao'masofoho. Ose ul+mentohofofoho.

18 Oso ango Mpetani sopo ango Jerusalem mofoneponoho. Honingkanoso sawemopo'maho, hufa'u sihune *kiloumitaponoho*.

19 A'amu Juta pi'ningoso ango Jerusalem mta'angoso hofiko Mota'nji Maliya'njiyepono koningkwa'wehwo pe'nimentiso so'no hofiko sikoe simeho wopingo umo'nyo'ne humotaho'ne womentohofofoho.

20 Mota kako hungkuno ole upa'nimento, Jisas ntopohoho. Ose upa'nonto komo'no nowento Jisasimo honingkanopo uswo'ningkahoningki Maliya kako angomo humohumantisofoho.

21 Mota Jisasimo uswo'nonto Jisasimo ulimento, Hwe Engofo, kiko olopo humantontentesi nje ningkwahwo poyo mape'ningkuhwonesohilo.

22 I oso'no ngko huno niyohoho. Kiko yo'mayo so'no Anitumo jomo ulisoso kako yo'mayo kiko ihneso wokijapmmontonoho huno niyohoho.

23 Ose ulahoningki Jisas ulimento, Oso'no jije ningkwahwo apa'no songo wolika'montonoho.

24 Ose ulahoningki Mota ulimento, Ngko huno ole niyohoho, Sikuno ae'uyo somo a'amu likapijo sohonta Lasalos huhwo nolikafone hweho.

25 Ose ulahoningki Jisas ulimento, Ngko a'amumo apa'no songo ulikafo so'nji songo ne'no humayo so'nji ngko hwapingo hwo'nyoho. A'amu ngkimo simeho hi'ntnnono ntapinyoso kako poyo ko pe'noso sohwo kako songo ne'no wohumamontonoho.

26 A'amu hofiko olo hwaho lopo songo humalofoso hofiko ngkimo simeho hi'ntnnono ntapifijo'manji hofiko poyo mape'nifitnehoho.

Olo hungkuno kilalokwe losomo simeho hi'ntnnono luyalokuno.

²⁷ Ose ulahonɨngki Mota kako Jisasimo ulɨmento, Ou Hwe Engofo, kiko Kilais sohwo, Anɨtu kako olo hwaho lopone'no hwe fihwo sefo'mayo'ne uhwo sopo'monnoho nalɨmentiso sohwohne'no ngko kikine'no simeho hi'ntnnono kijahopohono. Kiko Anɨtuye Hwomu Kilais hwosoho.

Jisas kako humotaho liɨmentisofoho

²⁸ Mota ose ulonto kakoe angopo asomo nowento konampi Maliyamo joho ulahonɨngki Maliya kakimo u'mahonɨngki Mota hofiyoka ulɨmento, Nekwoe Letɨhwayo sohwo kako no-ponto kikine'no joho kilalofoho.

²⁹ Maliya ose upa'nonto komo'no mokoliɨkapo lohofonto Jisasiyepono umentisofoho.

³⁰ Jisas kako ango ne sopo m'mofapmmentisofoho. O'o, Mota uswo'nɨmentiso sopo humohumantisofoho.

³¹ A'amu Jutaso hofiko Maliya'nji ango'mo nohumantifi Maliyamo simeho tango uyoso'no kako'nji humohumantohofoso hofiko kakimo uhwonɨngkohofoso kako komo'no liɨkafonto mempono nto poswahonɨngki uhwonontifi hofiko kakimo uhwonontifi hofiko huno ole syafɨhu'mentohofi, Kako konɨngkwa'wehwoe pijafɨ ho'nahumalofɨ spono humotaho walɨmonjitikeno ose syafɨhu'mentohofofoho.

³² Maliya kako Jisas humentahonjo so'mne'no wento Jisasiɨmo uhwononto kako Jisasiye sifɨki'nyo'mo hwomtame

ehumanto ulimeto, Hwe Engofo, kiko olopo humantontentesi nje ningkwahwo sohwo poyo mape'ningkuhwonesohilo.

³³ Jisas kako Maliya humotaho lontaningki uhwononto uhwon'ngkisoso a'amu Juta kako'nji humahwofoso humotaho nto mjolim+wahoningkofi uhwononto kako kakoe simeho tango uyahoningki

³⁴ ulimeto, Sekwo nti'mo ho'nahumalofo. Ose ulohoningkahoningki ulimentohofi, Hwe Engofo, kiko nopohoji uhwonae.

³⁵ Ose ulahoningkofi Jisas kako humotaho limentisofoho.

³⁶ A'amu Juta fehohnjoso Jisas kako huhwo humotaho lontaningki uhwonontifi hnn+mentohofi, Ihwoni, kako Lasalos sohumo simeho mikun+mposo uy+mojo hweho.

³⁷ I a'amu nom'nihwa ole hnn+mentohofi, Olo hwe lohwo kako a'amu timpin'nyo somo wopingo umokumentiso hopaso kako Lasalosimo ufo'mantontentesi Lasalos kako poyo mape'ningkuhwonesohilo. Sitofo hungkuno ose hnn+mentohofofoho.

Jisas kako Lasalosimo apa'no songo ulika'mentisofoho.

³⁸ Oseso Jisas kako simeho tango engo apa'no uyahoningki Lasalos+ye pijafo ho'nahumentohofoho sopo umentisofoho. Oso hopo sopo Lasalos+ye pijafo ho'nahumentohofoho sokimo hoku'yo sopo sojo ewafo engoso nomantifi pijwahu'mentohofofoho.

³⁹ Jisas oso hopo sopo nohumanto ulimento, Olo sojo pijwohumalofolo loso wae feeopmno. Ose ulahonngki hwe poyo pe'nimentiso sohwoe konanisi Mota ulimento, Hwe Engofo, kakoe pijafolo ho'nahumalohwoneso oso sikuno osofosofahu'no nto memjao'masoso kakoe pijafoso pisakino'njofoho.

⁴⁰ Ose ulahonngki Jisas ulimento, Olohonta nto kilohefoho. Kiko ngkine'no simeho hi'ntnnono ntapiso'manji kiko Anituye yokumpohn'nyoso uhwonimonnoho. Ose nto kilohefoho.

⁴¹ Motamo ose ulahonngki hofiko sojo ewafo engo mehwsompeehumentohofofoho. Nomehwsompesyahonngkofi Jisas kako ahwomomo uhwononto a'amu kakoe mampaho upa'nyo'ne ole ulimento, Nje Mpohwo sohwo si kiko nje hungkunomo haloho nipewo'nngkino sohwohne'no ngko isamoyoka kilalokweno.

⁴² Ngko huno niyohoho. Kiko engolopohamo nje hungkuno jomo kilowo'nngkohe somo nupa'nwo'nngkino hwosoho. I oso'no olo a'amu oloponjo lohokwofo lohwa kiko ngkimo olo hwaho lopone'no nihwatimentohino so'no simeho hi'ntnnono uyifitne'enji kilalokweno.

⁴³ Ose ulikwato lohofonto joho mohm'no ulimento, Lasalos kiko noho fusyape.

⁴⁴ Ose ulahonngki a'amu poyo pe'nyo sohwo nolikafonto swapmmentisofoho. Kakoe sife aho hwapife nano popojontifi kakoe simo'mango hi hwapife ifohumpeehumentohofoso sohwo hi'nji swopahonngki Jisas ulimento, Yo'mayoso misihuto'meefikujo'no wopaweno. Ose ulahonngki hofiko kakoe hungkunomo

in+ngkamentohofofoho.

*Hwe yofe engo'njo sohwa hofi'ko
Jisasimo fonjosyane'entifi hungkuno nano
mtito'mentohofofoho.*

(Mat+yu 26:1-5; Mak 14:1-2; Luk 22:1-2)

⁴⁵ A'amu Juta hwe moya'mi pi'n+ngo fehohn-
joso Maliya'nji humamentohofoso Jisas kako oso
hiso imentiso somo uhwonontifi hofi'ko kakimo
simeho hi'ntnnono uy+mentohofofoho.

⁴⁶ I oso'no a'amu fehohnjo sohwa hofi'ko
a'amu Falisi sohwafe angopono asomo nowentifi
yo'mayo Jisas imentiso so'no a'amu Falisi so-
hwamo tokoyo'ofo imentohofofoho.

⁴⁷ Ose yahon+ngkofi a'amu Falisi sohwanji
a'amu yofe engo'njo tajo ango syoho'njo
sohwanji hofi'ko a'amu *kaun+sol* syoho'njo
sohwamo uswo'nontifi hnn+imentohofi, Nakwo
pipi yanehwono. Olo hwe lohwo yo'mayo
wonyoangkafo a'amu miy+wo'n+ngkiyohofoso
yalofoho. Pipi pijwaofanehwono.

⁴⁸ Nakwo kakoe yahino losomo
mop+jwaofe'manji a'amu hopi'nonohinosa
hofi'ko kakimo simaho hi'ntnnono uy+kuji
kakimo tifi in+ngkafitnnoho. Ose ikujo'no'manji
a'amu Loum nakwoe hwaho nemokosyohu-
mawo'n+ngkohoho sohwa nonahon+ngkuji huno
ole wosyof+syantifeho. A'amu Juta hofi'ko
nakwoe hungkunomo enjwa'mo mohumun-
yofoho. Ose syaf+sy+kuji hofi'ko nakwoe tajo
ango engo somo wonyo umokantifeho. Nakwo
a'amu Juta hopi'nonohino hn'n+imo wonyo
wonemokantifeho.

49 Ose hnnontifi hwe fihwo hofiko'nji humamentiso sohwo kakoe yofeso Kaiyofasiyoho. Oso soswo somo a'amu tajo ango syoho'njo sohwo umokosyohumayo'ne hweho. Kaiyofas huhwo sohwo kako nolikafonto ulimento, Sekwo huno mosyafisiyo'njo liyalokwofo.

50 Sekwo olo a'amu losoku huno'maso kuyoho. Nakwo a'amu Juta hopi'nonohino hn'nimo a'amu Loum sohwa wonyo peho'no wonemokantifito. O'o, yahino ito'nohinoso olenoho. Olo hwe anga'nohino lohwo kako hwe moya'mi hopi'nonohino somne'no ufo'mayo'ne poyo wape'nono.

51 Oso hungkuno ulimentisoso kakoe huno mta'ango'maho. O'o, Kaiyofas kako oso soswo somo a'amu tajo ango syoho so'no yofe engo ma'mentiso so'no Anitu oso huno hiso uyimentisofoho. Oso'no kako Jisas a'amu Juta somne'no ufo'mayo'ne poyo umo'nimontonoho eso ulimentisofoho. Ose ko ulimentisoso oso hungkuno Kaiyofas ulimentisoso a'amu angomeemjo somne'no ufo'mayo'ne Jisas poyo imo'none so'no huno muyo hweho.

52 O'o, Anitu kakoe mehomi angomeemjo hn'nwi temtitofa anga'nohino hopa imo'nifitne'no pe'none'ento Anitu oso hunoso Kaiyofasimo uyahonngki ulimentisofoho.

53 Oso a'amu huhwo sohwa Kaiyofas ulimentiso sikuno somta'ni oso hungkuno Jisasimo fonjasiyo'ne hungkuno loma'mentohofofoho.

54 Oseso Jisas kako oso hwaho Jutiya sopo a'amu Jutafe timo sopo hano memmentisofoho.

O'o, kako oso hwaho hopo sopo uliiko'manto kako nom'ne ango Efilaim sopone'no kakoe inomokomoyo sohwna'nnonji umentihwonefoho. Oso ango Efilaim a'amu mohumunyo mofone sopo molinyoponoho. Oso ango hopo sopo kakoe inomokomoyo sohwna'nnonji humamentihwonefoho.

⁵⁵ Oso hohosohonta a'amu Jutafe Anitu A'amu Isilael somo Uyakolo'mentiso somne'ne Syafisiyo Sikuno Engof * mofonepo umo'nimonto imentisofoho. Oso'no oso Sikuno Engo mmo'nyo sohonta a'amu ango'meemjoso ango Jelusalemne'no wopayo engo nyo'ne hofiko hofikoe honingkano hungkuno ito'no iningkayo so'no hofikoe he yo'mayo mijo yojujosyihwasi nto'no wehumano lontifi ole syafihu'mentohofi, Nakwo ose ihwasimanji nakwoe honingkano kiho'maso umonantanoho. Ose syafisyontifi simentohofofoho.

⁵⁶ Hofiko nosimofontifi Jisasimne'no tipeentifi tajo ango engo somo uhu'mokontifi hofiko ole hnnimentohofi, Olo Sikuno Engo lomne'no Jisas kako wosapmmontolikeno. Ose hnnimentohofofoho.

⁵⁷ Hwapingoso a'amu Falisi sohwanji hwe engo sohwanji hofiko a'amu hisomo hungkuno yokumpohn'nyo ole lontifi, Sekwo Jisas humentahonngkuhwosi uhwonngkuji nowenetimapikujono nakwo huhwo sohomo impe untofano. Ose ulimentohofofoho.

* **11:55:** Mt. 26:2 enjwa so'mo fehonolo'mongkomaho.

12

Maliya kako Jisasiye sifemo hwone mijo sohu-mentisofoho.

(Matiyu 26:6-13; Mak 14:3-9)

¹ Oso Anitu A'amu Isilael somo Uyakolo'mentiso somne'ne Syafisiyo sikuno engo * mmo'nyo aho fehohnjo hopi'nono nom'ni mta'ni anga'no nowentaningki Jisas kako ango Mpetani sopo umentisofoho. Oso ango hopo sopo Lasalos kako poyo pe'ningkahoningki Jisas kako ulika'mentiso spono umentisofoho.

² Oso ango Mpetani hopo sopo i'mofiwahoningki Jisasi'mne'no wosopayo engo iloho yontifi Mota kako wosopayo iku'yopo polofosyalokumpento hu'mmentisofoho. Jisasi'nji a'amu nom'ne so'nji Lasalos kako huhwo'nji hofiko nohumantifi wopayo nimentohofofoho.

³ Oso hohosohonta Maliya kako hwone mijo hamniyoho engo mpe imentisoso nomanto Jisasiye sifemo sisyonto kakoe mijiyo sawemo so'nji sifemo sosayo usipo'mentisofoho. Oso hwone mijo sohwoe akino wopingoso ango homo somo ehuhnnaloho'mentisofoho.

⁴ Jisasiye inomokomoyo fihwo kakoe yofe Jutas Isikaliyout kako Jisasi'mo fonjasiyo'ne tokoyo'ofoyo'ne sohwo oso homo somo uhwononto ulimento,

⁵ Oso mijo wonyoangkafoso kako peho'no sisyooho. Olo mijo hiloso nom'ne a'amuso mpe yontifijontentesi hamniyoho

* **12:1:** Mt. 26:2 enjwa so'mo fehonolo'mongkomaho.

mikunimposo a'amu hamniyoho syoho'njo sohwo soswo anga'nohino somjo hamniyoho hopi'nono nejapikui nakwo a'amu umofonyo iwo'n'ngkohoho somo uyihwanesohilo.

⁶ Ose ulimentisoso kako a'amu umofonyo iwo'n'ngkohoho somne'no huno nehopi syafisyonto ulimentiso'maho. O'o, kako hamniyoho hufo imojo so'no ulimentisofoho. Jisasi'nji kakoe inomokomoyo sohwo'nanonji nakwo hano emoyontan'ngkukwone Jutas Isikaluyout sohwo kako nakwoe hamniyoho ipofokosyohumante somta'ni hufo imojo hweho.

⁷ Oseso Jisas ulimento, Olo a'musi kako olo ntohofiso loso'no kakoe syohofoho. Sekwo timo'nohino uhwontohumamno. Kako hwone mijo hiloso nomokosyohumentan'ngkuhwosi. Ngko poyo imo'n'ime sohonta nje pijafomo nto'no enisyohumaniyoho.

⁸ I a'amu umofonyo iwo'n'ngkohofoso sekwo'nji engolopohamo ne'no humawo'n'ngkohofofoho. I oso'no ngko sekwo'nji humaleso sikuno moi'wo we'nenpi umo'n'montonoho. Oso'no a'amu ngkimo wop'ngo ntohofo'ne sikuno pi'n'ngo mauyoho.

A'amu tajo ango syoho'njo sohwa hofiko Lasalosimo fonjosyane'entifi hungkuno nano mtito'mentohofofoho.

⁹ A'amu Juta hwe moya'mi pi'n'ngoso Jisas ango Mpetani sopo humaho upa'nontifi oso pone'no womentohofofoho. Hofiko Jisasi'mnenohini uhwonantifi women-tohofo'maho. O'o, Jisas kako Lasalos

poyo pe'nimentiso sohomo ulika'mentiso
sohwo huhwo'njimo uhwonano lontifi
womentohofofoho.

¹⁰ Oso a'amu tajo ango syoho'njo sohwa hofiko
oso hiso uhwonontifi hofiko Jisasimne'nohini
mtito'mentohofomaho. O'o, Lasalos
huhwo'njimo fonjosiyone mtito'mentohofofoho.

¹¹ Hwapingoso a'amu Juta hwe moya'mi
pi'ningso hofiko Lasalosimne'no huno pi'ningo
syafisyontifi a'amu tajo ango syoho'njo sohwo
uliko'mantifi Jisasimo simeho hi'ntnono
uyimentohofofoho.

*Jisas kako ango Jerusalem sopone'no hwe yofe
engo'njo pa'nyo imo'nonto humentisofoho.*

(Matiyu 21:1-11; Mak 11:1-11; Luk 19:28-40)

¹² Oso ango Jerusalem hwe moya'mi
pi'ningo engoso oso Anitu A'amu Isilael somo
Uyakolo'mentiso somne'ne Syafisiyo Sikuno
Engo † somo uhwonano lontifi simentohofofoho.
Oso hopo sopo nohumantifi upa'nimentohofoso
Jisas kako mo'ningskanta Jerusalemne'no
wapmmontonoho upa'nimentohofofoho.

¹³ Oseso hofiko yomayo wokoso wopingo
wopingoso nomotawentifi Jisasimne'no
honngkanopo hontohumamentohofofoho.
Nohontohumantifi Jisasimne'no joho ole
limentohofi,

Anitumo isamoyoka ulano.

Kako wopingo'nohino hweho.

† **12:12:** Mt. 26:2 enjwa so'mo fehonolo'mongkomaho.

Olo hwe lohumo nakwoe Hwe Engo An+tu sohwo
nakwoe hwahopone'no uhwat+mentiso
hweho.

Kakoe yofe woho'nomano.

Nakwo a'amu Is+lael hn'nwiye hwe yofe engo'njo
nakumo nemokosyohumayo'ne hweho.

Ose limentohofofoho.

¹⁴ Jisas kako yahu osyuyo *toungki* anga'no
not+pemanto yahu sohwoe hohujopo kehumanto
s+mentisofoho. Oso hiso'no ifalifaliyo ole
wo'nnyofoho.

¹⁵ Sekwo a'amu anga Saiyon sopo humalofo soku
sekwo iyoho sen+ngkuhwoloho.

Uhwon+mnno. Sekwoe Hwe Engo sohwo kako
ntosapohoho.

Kako yahu *toungki*po nokehumanto sopalofoho.

Oso ifalifaliyo hohonta mt+'mokumentohofofoho.

¹⁶ Oso hohosohonta Jisasiye inomokomoyo
sohwona'ni nakwo oso hungkuno ifalifaliyo
mt+'mokumentohofoho so'no huno monayo
hwona'nyoho. I oso'no tifi no'mo Jisas kako
ahwomomo s+mentiso sohonta nakwo oso
ifalifaliyo hiso'no huno syaf+hu'ment+hwoni
yo'mayo wop+ngoso Jisas+imne'no oso s+kuno
homo somo a'amu uloho'mentohofoho so'no huno
ikwesya+hu'ment+hwonefoho.

¹⁷ Hohonta Lasalos poyo pe'nonto kakoe pi-
jafoso pi'n+momo wo'mentiso sohonta a'amu
Juta pi'n+ngo engoso Jisasi'nji humamentoho-
fofoho. Jisas kako Lasalos+mo joho ulonto
nuli+kofahonjoso hofi+ko uhwon+mentohofofoho.
Oso a'amu huhwo sohwa hofi+ko nom'ne a'amu

pi'ningo'njo sopo Jisas kako yo'mayo imentiso so'no lutihwamentohofofoho.

¹⁸ Oseso hwe moya'mi pi'ningo engoso yo'mayo wonyoangkafo Jisas imentiso so'no upa'nontifi oso a'amu hiso Jisasimo honingkanopo uswo'nimentohofofoho.

¹⁹ Uswo'ningkahoningkofi a'amu Falisi sohwa hofiko nuhwonontifi simeho tango uyahoningki ole hnnimentohofi, Ihwoni, a'amuso hofiko nakumne'no huno mosyonefisyalokuyohoho. O'o, a'amu ango'meemjo hopi'nonohinosa hofiko nakumo nosikwojonaofontifi Jisasimnohini inomokoho'nawotofo. Ose hnnimentohofofoho.

A'amu Ngkiklik fehohnjo sohwa hofiko Jisasimo uhwonano lontifi imentohofofoho.

²⁰ A'amu pi'ningo engoso sikuno iyoho humayo engoso uhwonano lontifi ango Jelusalemne'no Anituye yofe ho'nomayo'ne simentohofofoho. A'amu Juta'nohini'maho. O'o, a'amu Ngkiklik fehohnjo hi'nji simentohofofoho.

²¹ Oso a'amu Ngkiklik huhwo sohwa hofiko Filipimo u'mantifi ulimentohofi, Hwe engofo, nakwo Jisasimo uhwonano lontani sahopihwone hwona'nyoho. Ose ulimentohofofoho. Filip huhwo sohwo kako hwaho Ngkalili ango Mpetisaita mta'ango hweho.

²² Filip kako hofikoe hungkuno hiso upa'nonto nowento Entilumo ulahoningki siko Jisasimo u'manji oso hungkuno hiso ulimentisiyefoho.

²³ Jisas kako sikimo ulimento, Ngko A'amufe Hwomu sohwo'ni poyo imo'nimo apa'no songo

likahm'mo nje yofe engo mayo'ne sikunoso mofonepo nto i'mofapohoho.

²⁴ Ose ulikwato lohofonto kako poyo imo'nyo'ne pahnnimo hungkuno ole ulimonto, Hwe fihwo kako hamoyo mofososo hami hiso siki wehwosi piso ni'hu'nahone uyimontonoho. I oso'no hwe fihwo kako hami mofososo hami hiso piso ihwoso'no nom'ne timo sahopi'hwosi ne pi'ningo umo'montonoho.

²⁵ Oso pa'nyoso a'amu fihwo kako kakine'nohini huno syafi'hu'nonto kakoe yofe'nohini ho'noma'niwo'n'ngkiso sohwo kakoe humayoso aho yokumpohn'nyo kemokosyohumanto poyo pe'n'ngkuhwosi tohino engo nomane hweho. I oso'no hwe nom'ni'wo kako kakine'no huno mosyafi'hu'nyo'njo yonto nom'ne a'amu somne'no ufo'mawo'nyo'ne'nohini syafi'sy'wo'n'ngkiso sohwo kako poyo pe'n'ngkuhwosi songo ne'no wonyoangkafo humayo'neso notipemane hweho.

²⁶ Oso a'amu Ngk'lik huhwo sohwa hofi'ko nje inomokomoyo umo'nano lifijo'manji siko nuhusisi hofi'kimo ole ulinyo. Hofi'ko ngkimo won'ngkopantifi'manji oyonimno lalofoho ulinyo. A'amu nje syoho ntohofiyoso hofi'ko ngkimo tifi nn'ngkap'wo'n'ngkohofofoho. Oseso ngko nje syoho ntohofiyoso ngko humame sopo hofi'ko wohumapife. Nje syoho ntohofiyoso ne somo Mpohwo Anitu sohwo kako hofi'kimo uhwon'ngkuhwosi kako hofi'koe yofeso woho'noma'montonoho. Ose ulimentisofoho.

*Hofiko A'amufe Hwomu sohumo
woho'nomapife.*

²⁷ Jisas kako nohumanto ulimonto, Nje simeho tango mikunimposo niyohoho. Ngko Mpohumo jomo pehofo ulimnehono. Nje Mpohwo sohwoosi olo tango engo ngkimo wonima'monto iso losomo kiko wae yanimotnnehino. Ose ulimnehono. O'o, olo tango hiloso ngko mayo'ne pmmmentohono.

²⁸ Oso hiso'no ngko nje Mpohumo hungkuno ole ulimo, Mpohwo sohwoosi olo a'amu hopi'nonohino loso hofiko jije yofe engo wojo so'no huno uyone'no yo'mayo wonyoso hofiko ngkimo ntapifijo'manji noho wontapife.

Jisas ose ulahoningki mampaho ahwomo mta'ango ole ho'nimonto, Ngko oso hwaho sopone'no kuhwotimentohe sohonta a'amuso nje yokumpohn'nyo engo somo uhwonontifi nje yofe ho'nonimamentohofofoho. I kiko poyo imo'ninkohoho'no ngko apa'no songo kilika'me sohonta hofiko nje yokumpohn'nyomo apa'no uhwoninguji nje yofe apa'no noho'nonimapitnefoho.

²⁹ Ose ho'ninkahoningki hwe moya'mi kako'njo mofonepo humohumantohofoso oso mampaho hiso upa'nontifi a'amu fehohnjoso ole hnnimentohofi, Ahwomo yoka ho'ninkohoho. A'amu fehohnjoso ole hnnimentohofi, A'amu ahwomomjo sohwo kakimo hungkuno ulohoho.

³⁰ Ose hnninkahoningkofi Jisas hofikimo ulimonto, Olo mampaho ho'ninkiso loso ngko

upa'nyo'ne ho'n'ingkiso'maho. O'o, sekwo upa'nyo'ne ho'n'ingkisofoho.

³¹ Oso'no olohonta Anitu kako yo'mayo yahino wonyo a'amu hwahoponjo y'wo'n'ingkohofoso'no yano ulofihwoso'no hofiko hofikoe wonyo somjo tohino mayo'nefoho. Olohonta Anitu kako hwe wonyo Seten olo hwaho mokosyohumaso sohwoe yokumpohn'nyoso wae weeo'montonoho.

³² Ngko olo hwaho lopo nohumentanimo a'amu hofiko ngkimo iyo hwojiyahofiku'nnyo yokintaho sopo monihumatipijo sohonta ngko a'amumo wohu'mema'monnoho.

³³ Oso hungkuno ulimentisoso a'amu somo ngko poyo imo'nimne'no hon'ingkanoumofitihwamo lonto kako oso hungkunoso ulimentisofoho.

³⁴ A'amu huhwo sohwa upa'nontifi Jisasimo ulimentohofi, Kiko poyo umo'nimonnoho lalohino. Nakumo Anituye hungkuno olenalimento, Oso hwe Anitu a'amu ufo'mayo'ne uhwosopomentiso sohwo kako songo ne'no nohumantihwone hweho. I oso'no kiko A'amufe Hwomu sohwo'simanji iyo hwojiyahofiku'nnyo sopo womonihumojantifeho eso peho'no lohino. Oso A'amufe Hwomuso tihwolo.

³⁵ Ose ulahon'ingkofi Jisas kako pomponaho pa'nyohwo kakine'no pahnnimo hungkuno ole ulimento, Sekwo olopo nohumentan'ingkuji pomponaho we'enehwo sekwo'njo lopo wolasehumontonoho. Nolasesyihwoso'no sikuno wammontonoho. Oseso pomponaho lasesyohwoso'no pomponahopo fosyohumamno.

Sikuno semenoho. A'amu sikwo'mjoho'mjo hano wentoso sohwo kakoe humayoso ntontelo. Awonoho. Huno muyo hweho.

³⁶ I ngko pomponaho sohwo'ni sekwo'njopo nohumentani'mo sekwo simeho hi'ntnnono ntapmno. Sekwo nje hungkunomo tifi nningkapifijo'manji ngko sekwoe pomponaho sohwo'niye mehomi umo'nantifeho. Ose ulikwato lohofonto Jisas kako hofikimo uliko'manto hiyaso humamentisofoho.

A'amu Juta hwe moya'mi pi'n'ngoso Jisasimo simeho hi'ntnnono muyo'njo imentohofoho.

³⁷ Jisas kako yo'mayo wonyoangkafo a'amu miy'wo'n'ngkiyohofoso ko yahan'ngki a'amu Juta pi'n'ngoso simeho hi'ntnnono muyimmentohofoho.

³⁸ Oseso oso hungkuno hohonta Aisaiya sohomo Anitu uyahan'ngki limojo sohwo mt'i'mokumentisoso ne imo'n'imentisofoho. Hungkuno hiso olenoho.

Hwe Engofo, nakwoe hungkuno somo simeho hi'ntnnono tihwo wonejapmmontolo.

Yo'mayo wonyoangkafo a'amu
miy'wo'n'ngkiyohofoso Hwe Engo
ihwoso'no ne'njofoho eso tihwo
wonal'montolo.

Aisaiya hohonta ose mt'i'mokumentisofoho.

³⁹ Oseso a'amuso hofiko Jisasimo simeho hi'ntnnono uyoso hopo'maho. Olo hiloso hwapingo so'no Aisaiya kako hungkuno nom'ne mt'i'mokumentisoso olenoho.

40 An+tu kako a'amuso nohon+fitnnoho
syaf+syonto hof+koe t+imo upi-
jiyo'mentisofoho.

An+tu ngkine'no huno nto'no ik-
wesya+hupitnnoho syaf+syonto hof+koe
hunoso hwayohosile umasimentisofoho.

An+tu ose uloho'mentiso so'no hof+ko hof+koe
hon+ngkano wonyo somta'ni ikinjaof+kuji
ngkiyepono pont+fijontentesi ngko
hof+kimo wop+ngo umoku'mnesohilo.

41 Aisaiya hohonta kako wojo hopa
uhwon+mentisoso K+laisiye yokumpohn'nyo
so'nji kakoe yofe engo so'nji uhwononto kako
oso hungkunoso K+lais+mne'no l+imentono.

42 A'amu Jutafe hwe engo pi'n+ngo sohwa
hof+ko Jisas+mne'no s+imeho hi'ntnnono
ko uyahon+ngkofi hof+ko a'amu Falisi
sohwamne'no iyoho un+ngkahon+ngki
hof+ko Jisas+mne'no hungkuno yolohoso
mol+jwaofe'njo imentohofofoho. Hwap+ngoso
ole syaf+hu'mentohofi, A'amu Falisi sohwa
hof+ko nakumo An+tuye tajo ango somta'ni
wae enamopitnnoho lont+fi mol+jwaofe'njo
imentohofofoho.

43 An+tu hof+kine'no yo'mayo so'no
huno syaf+syonte so'no hof+ko huno
mosyaf+hu'mmentohofofoho. O'o, a'amu
hwahoponjoso hof+kine'no yo'mayo so'no
huno syaf+syont+ife so osomnohini syaf+syont+fi
in+ngkamentohofofoho.

*Jisas kako a'amu hopi'nonohinofe yahino somo
yano ilofone hungkunofoho.*

44 Jisas kako hungkuno yokumpohn'nyo ole ulimeto, A'amu fihwo simeho hi'ntnnono ntopantokunjo sohwo kako ngkine'nohino montopantofiyoho. O'o, kako nje Mpohwo olo hwaho lopone'no lonihwatimentiso osohwo huhwo'ntnne'no ntopantofoho.

45 A'amu ngkimo timo nohonantokunjo sohwo kako ngkimnohino monehonantofiyoho. O'o, kako nje Mpohwo ngkimo nihwatimentiso oso hwo huhwo'njimo ehonalofoho.

46 Ngko olo hwaho loponjo pomponaho sohwo'ni a'amu ngkimo simeho hi'ntnnono ntapifijo'manji hofiko sikwo'mjoho'mo mohumafitne so'no pmmentohe hwo'nyoho.

47 A'amu fihwo kako nje hungkunomo haloho ko upa'ningkuhwosi hungkuno homo somo tifi mining kayo'njo sohomo ngko kakoe yahino somne'no tohino muyimnehono. O'o, ngko a'amufe yahino somne'no tohino yano uyo'ne pmmentohe hwonimaho. Ngko a'amufe wonyomjo tohino mta'ni isihutofomayo'no pmmen-tohe hwo'nyoho.

48 I a'amu ngkimo hwotoho nifekuji nje hungkunomo tifi mining kayo'njoso hofiko hofikimo hofikoe yahino wonyo somne'no tohino yano ulofiyo sohwo hi'njofoho. Oso sikuno ae'uyo somo yo'mayo hungkuno nto lijwasemo'mentohe hiso hofikoe yahino wonyo somne'no tohino yano ulofiyonefoho.

49 Hwapngoso yo'mayo hungkuno seliwo'ningkoheso nje huno mta'ango'maho. O'o, nje Mpohwo kako nihwatimentiso sohwo kako yo'mayo hungkuno hopi'nonohinosa

lijwasemofone ntahonngki selalokweno.

⁵⁰ Ngko huno ole niyohi, A'amu nje Mpo-hwoe hungkunomo tifi inngkaweso sohwo kako songo ne'no humantihwone hweho. Oseso yo'mayo hungkuno hopi'nonohinoso Mpohwo nt'wo'nngkisoso ngko sekumo nto'nohini selalokweno.

13

Jisas kakoe inomokomoyo sohwife sifemo mijo yoma'mentisofoho.

¹ Oso Anitu A'amu Is+lael somo Uyakolo'mentiso somne'ne Syafisiyo sikuno engo * iyoho humayo'ne no'no mo'nngka imo'none sohonta Jisas kako huno ole uy+mento, Mo'nngka ngko olo hwaho lopo uli'ko'mahm'mo nje Mpohwoe angopono was+mne hwo'nyoho. Ose huno umentisofoho. Olo hwaho loPONJO hwe moya'mi kakine'no hitoho ulof+wo'nngkohofosomo Jisas kako hitoho m+kun+imposo ulo'mentisofoho. Kako kakoe a'amu ne somne'no hitoho ne'no ulofontanngki kakoe poyo imo'nyo sikunososo i'mofapmmentisofoho.

² Jisasi'nji kakoe inomokomoyo sohwna'nnonji nohumentani sikuno'nji wopayonontanngkuhwoni Seten kako Jutas Isikaluyout Saimoun+ye hwomu sohomo olo hunolo nto uy+mento, Kiko Jisas+mne'no tokoyo'ofouy+monji yalokunososo olohonta olo sikwo'miyo lomo noho fiyo. Oso hunoso Seten umentisofoho.

* **13:1:** Mt. 26:2 enjwa so'mo fehonolo'mongkomaho.

3 Oso hohosohonta Jisas kako huno ole uyimonto, Anitu kako yo'mayo hopi'nonohinoso ngkimo enjwa'mo nto ho'nanihumasofoho. Huno nom'ne olo so'nji huno uyimonto, Nje Mpohwo kako olo hwaho lopo nihwatimentiso sohwo'ni ngko apa'no kakiyepono asomo nosimnefoho. Huno ose uyimentisofoho.

4 Oseso Jisas kako wopayo fehohnjo moi'wo manyohwo kako nolikafonto kakoe nem'no manji'mofo wae yaofonto kako sosayo sipo'nyo nomanto kakoe simehopo nano mtitofahinimentisofoho.

5 Ose mtitofahinonto kako mijo nomanto noswanopo sisasyonto kako kakoe inomokomoyo sohwna'niye sifemo mijo yonema'mentisofoho. Ose yonemanto kakoe sosayo sipo'nyo kakoe simehopo mtitofahinimentiso so'nji sosayo nasipo'mentisofoho.

6 Oseso Jisas kako Saimoun Pitamo u'mahoningki Pita ulimonto, Hwe Engofo, kiko nje sifemo mijo uyonima'monntaho.

7 Ose ulohoningkahoningki Jisas ulimonto, Olohonta olo kilohofalokwe loso kiko huno makiyohoyohoho. I oso'no hwangku kiko huno wakiyimontonoho.

8 Ose ulahoningki Pita ulimonto, Nje sifeso mijo niyanimahotoho. Nihu'no ngkilaho. Ose ulahoningki Jisas ulimonto, Ngko jije sifemo mijo miyokumaso'manji kiko ngko'nji mohumayo'ne hwosoho. Kiko nje syoho mantohofiyone hwosoho.

9 Ose ulahoningki Saimoun Pita komo'no ulimonto, Hwe Engofo, ose'manji nje

sifemnohini yon+mahotoho. O'o, nje aho mnokino hopi'nonohino lomo fiyon+maho.

¹⁰ Ose ulahon+ngki Jisas ul+mento, A'amu fi-hwo kakoe a'apaho hi'nji mijo nto yomo'n+ngkiso sohwo kako kiho ane imo'nyo so'no syoho engo'njo hwo'maho. O'o, kakoe sifemnohini mijo yomo'n+ngkuhwosi kiho ane'njo wohumamontonoho. Olo ango lomo humalohwone sohwasasi anga'nohinohwo kiho'njohwo humaho. Nom'ne sohwasasi kiho ane hwasoho. Ose ul+mentisofoho.

¹¹ Hwap+ngoso Jisas kako Jutas kakine'no tokoyo'ofu yone sohune'no huno uyahon+ngki, Anga'nohinohwo kiho'njohwo humaho eso ul+mentisofoho.

¹² Oseso Jisas hof+ko sifemo mijo moi'wo esojwamofonto kakoe nem'nomanji'mofo apa'no yonto nakwo'nji apa'no ampo humamentisofoho. Nohumanto nal+mento, Ngko sekwoe sifemo mijo yosemahe so'no huno ito'no nto laseyohoho.

¹³ Ose ulonto ul+mento, Sekwo ngkine'no Hungkuno Mesyolonet+hwayo hwasoho. Nakwoe Hwe Engo hwasoho nti'wo'n+ngkohof+hwasoho. Oso hungkuno nti'wo'n+ngkohofoso nto'nohinoho. Ngko huhwo'ne osenohinoho.

¹⁴ Ngko sekwoe hwe engo sohwo'ni sekumo hungkuno meselut+hwayo sohwo'ni ngko sekwoe sifemo mijo yosemahono. Sekwo nakwo hwe engo hwona'nyoho likuji nom'ne a'amu sofe sifemo mijo miyomapitnnoho lonji selohofohono. Oseso sekwo sohwasasi sekwo nom'ni hwafe sifemo mijo yi+maof+kujo'no hof+ko sek-

woe si>femo uyosemapife.

15 Olo selohofophe yahino loso nto setihwaheso sekwo nom'ni hwamo ose ulohopmno.

16 Ose ulonto ole ulimonto, Ngko hungkuno nehopi'nohini waselimonne'no yohono. Upa'nimno. A'amu fihwa hofiko nom'nihwoe syoho ulohofiyi'wo'n+ngkohoho sohwa hofiko hofikoe hwe engomo muyakolopitne hwafoho. A'amu fihwa hungkuno motawowo'n+ngkohoho sohwa hofiko a'amu lihwatimentiso sohumo muyakolopitne hwafoho.

17 Ngko sekwoe hwe engo sohwo'ni ngko olo hiloso selohofophe so'no sekwo olo hungkuno selalokwe hwapingoso huno waseyono. Sekwo nom'ne hwamo ulohofoso ngko selohofophe hopaso ifijo'manji sekwo simeho wopingo wasemo'nimontonoho.

18 Ose ulonto ole ulimonto, Olo hungkuno selalokwe loso sekwo hopi'nonohino sohahnne'maho. Ngko sehvosopo'mentohe sohahnne'no sekwoe yahino humayo so'no ngko huno niyohoho. I oso'no Anituye hungkuno a'amu mtimokumentohofoso ne umo'nimontonoho. Hungkuno anga'nohinoso olenoho.

Hwe fihwo ngko'nji wosopayo nososohwo kako ngkine'no hohujo ikinjanimofihwosi nje mangohwo umo'nimontonoho.

Ifalifaliyo ose mtimokumentohofofoho.

19 Oso hungkuno hiso ne imo'noso sohonta'ne'no selalokweno. Ne imo'n+ngkuhwoso'no sekwo huno ole

wosyonifisyantifeho. Jisas kako ne'njo hweho. Ose wosyonifisyantifeho.

²⁰ Ngko hungkuno nehopi waselimonne'no yohono. Ngko a'amu fihumo uhwojahonimo a'amuso osohumo utimafikuji wopingo ulohopifijo'manji hofiko ngko huhwo'nimo ntimafikuji wopingo wontohofantifeho. A'amu ngkimo ntimalokwofo sohwa hofiko nje Mpohwo Anitu huhumo utimalokwofo. Ose nalimentisofoho.

Jutas kako Jisasimo mango hwafe ahomo ho'nahumentiso so'ne hungkunofoho.

(Matiyu 26:20-25; Mak 14:17-21; Luk 22:21-33)

²¹ Oso hohosohonta Jisas kako hi tango mikhunimposo uyahoningki kako hungkuno yolohoso ole lijwao'mento, Hungkuno nehopi waselimonne'no yohono. Hwe fihwo kako olo ango lomo sekwo'nji humaso sohwo kako mango sohwife ahomo woho'nanihumonte hweho.

²² Ose nelahoningki kakoe inomokomoyo anga'no anga'nohino sohwna'ni honingkonontani tihune'no kalohoho huno syafihu'mentihwonefoho.

²³ Ngko Joun olo hungkuno ifalifaliyo mtimokalokwe sohwo'ni Jisas kako ngkimo simeho engo ntapiwo'nningkiso so'no ngko Jisasi'nji afapo humohumantohe hwo'nyoho.

²⁴ Oseso Saimoun Pita kako ngko Joun'ni uhwonyo'ne aho songo songo yahoningki ngko kakimo uhwoningkahoningko Pita ole ntimento, Kiko Jisasimo ulohonyo. Tihune'no kolalofoho.

²⁵ Ose ntahonꝑngki ngko Jisasꝑmo ikinjamo lohofonji ulꝑmento, Hwe Engofo, kꝑko tꝑhune'no lalokuno.

²⁶ Ose ulahonꝑngko Jisas nalꝑmento, Ngko wosopayo kutnnyoso mijomo yomahm'mo a'amu fihumo uyꝑmonnoho. Oso huhweho. Jisas ose nalonto kako wosopayo kutnnyoso mijo yomanto Jutas, Saimoun Isꝑkaliyoutꝑye hwomumo uyꝑmentisofoho.

²⁷ Ose uyahonꝑngki Jutas nꝑmentisofoho.

Oso hohosohonta Seten kako Jutasꝑmo ehuhnnao'mentisofoho. Jisas Jutasꝑmo ulꝑmento, Kꝑko yo'mayo umonji yohinoso olohonta komo'no fiyo.

²⁸ Oso hungkuno Jisas Jutasꝑmo ulꝑmentisoso kakoe inomokomoyo sohwna'ni osopo humohumantꝑhwone sohwna'ni hwapꝑnggo neso huno monayo hwona'nyoho.

²⁹ O'o, fehohnjo sohwna'ni nakwo Jutas nakwoe hamniyoho ipofokosyohumawo'nꝑngkiso so'no huno ole syafꝑhu'mentꝑhwoni, Jisas kako oso Sꝑkuno Engo iyoho humayo so'ne yo'mayo mpe-e'ne lihwatꝑmentiso so'no syafꝑhu'mentꝑhwonefoho. Fehohnjo sohwna'ni huno ole syafꝑhu'mentꝑhwoni, Jisas kako a'amu umofonyo iyo somo hamniyoho uyo'no lihwajꝑmentiso so'no syafꝑhu'mentꝑhwonefoho.

³⁰ Jutas kako oso wosopayo nomanonto mempono komo'no humentisofoho. Noswonto uhwonꝑmentisoso sꝑkuno nto mjao'mentisoso uhwonꝑmentisofoho.

Jisas kako honꝑngkano hungkuno songo

*so'no kakoe inomokomoyo sohwamo
lut'hwamentisofoho.*

³¹ Jutas kako syukwato lohofahon'ngki Jisas kakoe inomokomoyo nom'ne sohwona'nimo nalimento, Olohonta A'amufe Hwomu sohwo'niye yofe engo uti'hwanyopo u'mofapmmontonoho. Oso hiso'no Anituye yokumpohn'nyo engo somo a'amu timo uhwon'ngkuji hofiko kakoe yofe engo woho'nomantifeho.

³² Ngko nje Mpohwoe yofe engo imoku'me'no Mpohumo kakoe yofe engoso kakoe Hwomu sohwo'nimo komo'no wontapmmontonoho.

³³ Ose nelikwato lohofonto ole nalimento, Nje mehomi sohwaso ngko sekwo'nji we'enepe nohumahm'mo woseliko'ma'monnoho. Oso hohosohonta sekwo ngkine'no hafihafe wonyopi wotipeentifeho. Ngko a'amu Juta sohwamo hungkuno nto ul'maleso olohonta sekwo huhwahnnonji selalokweno. Ngko ume sopo sekwo olohonta ngkimo moni'mapitnnohofo.

³⁴ Oseso ngko hon'ngkano hungkuno songo sejopalokweno. Sekwo sekwoe a'amu somne'no simeho wosema'nono. Ngko sekumo simeho sejopalokwe pa'nyoso sekwo sekwoe a'amu somo simeho uyimno.

³⁵ Sekwo oso hopa a'amu somo simeho uyikujo'no nom'ne a'amuso sehon'ngkuji ole waselife, Jisasiye inomokomoyo hwasoho. Ose woselantifeho.

*Jisas kako Pita kakine'no hohujo ikinjimofone
so'no ulimentisofoho.*

(Matiyu 26:31-35; Mak 14:27-31; Luk 22:31-34)

³⁶ Saimoun Pita kako Jisasimo ulimonto, Hwe Engofo kiko ntimne hwosilo. Ose ulohonngkahonngki Jisas ulimonto, Ngko ume sopone'no kiko olohonta mannngkapihnnohino. I oso'no hwangku sohonta kiko ngkimo ni'matnne hwosoho.

³⁷ Ose ulahonngki Pita ulimonto, Hwe Engofo, olohonta ngko kikimo mokinngkapeso pipine'elo. A'amu sohwa hofiko kikimo fonjakohufijo'manji hofiko ngkimo fonjanisiyoso wopngofoho. Ngko kikimo kufo'mayo'ne pe'nimeso wopngofoho. Wape'nimo.

³⁸ Ose ulahonngki Jisas ulimonto, Kiko ngkimo nifo'mayo'ne wape'nimo lalohino. Hungkuno nehopi'nohini wakilmonne'no yohono. Olohonta tosi'ka yoka maho'nyo sohonta kiko mango hufa'u sihune ole walimonnoho, Ngko Jisas sohune'no huno maniyo hwo'nyoho. A'amu somo ose ulimonnoho. Jisas Pitamo ose ulimentisofoho.

14

Jisas sohwo kako Mpohwo Anitumo u'mayo'ne honngkano hweho.

¹ Jisas kakoe inomokomoyo sohwna'nnonji nohumentani nakumo nalimonto, Sekwo sekwoe simeho wonyo semo'nngkuhwoloho. O'o, sekwo Anitumo simeho hi'ntnnono ne'no uyimno. Oso'no sekwo ngko huhwo'nimo simeho hi'ntnnono ntapmno.

² Nje Mpohwoe angoso sohe pi'nngo'njoponoho. Oso hungkuno hiso ne ane'njontentesi ngko sekumo hohonta

seli'mnesohilo. Ngko sekwoe ango ito'no wesyohumamne hwo'nyoho.

³ Ngko sekwoe ango ito'no yasesi'mo ngko sekumo setimayo'ne asomo wapmne hwo'nyoho. Oso'no sekwo ngko'njo afa nohopo humenti'hwanefoho.

⁴ Ngko simne honingkano somne'no sekwo huno seyohoho.

⁵ Ose nelahoningki Toumas ulimento, Hwe Engofo, kiko nti'mne hwosilo. Nakwo huno monayohoyohoho. Nakwo oso honingkano somne'no hunoso pipi ihwasi syofisyanehwono.

⁶ Ose ulahoningki Jisas ulimento, Ngko sohwo'ni Mpohumo u'mayo'ne honingkano hwo'nyoho. Ngko hungkuno nehopi'nohino hwapingo hwo'nyoho. Ngko songo ne'no humayo'ne hwapingo hwo'nyoho. A'amu fihwo kako Anitumo u'mayo'ne honingkano nom'neso mauyoho. O'o, ngko'nohini Mpohumo u'mayo'ne honingkano hwapingo hwo'nyoho.

⁷ Sekwo nje hwapingo ne so'no huno nto'no seyontentesi sekwo nje Mpohwo huhune'no huno seyihwonesohilo. Olohonta sekwo Anitune'no huno nto seyohoho. Sekwo kakimo nto uhwoningkohofo. Sekwo ngkimo nohoningkohofo so'no sekwo Anitu huhumo uhwonontifi kakine'no huno nto'no seyohoho.

⁸ Ose ulahoningki Filip ulimento, Hwe Engofo, kiko Mpohumo foneti'hwaho. Noneti'hwahojo'no nakwo simeho wopingo wonamo'nimontonoho.

⁹ Ose ulahoningki Jisas kako ulimento, Filip ngko sekwo'nji sikuno pi'ningo engo nto human-tohe hwo'nyoho. I osomo kiko ngkine'no huno

ito'no makiyo'njo hwosilaho. A'amu ngkimo nohon'wo'n'ingciso sohwo kako nje Mpohwo Anitumo uhwonalofoho. Oso'no pipine'no lohino. Kiko Mpohumo fonet'hwaho lohinosofo.

¹⁰ Kiko ole losyof'isyalokuno. Jisasi'nji kan'ingkwowho'nji siko afa'maho. O'o, Jisas kako kengo hweho. Kan'ingkwowho kengo hweho. Ose losyof'isyalokuno. Hungkuno ngko sekumo selinyoso nje huno mta'ango'maho. O'o, Mpohwo Anitu kako ngkimo humaso sohwo kako yo'mayo syoho iwo'n'ingkohoho.

¹¹ Sekwo olo hungkuno homo somo simeho hi'ntnnono uy'mno. Ngko nje Mpohumo humaleno. Mpohwo kako ngkimo humaho. Oso hungkuno homo somo simeho hi'ntnnono muyo'manji i yo'mayo syoho wonyoangkafo a'amu miy'wo'n'ingkiyohoho iwo'n'ingkohe so'no sekwo huno ikwesyaf'isy'kuji sekwo simeho hi'ntnnono ntapmno.

¹² Hungkuno nehopi'nohino wasel'monne'no yohono. A'amu ngkimo simeho hi'ntnnono ntaposo sohwo yo'mayo syoho ngko iwo'n'ingkoheso kako uy'montonoho. Ou, ngko nje Mpohwoepono sime sohonta oso a'amu huhwo sohwo kako olopo nohumahwosi yo'mayo syoho ngko imentohe somo kako niyakolofososo ngko ufo'ma'monnoho.

¹³ Hwap'ingoso ole, sekwo nje Mpohumo yo'mayo so'no jomo ul'kuji nje yofe l'ifijoso ngko yo'mayoso wosejapmmonnoho. Ngko yo'mayo sekumo sejapm'me'no nje Mpohwoe yofe sekwo noho'nomaf'kujo'no kakoe yofe engoso umo'n'imontonoho.

14 Sekwo nje Mpohumo nje yofe ulifijoso ngko yo'mayo imneso'no jomo ntikujo'no ngko uyimnonoho.

Jisas kakoe Towahuno Wopingo somo uhwa-jone'no hungkuno ulimentisofoho.

15 Sekwo ngkimo simeho nehopi ntapifijo'manji ou, sekwo nje hungkuno hopi'nonohino somo haloho pekuji ito'no wonningkopantifeho.

16 Ngko Mpohumo jomo uli'me'no kako nom'nihwo sekumo Yokumpohn'nyo Sesofitofosyohumayo'nehwo wosejapmmontonoho. Oso huhwo sohwo kako sekwo'nji engolopohamo ne'nohini wofosyohumentihwantife hweho.

17 Anitu kakoe Towahuno sohomo sekuyepono uhwajihwoso'no Towahuno huhwo sohwo kako hungkuno nehopi'nohini wasetihwamontonoho. I oso'no a'amu hwahoponjo yahino somo iningkuwalokwofoso hofiko oso Towahuno huhwo sohomo momaso'njofoho. Hwapingoso hofiko kakimo timo muhwonyo'njo ikuji hofiko kakine'no huno muyofoho. I oso'no sekwo kakine'no huno seyohoho. Hwapingoso olohonta kako sekwo'nji humaho. Hwangku kako sekwoe simeho mo'mo wohumamontonoho.

18 Ngko sehwo'ti'mo'me sohonta Anituye Towahuno sohwo sekwo'nji humaso so'no sekwo sikumehomi pa'nyo mohumafitnnehofo. O'o, ngko sekuyepono asomo wapmmonoho.

19 We'enepi olo hwaho loponjo a'amuso hofiko ngkimo apa'no manohonfitnnefoho. I oso'no

sekwo wonohonantifeho. Ngko songo ne'no humayo'ne hwapingo sohwo'ni kalohi sekwo hoku songo ne'no wohumantifeho.

²⁰ Ngko nje Mpohwoepono sehwo'ti'mo'me sohonta sekwo huno ole waseyono. Ngko nje Mpo-humo humaleno. Sekwo ngkimo wofosyonohumantifeho. Ngko sekumo wosefosyohumamon-noho.

²¹ A'amu fihwo kako nje hungkunomo haloho pehwosi hungkuno homo somo ito'no tifi in+ngkaweso sohwo kako ngkimo simeho nehopi ntopalofoho. A'amu ngkimo simeho ntap+wo'n+ngkiso osohumo nje Mpohwo kako simeho uyalofoho. Ngko huhwo'ni oso huhwo sohumo simeho uyi'mo ngko kakimo uti'hwa'nyopo ikin+i'me'no kako ngkimo wonohon+montonoho. Jisas ose ul+mentisofoho.

²² Jisas+ye inomokomoyo nom'ne sohwo kakoe yofe Jutas+yoho. Osohwo kako Jutas Is+kaliyout+i'maho. O'o, nom'ne hweho. Oso Jutas huhwo sohwo kako nohumanto Jisas+mo ul+mento, Hwe Engofo, kiko nakwo sohwo'na'n+imo ne'mahoji hwe moya'mi hwahoponjoso makohonyo'njo iyoso pipilo.

²³ Ose ulohon+ngkahon+ngki Jisas ul+mento, A'amu ngkimo simeho nehopi ntaposo'manji kako nje hungkunomo ito'no won+ngkamontonoho. Oso hwe huhwo sohumo nje Mpohwo An+tu kakine'no umo'n+montonoho. Nekwo'montosa'i oso hwe huhwo sohumo u'mehwasi kako'nji engolopohamo ne'no wohumantanoho.

²⁴ A'amu nje hungkunomo tifi ito'no

min'ngkayo'njo sohwo kako ngkimo simeho hi'ntnnono mantap'wo'n'ngkiso hweho. Olo hungkuno selalokwe loso nje huno mta'ango'maho. O'o, nje Mpohwo nihwatimentiso sohwoe hungkuno ntapmmentisoso selalokweno.

²⁵ Ngko sekwo'nji nohumanji hungkuno loso selalokweno.

²⁶ I oso'no ngko sekumo sehwti'mo'me'no nje Mpohwo kako kakoe Towahuno Wop'ngo sohwo ngkimo niyohope'ne sekumo Yokumpohn'nyo Sosofitofosyohumayo'ne sekuyepono uhwatimontonoho. Anituye Towahuno Wop'ngo huhwo sohwo kako sekwo'nji nohumahwosi sekumo yo'mayo so'no hofiyo wolosetihwamontonoho. Kako sekwoe hunomo huno sefhotofihwoso'no yo'mayo hungkuno selimentoheso huno ikwesyafisy'kuji huno waseyimontonoho.

²⁷ Ngko sekumo sehwti'mofalokwe so'no ngko nje simeho wop'ngo'nji simeho pompenjiyo'nji sejopalokweno. Hwe moya'mi hwahoponjo sofe simeho pompenjiyoso simeho wop'ngoso iyoswo ilo'molajo iwo'n'ngkisoso pa'nyo'njofoho. I nje simeho wop'ngo nje simeho pompenjiyoso oso pa'nyo'maho. O'o, hwahoponjo somo yakolo'nyofoho. Oseso yo'mayo tango se'mahwoso'no sekwo yomo ikuji iyoho sen'ngkuhwoloho.

²⁸ Oso hungkuno selohe loso sekwo apa'no huno fikwesyafihupmno. Ngko Mpohwoepono nosi'mo sekuyepono asomo wapmmonnoho. Sekwo ngkimo simeho nehopi ntape'manji

ngko nje Mpohwoe ango wonyoangkafo sopo nosi'me'no sekwo simeho wopingo wasemo'nimontonoho. Hwapingoso Mpohwo Anitu kako ngkimo hwofilo'nnyo hweho.

²⁹ Yo'mayo hiso mmo'nontaningi selalokweno. Oso'no hwangku sohonta yo'mayo selohe so'no i'mofapihwoso'no sekwo osomo uhwonngkuji sekwo ngkimo simeho hi'ntnono ntapifitnne'no selalokweno.

³⁰ Nje sikuno sekwo'nji hungkuno jo'neso mofo nto imo'nimaho. Hwapingoso Seten hwe wonyo olo hwaho loponjo yahinomo mokosyohumawo'nngkiso sohwo kako wonyo ntohoho'neso nto i'mofapohoho. I oso'no kakoe yokumpohn'nyoso ngkimo moniyakolofonehoho. Seten ngkimo moniyokolofontanngkuhwosi ngko poyo wape'nimonnoho.

³¹ Hwapingoso hwe moya'mi hopi'nonohinoso hofiko ngko nje Mpohumo simeho engo uyalokwe so'no huno tipemayo'ne ngko oso hungkuno Mpohwo ntapmmentiso somo ito'no tifi uningkamonnoho. Yo'mayo tango ko ni'mahonngkuhwosi ngko ne'no uningkamonnoho. Ose nalonto nalimento, Filikapmno. Wohwano. Ose nalimentisofoho.

15

Jisas kako 'wain' iyo hwapingo ne hweho.

¹ Jisas kako kakoe inomokomoyo sohwna'nimo pahnnimo hungkuno ole nalimento, Ngko iyo hwapingo ne hwo'nyoho.

Nje Mpohwo iyo uyo syoho sohwo'nimo mokosyon+humunyo hweho.

² Nje iyopamo ne minto'nyoso Mpohwo kako nolofehwosi wae weeo'mtonoho. Iyopamo ne into'nnyo hopi'nonohinonso kako nofasy+hwosi pamo ne'njoso wawo'montonoho. Hwap+ngoso ipisayo engo into'n+ngkuhwosi ne engo imo'nyo'nefoho.

³ Oso pa'nyoso sekwo nje apamo sohwasi sekwo nje hungkunomo ito'no in+ngkowalokwofo so'no oso hungkuno hiso yo'mayo yahino wonyo imotofo somo wae esemofalofoho. Sekwo kiho'maso'njo humalofo.

⁴ Sekwo ngkimo fosyon+humamno. Ngko sekumo wofosyosehumamonnoho. Iyopamo fihwo kako iyo ne hwap+ngo somta'ni nosanj+hwosi p+wasyososo kako ipisayo neso minto'nonehoho. Oso pa'nyoso sekwo ngkimo mon+fohi'nyo'manji sekwo huhwasi ipisayo neso minto'nyo'ne hwasoho.

⁵ Ngko iyo hwap+ngo ne hwo'nyoho. Sekwo nje apamo hwasoho. A'amu fihwo ngkimo fosyon+humaso sohwo ngko kakimo wofosyohumamonnoho. Oso'no kako ipisayo ne engo'njo hweho. Sekwo ngkimo n+si+kwat+fijo'manji sekwo yo'mayo neso mifitne hwasoho.

⁶ A'amu fihwo kako ngkimo n+si+kwatnnyo sohwo a'amu iyopamo yofoho inyoso wae yao-font+fi tohomo ho'naef+wo'n+ngkohoho hopaso nje Mpohwo kako hwe huhwo sohomo wae yao-fonefoho.

⁷ Sekwo ngkimo non+humaf+kuji sekwo nje hungkunomo aho yokumpohn'nyo

kemokosyohumafikujo'manji yo'mayo so'no semo'n'ngkuhwoso'no ngkimo jomo ntifijoso yo'mayoso sekumo wose'ma'montonoho.

⁸ Sekwo ose ifijo'manji sekwo nje inomokomoyo ne imo'n'ngkuji sekwo ipisayo ne engo'njo imo'n'fitnne hwasoho. Oseso a'amu hofiko Anitu kako sekumo hofiyo semokosyohumentan'ngkuhwosi sehon'ngkuji hofiko nje Mpohwoe yofe engo noho'nomapitnnefoho.

⁹ Nje Mpohwo kako ngkimo simeho engo ntap'wo'n'ngkiso hopaso ngko sekumo simeho sejopalokweno. Oseso sekwo nohumafikuji ngko hitoho engo sejopalokwe so'no huno syafisyikuji yo'mayoso ifitnne so'no sekwo Anitumne'no yokumpohn'nyo fiyoho'n'mno.

¹⁰ Ngko nje Mpohwoe hungkunomo tifi ito'no in'ngkawowo'n'ngkohe so'no ngko huno niyohi, nje Mpohwo hitoho engo ntopalofoho. Oso pa'nyoso sekwo nje hungkunomo tifi ito'no in'ngkafijo'manji sekwo huno ole waseyono. Jisas kako hitoho engo nejopalofoho.

¹¹ Olo hungkuno selalokwe loso nje simonyo iyoso sekwoe simeho mo'mo wasewenonji selalokweno. Oso simonyo iyoso simeho mo'mo engo mikun'imposo wasemo'n'ngkuhwono.

¹² Jisas ose nalonto nalimento, Sekwo olo hungkuno losomo tifi ito'no fin'ngkamno. Ngko sekumo simeho sejopalokwe hopaso sekwo nom'ne a'amu somo ose uy'mno.

¹³ A'amu fihwo kako kakoe a'amu somo simeho uy'hwoso so'no kako a'amu hisofe mango sohwamo ole ul'montonoho. Olo a'amu lomo sekwo nus'hutofikuji ngkimnohini

fonjan+humno. Ose loso sohwo kako kakoe a'amu hisomo simeho uyoso yakolo'nnyo hweho.

¹⁴ Sekwo sohwasi nje hungkunomo tifi ito'no nningkapifijo'manji sekwo nje a'amu ne hwasoho.

¹⁵ Syoho ulohofiyo sohomo kakoe hwe engo sohwo kako yo'mayo so'no yoloho mujo'njo hweho. O'o, syoho ulohofiyo sohwo kako syoho'nohini inyo hweho. I ngko olohonta nje syoho ntohofiyo hwasoho eso apa'no masel+mnehono. O'o, yo'mayo hungkuno nje Mpohwo nt+mentiso so'no ngko yolohoso nto sel+malefoho. Oso'no olohonta nje a'amu hwasoho selalokweno.

¹⁶ Sekwo ngkimo simo'mo nakwoe Hwe Engo'ne hwehontifi nihwosopo'mentohof+hwoni'maho. O'o, ngko simo'mo sekumo nje a'amu ne imo'nyo'ne sehwsopo'mentohe hwasoho. Sekwo ipisayo ne into'nyo'ne sehwsopo'mentohe hwasoho. Oseso olo syoho sejopalokwe loso sekwo yahon+ngkuji a'amu pi'n+ngoso nje hungkuno nupa'n+ngkuji tifi nningkapifijoso nakwo'nji ne'no nohumantokutnnefoho. Oseso sekwoe syohoso ne imo'n+ngkuhwoso'no ne'no nowent+hwonefoho. Sekwo ose ifijo'manji sekwo nje Mpohumo nje yofe ul+kuji yo'mayo so'no jomo ul+fijoso kako wosejapmmontonoho.

¹⁷ Oseso ngko olo hungkuno loso apa'no yokumpohn'nyo selalokweno. Sekwo a'amu somo simeho nehopi uy+mno.

A'amu hwahoponjo sohwa hofiko Jisasiye inomokomoyo sohwanne'no mangohwa

imo'nifitnne so'ne hungkunofoho.

¹⁸ Hwe moya'mi hwahoponjo yahinomo tifi in'ngkwalokwofoso hofi'ko sekwoe mangohwa imo'nifijo'manji sekwo huno ole waseyono, Si'mo'mo ngkine'no mangohwa imo'nimalofofoho.

¹⁹ Sekwo olo hwaho loponjo yahinomo tifi in'ngkafijontentesi u, a'amu hwaho loponjoso sekumo nakwoe a'amu hwasoho selifijoso simeho sejar'kutnnesohilo. I oso'no sekwo olo hwaho loponjo a'amu hwasi'maho. O'o, ngko olo hwaho loponjo yahino somne'no i'waho ito'no ehumayo'ne so'no sehwsopo'mentohefoho. Oseso hwe moya'mi hwahoponjoso hofi'ko sekwoe mango hwafoho.

²⁰ Olo hungkuno nto selohe loso huno ito'no fisyafihupmno. A'amu syoho ulohofiyo sohwoe yofe engoso kakoe hwe engo sohwoe yofe engomo muyakolofonehoho. Oso hiso'no sekwo in'ngo sey'hwoloho. Ngko sekwoe hwe engo sohwo'nimo a'amu hwahoponjoso wonyo ntohofi'wo'n'ngkohoho hopaso hofi'ko sekumo woselohofantifeho. I hofi'ko nje hungkunomo haloho ni'popijo'manji hofi'ko sekwoe hungkunomo haloho wosepeentifeho.

²¹ A'amu hwahoponjoso hofi'ko Anitu ni'hwatimentiso so'no huno muyofoho. Oso'no sekwo ngkimo tifi n'ngkap'wo'n'ngkohoho so'no hofi'ko yo'mayo wonyoso woselohofantifeho.

²² Ose nalonto nalimento, Ngko olo hwaho lopo mape'njo ntentesi nje hungkuno hofi'kimo mulonti'mtentesi hofi'koe hon'ngkano

wonyo somne'no hofiko tohino engo momafikutnnesohilo. I oso'no nje hungkunomoto ko upa'nimotofoso hungkuno homo somo simeho muyofoho. Oso'no sikuno ae'uyo somo ngko wonyo hwasoho uli'me'no hofiko mampi'nyo ifitnefoho.

²³ A'amu nje mangohwo imo'noso sohwo kako nje Mpohwo huhune'no mangohwo osenohini umo'nimonte hweho.

²⁴ Yo'mayo syoho wonyoangkafo a'amuso hofiko miyowo'nngkiyohofoso ngko hofiko'njopo itihwamentohefoho. Oso syoho hiso ngko miyo'njo yonti'mtentesi hofikoe wonyo honingkano somne'no tohino engo momafikutnnesohilo. I oso'no olohonta oso syoho wopingo imentohe somo hofiko timo uhwonontifi hofiko ngkine'no nakwolaho ntimentohofoso hofiko ngko'nji nje Mpohwo huhwo'njiye mangohwa imo'nimentohofofoho.

²⁵ Oseso hofikoe yahino homo somne'no oso Anituye hungkuno anga'no mtimokinyoso ne imo'nalofoho. Oso hungkunoso olenoho. Ngko hofikimo wonyo ko mulohofahonngko hofiko ngkine'no siki mangohwa imo'nnyofoho.

²⁶ Ose nalonto nalimento, Ngko nje Mpohwoe pone'no nosimo Anituye Towahuno yokumpohn'nyo sosofitofosyosehumayo'ne sohomo ngko sekuyepono wolihwatimonnoho. Oso Towahuno huhwo sohwo kako hungkuno ne'njo hweho. Kako Mpohwo'nji fosyohumawo'nngkiso sohwo kako sekuyepono wapmmontonoho. Kako nopihwosi ngkine'no hungkuno woliwasemo'montonoho.

27 I sekwo ngko'nji nje syoho ema'mentohe sohonta humamotohwone so'no sekwo huh-wahnnonji a'amu hopi'nonohino somo yo'mayo upa'nontifi uhwonontifeso filutihwafikuno.

16

1 Ngko sehwo'ti'mo'me sohonta sekwo ngkine'no hohujo ikinjanimopitnnohonji yo'mayo yolohoso lijwosemofalokweno.

2 Hwangku sekumo a'amu Jutafe tajo ango somta'ni wae wesemofantifeho. I tifi no'mo a'amu fehohnjoso hofiko sekumo fonjasesyikujo'no hofiko huno hwasyo ole wosyofisyantifeho, Nakwo Anituye syoho wopingo ulohofiyiwo'n'ingkuhwone so'no olo hwe lohomo wofonjosyano. Hwasyo ose wosyofisyantifeho.

3 Hwapingoso hofiko nje Mpohwo'nji ngko huhwo'nnontnne'no huno nto'no muyofoho.

4 Tifi no'mo olo yo'mayo loso i'mofaposo sohonta hungkuno ngko sekumo lijwosemofalokwe loso'no sekwo apa'no huno ikwesiyafihupitnne'enji selalokweno.

Anituye Towahuno Wopingo sohwo kakoe syoho iyo'ne hungkunofoho.

Hohonta ngko sekwo'nji humamote sohonta ngko yo'mayo hilo so'no maselimmotefoho.

5 I oso'no olohonta Anitu kako ngkimo sekwoe ango lopone'no nihwatimentiso sohwoepono asomo wasi'mne hwo'nyoho. Ngko wasi'mne hwo'nyoho ko selahon'ngko

sekwo ngkimo peho'ne nehwti'mofalokuno eso mantohonyofoho.

⁶ I olohonta ngko wasehwoti'mo'mne'no yohono selohe so'no sekwo sekwoe si'meho tango seyohoho.

⁷ I oso'no ngko hungkuno nehopi'nohino waseli'monne'no yohono. Ngko sekumo sefo'mayo'ne wasi'monne'no yohono. Ngko sekumo masehwoti'mofe'njo'manji Towahuno sekumo yokumpohn'nyo sosofitofosesyohu-mayo'ne sohwo mose'manehoho. I oso'no ngko si'me'manji ngko Anituye Towahuno huhwo sohomo sekuyepono wali'hwatimonnoho.

⁸ Kako nopi'hwosi syoho hufa'u si'hune yone hweho. Si'mo'mo kako a'amufe yahino wonyo ujo ehontojwasyi'hwoso'no hofi'ko yofe uhwopitnnefoho. Nom'ne syohoso kako hon'ngkano ito'nohinoso uti'hwamontonoho. Nom'neso a'amu yahino wonyo somne'no tohino mayo'ne Anitu kako yano ulofiyone so'ntnne'no uli'montonoho.

⁹ Hofi'koe yahino wonyo hwapi'ngo so'no Anituye Towahuno sohwo ole uti'hwamontonoho. Hofi'ko ngkine'no si'meho hi'ntnnono montapmmotofo so'no hon'ngkano wonyoso hi'njofoho.

¹⁰ Anituye Towahuno sohwo kako hon'ngkano wopi'ngo ito'nohino so'no ole uti'hwamontonoho. Ngko hon'ngkano homo somo into'nohino imote so'no nje Mpohwo kako ngkimo asomo nti'manefoho. Oseso sekwo olopo apa'no manohonifitnnefoho.

¹¹ Anituye Towahuno sohwo kako

a'amufe yahino wonyo somne'no yano ulofiyone so'no ole uti

¹² Ose nalonto nalimento, Ngko sekumo hungkuno pi'n+ingo engo wasel+monji ko yoheso sekwo oso hungkuno sel+me somo huno seyone so'no hopoenohino hwasi'maho. O'o, hopi'nono seli'me'no sekwoe si'meho tango engo seyonoho.

¹³ I oso'no hwangku Anituye Towahuno hungkuno nehopi'nohino sejo'ne sohwo kako nopi

¹⁴ Kako nje hungkuno sel+mentoheso nomahwosi sekumo seli

¹⁵ Yo'mayo nje Mpohwo mokosyohumasoso njefoho. Oso'no hungkuno nto seloheso ngko apa'no wasel+monnoho. Anituye Towahuno sohwo kako nje yo'mayo hungkunoso nomahwosi oso hiso'no woloset+hwamontonoho.

*Simeho tango seyontososo iwolo'mo lohofikuji
apa'no simonyo uyantifeho.*

16 Sekwo we'enepe ngkimo manohonyo'njo uyantifeho. I oso'no sekwo we'enehwo humafikuji hwangku sohonta ngkimo nonohonifitnnefoho.

17 Ose nelahonngki kakoe inomokomoyo fehohnjo sohwna'ni ole hnnimentihwoni, Oso hungkuno nalisoso hwapingo neso peho'neto. Ole nalohi, We'enepe sekwo ngkimo monohonifitnnehofo. I oso'no we'enehwo nohumafikuji ngkimo apa'no nohonifitnnefoho. I nom'ne nalisoso ole, Ngko nje Mpohwoe pone hwo'nyoho. Ose nalisofoho.

18 Oso we'enehwo nalisoso peho'ne nalohoho. Yoloho neso nakwo huno monayohoyohoho.

19 Ose hnnontani nakwo Jisasimo ko mujo'njo yahonngkuhwoni Jisas nakwoe huno so'no huno uyahonngki nakumo nalimento, Sekwo olo hungkuno ngko selohe loso'no peho'ne hnnalokwofo. Ngko ole selohono. We'enepe sekwo ngkimo manohonifitnnehofo. We'enehwo humafikuji apa'no ngkimo wonohonantifeho. Ose selohono.

20 Ngko hungkuno nehopi'nohino waselimonne'no yohono. We'enepe yo'mayo tango ni'mane so'no a'amu hwahoponjo pi'nnggo engoso hofiko simonyo yontanngkuji sekwo sohwasi humotaho engo likuji simeho tango waseyimontonoho. I oso'no sekwoe simeho tango seyontososo iwolo'mo lohofikuji sekwo simonyo engo uyantifeho.

²¹ Ose nalonto kako pahnnimo hungkuno ole nalimento, Olo selalokwe loso a'mu fisi kako mehomi aswo mayo pa'nyofoho. A'mu fisi kako aswo toho'ne yonto simeho tohino umnonte so'no kakoe simeho wopingo mmo'nyofoho. I oso'no kakoe mehomi aswo mahwosi kako oso tohino engo so'no iningo mofihwosi simonyo uyimontonoho.

²² Oso mehomi aswo mawo'ningkohofu pa'nyoso sekwoe simeho tango'nji humalofo. Oso'no hwangku sohonta ngko apa'no sehonime'no sekwo simonyo engo apa'no uyantifeho. Oso simonyo iyo homo somo wae yafo'ne a'amu fihwo mohumuyohoho. O'o, awonoho. Simonyo iyoso ne'no nowentihwonefoho.

²³ Oso sikuno homo somo sekwo ngkimo yo'mayo yo'mayo so'no mantifitnefoho. O'o, ngko hungkuno nehopi'nohini waselimonne'no yohono. Sekwo nje Mpohumo yo'mayo yo'mayo so'no jomo ulikui nje yofe'nji ulifijo so'no kako ngkine'no syanifisyihwosi yo'mayo yo'mayoso wosejapmmontonoho.

²⁴ Hohonta oso hopaso sekwo mim-motofihwasoho. O'o, nje yofeso Mpohumo mulmmotofo soku olohonta sekwo Mpohumo nje yofe'nji jomo ulifijoso yo'mayoso wosejapmmontonoho. Oseso sekwo simonyo nehopi'nohini uyantifeho.

Jisas kako olo hwaho loponjo yahino somo yakolo'nnyo hweho.

25 Ngko yo'mayo yo'mayo so'no pahnnimo hungkuno seliwo'n'ngkohefoho. I tifi no'mo ngko pahnnimo hungkunoso masel'mnehono. O'o, ngko nje Mpohumne'no hungkuno yoloho'nohini wolijwasemo'monnoho.

26 Oso hohosohonta sekwo yo'mayo so'no Anitumne'no jomo ulifijo sohonta ngko ajwo sopo sekumo sefo'mayo'ne mohumamnehono. O'o, sekwo Mpohumo nje yofe ulifijoso kako yo'mayo so'no wosejapmmontonoho.

27 Hwap'ingoso sekwo ngkimo simeho hi'ntnnono ntapontife sohwhanne'no Anitu nihwatimentiso so'no huno seinyo sohwhanne'no Anitu kako simeho sejopalofoho. Kako sekwoe hungkunomo wosepa'n'montonoho.

28 Ou nehopi. Hohonta Mpohwo kako nihwatimentiso sohwo'ni olo hwaho lopono pmmontohe hwo'nyoho. I olohonta ngko olo hwaho lopo sehwti'mohm'mo nje Mpohwoepono asomo wasimne hwo'nyoho.

29 Ose nelahon'ngki kakoe inomokomoyo sohwna'ni ulimentihwoni, Ihwoni. Olohonta kiko pahnnimo hungkuno monalohoyohino. O'o, hungkuno yoloho'nohini nalohino.

30 Oso'no nakwo yo'mayo so'no huno nayohoho. Kiko huno hwap'ingo'njo hwosoho. Nom'ne a'amu hofiko huno'nohini syofisyantifeso hofikoe huno hiso kiko huno kinyo hwosoho. Oso'no nakwo olo hilo so'no simeho hi'ntnnono uyalokuhwono. Kiko Anitu mta'ango nehopi'nohino hwosoho.

31 Ose ulahon'ngkuhwoni Jisas nalimento Olo-

honta sekwo ngkine'no simeho hi'ntnnono nehopi lontopant+kwofu.

³² Upa'nimno. Sekumo tango se'mayo'ne sikunoso we'enepe umo'nimonte'no yohoho. I nto i'mofapohoho. Oso'no hofiko ngkimo n+kekujo'no sekwo ngkimo n+hwot+i'mof+kuji sekwo anga'no anga'no sekwoe angomne'no esesamo wohumpeentifeho. Oso'no sekwo ngkimo n+hwot+i'mof+kujo'no ngko'nohini nje mango sohwanji wohumamonnoho. I oso'no ngko'nohin+i'maho. O'o, Mpohwo kako huhwo ngko'nji wohumamontonoho.

³³ Yo'mayo tango se'mayo so'no ngko olo hungkuno hiloso selalokweno. Tango hiso se'mahon+ngkuhwosi sekwo ngkine'no ole wosyon+i'syantifeho. Ngko Jisasimo ufohi'nonji kako'nji humalohwono. Ose syan+i'sy+kuji sekwo simeho wop+ngo'nji wohumantifeho. Sekwo olo hwaho lopo nohumentan+ngkuji yo'mayo tango wonyoso woselohofantifeho. I oso'no sekwo yokumpohn'nyo lohof+kuji simonyo fiyimno. Hwap+ngoso ngko olo hwaho loponjo yahino somo hwotoho fenji nto uyakolo'maleno. Ose nal+mentisofoho.

17

Jisas kakoe inomokomoyo sohwanne'no Anitu ufo'mane'ento jomo ul+mentisofoho.

¹ Jisas kako oso hungkuno inomokomoyo sohwananimo nalonto kako ahwomomo timo uhwononto kan+ngkuhwumo jomo ul+mento, Mpohwo, nje sikuno nto i'mofapohoho. Olo

a'amu loh wamo nje yofe engoso uti hwaho. Oseso kiko uti hwahojo'no ngko jije hwomu sohwo'nne'no yofe engo ni hwofikujo'no hofiko jije yofe woho'nomanti feho.

² Kiko a'amu hopi'nonohino somo ngkimo enjwa'mo uhumati'mentohinofoho. Kiko a'amu fehohnjo ntapmmentohinoso kako songo ne'no humayoso yano uy'ne'enji ntapmmentohinofoho.

³ Songo ne'no humayo'neso olenoho. A'amu hiso hofiko nekwo'montosa'ine'no yofe ole wehwofanti feho. Kiko'nohini Anitu nehwosoho wokuhwofanti feho. Ngko Jisas Kilais sohwo'nne'no ole woni hwofanti feho. Nakwoe hwaho lopone'no Anitu uhwatimentiso hweho. Ose woni hwofanti feho. Yofe ose ni hwofikuji hofiko wop'ingo'nohini humafikuji songo ne'no humantokutnefoho.

⁴ Ngko olo hwaho lopo nohumanji jije yofe engoso jije yokumpohn'nyo engoso nto uti hwamalefoho. Yo'mayo syoho ntapmmentohinoso ngko moi'wo nto esojwao'malefoho.

⁵ U, Mpohwo hohonta olo hwaho loso nekwo manti'mokiyo sohonta ngko kiko'nji nohumanji ngko yo'mayo yokumpohn'nyo mokosyohumunyo hwo'nyoho. Ngko kiko'nji humanji mokosyohumamote pa'nyoso oso yofe engo so'nji yokumpohn'nyo engo so'nji kiko ngkimo asomo ntape.

⁶ Olo hwe lohwa hwaho loponjo ntapmmentohino lohwa ngko hofikimo kikine'no luti hwamale so'no hofiko kikine'no yofe ki hwofalokwofo. Jije a'amu huhwo

sohwa kiko ngkimo ntopahon+ngkini hofiko jije hungkunomo haloho pentifi aho yokumpohn'nyo kemokosyohumantifi tifi in+ngkopalokwofo.

⁷ Oso a'amu kiko ntapmmentohinoso yo'mayo hungkuno ulahon+ngko hofiko huno ole syafihu'mentohofi, Olo hwe lohwoe hungkunoso Anitu mta'angofoho. Huno ose unyofoho.

⁸ Yo'mayo hungkuno kiko ngkimo ntapmmentohinoso ngko luti+hwahon+ngko hofiko simeho hi'ntnnono uyontifi huno ole uyalofoho. Hohonta ngko kiko'nji humanji kiko olo hwaho lopone'no ni+hwatimentohinofoho. Oso hungkuno somo hofiko simeho hi'ntnnono uyalokwofo.

⁹ Olo a'amu huhwo lohwanne'no jomo wakilimonne'no yohono. A'amu nom'ne olo hwaho loponjo somne'no mokilalokuyohono. O'o, olo a'amu kiko ngkimo ntapmmentohino lohwanne'no jomo kilalokweno. Jije a'amu hwafoho.

¹⁰ Hwe moya'mi hopi'nonohinoso nje hungkunomo tifi in+ngkawowo'n+ngkohofoso kiko'ne mehomifoho. Jije mehomi huhwo sohwa ngko huhwo'nnonji nekwoe mehomifoho. Hofiko nje yofe engo ho'nomalokwofo. Nje yo'mayo yo'mayo hopi'nonohinoso jijefoho. Jije yo'mayo yo'mayo hopi'nonohinoso njefoho.

¹¹ Ngko kikiyepono wosapmmo li'mo hofikimo uhwat+i'mo'monnoho. Olo hwaho lopo hofiko'nohini wohumantifeho. Oso'no nje Mpohwo wop+ngo'nohino sohwoosi olo a'amu lohwa hofiko ngkimo simeho ntap+fitne'enji uhwo'mento'nohino loso yo'mayo yahino

wonyo somo uyakolopitnne so'no kiko jije yokumpohn'nyo engo so'nji ufo'mahoji umokosyohumaho. Kiko ngko'nji simeho afa in+motohwoyo hopaso hofiko simeho afa unife.

¹² Ngko hofiko'nji nohumanji oso yokumpohn'nyo kiko ngkimo ntapmmentohino so'nji ngko hofikimo wopingo umokosyohumamote so'no anga'no ngkine'no hohujo nihu'nahone mikinjan+mofefoho. O'o, ntapmmentohino hopi'nonohino sohwa wopingo nningkopalokwofo. A'amu anga'nohino sohumne'no a'amu Anituye hungkuno mti'mokumentohofoso ne imo'none hopaso kako anga'nohino sohwo tikanomo wene sohwo piwahu'mentisofoho.

¹³ Olohonta olo a'amu lohwoamo uh-woti'mahm'mo kikiyepono wasapmmonnoho. Ngko hofiko'nji olopo nohumanji yo'mayo hungkuno hofikoe simeho wopingo umo'none'engi kilalokwe so'no nje simeho wopingo ni mo'niwo'ningkiso hopaso engo womantifeho.

¹⁴ Jije hungkunoso olo a'amu lohwoamo nto umotefoho. A'amu hwe moyami olo hwaho loponjoso hofikoe mangohwa imo'nimentohofofoho. Hwapingoso ngko hoha hofiko olo hwaho loponjo yo'mayo somo miningkeyo'njo hwafoho.

¹⁵ Ngko hofiko'nji yanimofo'ne makilohoyohono. O'o, ole kilalokweno. Hofiko olo hwaho lopo nohumentaningkuji oso hwe wonyo Seten kako a'amu lohwoamo wonyo umokonohonji kiko hofikimo hofiyo mokosyohumane'engi kilalok-

weno.

¹⁶ Ngko olo hwaho loponjo yahinomo in+ngkunyohwa'maho. Oso pa'nyoso hof+ko huhwanji olo hwaho loponjo yahinomo in+ngkunyohwa'maho.

¹⁷ Mpohwo j+je hungkunoso hungkuno ne'njofoho. Oso hungkuno hiso olo a'amu lohwanjo k+ko it+hwahon+ngkiji hof+ko hof+ko huno ehohosasy+hwoso'no hof+ko yo'mayo yahino wonyomo ul+ko'maf+kuji j+je yahino wop+ngo'nohini ikuji j+je a'amu ne wop+ngo umo'nantifeho.

¹⁸ Hohonta k+ko ngkimo n+hwajahon+ngkini ngko a'amu olo hwaho loponjo lohwanjo ajwo'mo humamotefoho. Oso pa'nyoso ngko olo a'amu lohwanjo hwe moya'mi hwahoponjo lohwanjo ajwo'mo wohumafenji hof+kimo uhwojalokweno.

¹⁹ Ngko k+ko'nji nohumahm'mo olo syoho s+mo'mjolo uy+monne'no yohono a'amu lohwa hof+ko j+je hungkuno so'ne huno ufohotofohojo'no hof+ko j+je yahino wop+ngo mayo'ne ufo'ma'mne'no yohono. Oseso hof+ko j+je a'amu ne wop+ngo umo'nantifeho.

²⁰ Ose ulonto ole ul+mento, Olo a'amu lohwanjohini mokosyohumaho eso makil+mnehono. O'o, hwe moya'mi nom'neso hof+ko lohwanje hungkunomo haloho upa'n+ngkuji ngkimo s+meho hi'ntnnono ntap+fijo somo k+ko hofiyo mokosyohumaho kilalokweno.

²¹ Ngko ole'no n+mo'n+ngkohoho. Hwe moya'mi hopi'nono nekumo s+meho ejap+kuji

hofiko nekwo hopa simeho hunoso afa'njo umo'nantifeho. Mpohwo, kiko ngkimo n'humahnno. Ngko kikimo kuhumaleno. Oso hopaso hofiko nekumo ehumayo so'no nimo'n'ngkohoho. Hofiko ose ehumafikujono a'amu hwahoponjoso hofikoe yahino wopingo somo uhwon'ngkuji ole wosyofisyantifeho. Ou, Anitu kako Jisas K'lais sohomo nakwoe hwaho lopo uhwatimentiso sohweho likuji ngkine'no simeho wontipantifeho.

²² Jije yokumpohn'nyo kiko ntapmmentohinono ngko hofikimo uyimaleno. Oseso ole'no nimo'n'ngkohoho. Nekwo simeho afa inontai humalohwoyo hopaso hofiko simeho afa'njo umo'nantifeho.

²³ Jije hungkuno lontneso nje simehomo mnawojo hopaso nje hungkuno hofikoe simehomo ose mnaweho. Oseso hofiko simeho afa in'ngkuji wopingo humafitne so'no nimo'n'ngkohoho. Oseso a'amu hwahoponjoso hofikoe humayo somo uhwon'ngkuji ole wohnnantifeho. Anitu kako Jisasimo nakwoe hwaho lopone'no nehopi uhwatimentiso hweho. Anitu Jisasimo simeho uy'wo'n'ngkiso hopaso kako olo a'amu lomo simeho uyalofoho.

²⁴ Ose ulonto ulimento, Mpohwo, ole'no nimo'n'ngkohoho. Hwe moya'mi kiko ntapmmentohino hopi'nonohinono hofiko ngko'njopo wohumantifeho. Olo hwaho loso nekwo mamti'mokiyo sohonta kiko simeho ntaponji jije yofe engoso jije yokumpohn'nyo engo ntapmmentohinofoho. Olo a'amu lohwa hofiko oso yofe engo so'nji yokumpohn'nyo engo

so'nji ntapmmentohino somo uhwon+fitne
so'no n+mo'n+ngkohoho.

²⁵ Ou Mpohwo, kiko yo'mayo yahino
ito'nohino iwo'n+ngkino sohwsimo olo hwaho
loponjo a'amulo kikimo huno muyofoho. I
oso'no ngko kikine'no huno niyohoho. Olo
a'amu ngko'njo lopo humalofoso hofiko kiko
ngkimo n+hwat+mentohino sohwo'nne'no huno
unyofoho.

²⁶ Jije yahino yo'mayo so'no hofikimo nto
uti+hwamaleso ngko ne'no uti+hwahm'mnefoho.
Oseso kiko simeho engo ntopantokuno hopaso
hofiko simeho engo unantifeho. Ngko hofikimo
humahm'me'no kikimta'angoso hofiko simeho
ose unantifeho. Jisas kako Anitumo ose
ul+mentisofoho.

18

*Jutas kako Jisas+me'no mango sohwo
tokoyo'ofu imentisofoho.*

(Matiyu 26:47-56; Mak 14:43-50; Luk 22:47-53)

¹ Jisas kako Anitumo ose ulahon+ngki kako
kakoe inomokomoyo sohwo'ni nakwo oso
hopo sopo uliko'mentani mijo we'e Kitlon
wekentani nongkihnta'ni iyo uyo syoho sopo
umentihwonefoho.

² Jutas kako Jisas+me'no tokoyo'ofu yone so-
hwo kako oso iyo uyo syoho sopone'no huno
unyo hweho. Hwap+ngoso sikuno pi'n+ngo engo
somo Jisas kakoe inomokomoyo sohwo'nnonji
oso hopo sopo ne'no umotohwonefoho.

³ Hwe yofe engo tajo ango syoho'njo sohwanji
a'amu Falisi sohwanji hofiko a'amu hwapife

tifo'njo sohwanji a'amu itokuso'njo sohwanji Jutas+nji uhwojahon+ngkofi Jutas kako oso iyo uyo syoho hopo sopone'no ipemotawomentisofoho. Hofiko kwefoho'nji sikiloho'nji yo'mayo ikujoho so'nji motapmmmentohofofoho.

⁴ Jisas kako kakine'no yo'mayo u'mane so'no simo'mo huno nto unyo sohwo humentanjopo a'amu sohwo nuhwon+timanto ulimonto, Sekwo tihune'no tipeelokwofo.

⁵ Ose ulohon+ngkahon+ngki hofiko ulimentionofi, Nakwo Jisas Nasalet mta'ango sohune'no tipeelokuhwono. Ose ulahon+ngkofi Jisas ulimonto, Ngko olo huhwo'nyoho. Ose ulimentisofoho. Jutas oso a'amu Jisas+imne'no tokoyo'ofu yone sohwo oso a'amu huhwo sohwanji humohumantisofoho.

⁶ Jisas kako olo huhwo'nyoho ulimentiono so'no hofiko iyoho yontifi hohokuhano asohosile we'enepe wentifi hwahopo piwahu'mentionohofofoho.

⁷ Oseso Jisas kako apa'no ulimonto, Sekwo tihune'no tipeelokwofo. Ose ulahon+ngki hofiko ulimentionofi, Jisas Nasaletnnta'ango sohune'nefoho.

⁸ Ose ulahon+ngkofi Jisas ulimonto, Nto selohofoho. Ngko olo huhwo'nyoho. Sekwo ngkimo wantimantifi pohofihwasi'manji nje inomokomoyo lohwo timo'nohini fohon+hwatimno. Hofiko wahumpopife. Jisas ose ulimentisofoho.

⁹ Simo'mjo Jisas kan+ngkwohumo ole nto ulimonto, Oso a'amu ntapmmmentohino sohwo ngko mokosyohumamote so'no anga'no ngkine'no hohujo nihu'nahone

mikinjanimofefoho. Oso hungkuno ulimentiso so'no huno ikwesyaŋsyonto wahumpopiŋfe ulimentisofoho. Oso hohosohonta oso hungkuno kakoe inomokomoyo sohwanne'no ulimentisoso ne imo'nimentisofoho.

¹⁰ Saimoun Pita kako nohumanto hwakuhwajo iwosiŋpema'nonto a'amu fihwoe haloho angahohnjo somo loku'mentisofoho. Lojwahanŋngki halohoso piwahu'mentisofoho. Oso hwe huhwo sohwo kako a'amu yofe engo'njo tajo ango syoho'njo sohwoe syoho ulohofiyo hweho. Kakoe yofeso Malikos.

¹¹ Pita ose yahonŋngki Jisas ulimento, Jije hwakuhwajoso asoso'mo fotofahinyo. Kiko huno pipi kiyalofoho. Yo'mayo tango nje Mpohwo, Nje hwomu womano, limentisoso ngko woma'mo. Oso'no hwakuhwajoso fotofahinyo.

Hofiŋko Jisasimo Anasiyepono ipemotamentohofofoho.

¹² Oseso oso a'amu itokuso'njo sohwanji a'amu Jutafe hwapiŋfe tiŋfo'njo sohwanji hofiŋkoe hwe engo sohwanji hofiŋko Jisasimo aho kentifi kakimo impe intokwomentohofofoho.

¹³ Siso'mo hofiŋko Anasiyepono motawomentohofofoho. Anas huhwo sohwo kako Kaiyofasiye kanengkwohweho. Kaiyofas sohwo kako oso soswo somo a'amu tajo ango syoho'njo so'no yofe engo ma'mentisofoho.

¹⁴ Oso Kaiyofas huhwo sohwo kako a'amu Juta somo ole ulimento, Yahino ito'nohinoso olenoho. Olo hwe anga'nohino lohwo kako hwe

moya'mi hopi'nonohino somne'no ufo'mayo'ne poyo wape'nono. Ose nto ulimentisofoho.

Pita ulimento, Ngko Jisasimne'no huno manyi-ohoyohoho limentisofoho.

(Matiyu 26:69-70; Mak 14:66-68; Luk 22:55-57)

¹⁵ A'amu sohwa hofi'ko Jisasimo ipemotosontan'ngkofo somo Saimoun Pita'nji ngko Joun'nnonji nekwo Jisasimo in'ngkasimentihwoyofoho. Oso hwe yofe engo'njo tajo ango syoho'njo sohwo kako ngkine'no huno uyo so'no ngko Jisasi'nji oso hwe yofe engo'njo sohwoe tojo somo humentohefoho.

¹⁶ I oso'no Pita kako mempo hohnta'ni hoku'yo sopo fosyohumamentisofoho. Oseso ngko hwe yofe engo'njo huno ninyo sohwo'ni ngko a'mu hoku'yo mokosyohumayo simo Pitamo ipemotasyuyo'ne ulimentohefoho. Oso a'mu hisi Pitamo ipemotaswonto

¹⁷ Pitamo ulimento, U, kiko huhwosi olo hwe lohwoe inomokomoyo hwsilikeno. Ose ulahon'ngki Pita ulimento, Awonoho. Ngko'maho. Ose ulimentisofoho.

¹⁸ Oso ango soponjo syoho ulohofiyo so'nji a'amu hwapife tifo'njo sohwanji kwongkwongo usahon'ngki toho intofontifi a'apaho toho imokin'mentohofofoho. Pita huhwo'nji hofi'ko'nji nolohofontifi a'apaho toho imokin'mentohofofoho.

Hwe yofe engo'njo tajo ango syoho'njo sohwo Jisasimo hungkuno ulohon'mentisofoho.

(Matiyu 26:59-66; Mak 14:55-64; Luk 22:66-71)

19 Hwe yofe engo'njo tajo ango syoho'njo sohwo kako Jisas+ye inomokomoyo sohwantne'no yo'mayo hungkuno Jisas hof+kimo lut+hwawo'n+ngkiso so'ntnne'no Jisas+mo ulohon+mentisofoho.

20 Oseso Jisas ul+mento, Ngko hwe moya'mi hopi'nonohino somo ut+hwa'nyoponohini lut+hwawo'n+ngkohe hwo'nyoho. Engolopohamo ngko An+tuwe tajo ango engo'njo sponjo tajo ango we'eso a'amu Juta uhu'mokuwo'n+ngkohoho sopo nje yo'mayo hungkunoso lut+hwamentohefoho. Ngko hungkuno hiyaso'mo majofoho.

21 Oso'no k+ko ngkimo peho'no ntoh-nantokuno. K+ko oso a'amu nje hungkuno upa'n+wo'n+ngkohoho somo ulohonyo. Oso hungkuno ngko liwo'n+ngkoheso hof+ko huno moi'wo'nnyofoho.

22 Ose ulahon+ngki hwe hwap+fe tifo'njo fihwo kako Jisas+njopo lohofonto Jisas+ye manjijohopo hwan+ngo fonjonto ul+mento, K+ko olo hwe yofe engo'njo lohomo hungkuno oso pa'nyoso nulohotoho. Ito'nohino uso.

23 Ose ulahon+ngki Jisas ul+mento, Ngko hungkuno wonyo ulohe so'no lan+fonjohino. I ngko hungkuno wonyo ulohe'manji k+ko olo a'amu lohwamo uso. I ngko hungkuno nehopi ulohe'manji peho'ne n+fonjohino. Ose ul+mentisofoho.

24 Oseso oso impe Jisas+mo into'mentohofoso Jisas into'nowentan+ngki Anas kako oso hungkuno Jisas+mo ulohon+mentiso sohwo kako Kaiyofas hwe yofe engo'njo tajo ango syoho'njo

sohwoepono lihwatimentisofoho.

Pita apa'no Jisasimne'no ngko huno maniyohoyohoho ulimentisofoho.

(Matiyu 26:71-75; Mak 14:69-72; Luk 22:58-62)

²⁵ Saimoun Pita a'amu'nji lohofonto a'apaho toho imokinontaningki a'amu huhwo sohwo ulimentohofi, Kiko huhwosi kakoe inomokomoyo hwosilikeno. Ose ulahoningkofi Pita hwasyo hungkuno ulimento, Awonoho. Ngko kakoe inomokomoyo hwonimaho.

²⁶ Ose ulahoningki oso hwe yofe engo'njo sohwoe syoho ulohofiyo nom'ne sohwo kako oso a'amu Pita kako haloho lojwao'mentiso sohwoe a'amu sohwo kako Pitamo ulimento, Ou, nehopi. Kiko Jisasi'nji oso iyo uyo syoho sopo nohumentaninkini ngko kohoningkohe hwosoho.

²⁷ Ose ulahoningki Pita apa'no ulimento, Awonoho. Ngko osoho hwonimaho. Ose ulahoningki yihufo tosika yokaso oso hohosohonta honimentisofoho.

Hofiko Jisasimo Pailotiyepono ipemotamentohofofoho.

(Matiyu 27:1-2, 11-14; Mak 15:1-5; Luk 23:1-5)

²⁸ A'amu sohwa hofiko Kaiyofas nta'ni Jisasimo utimantifi oso hwe engo a'amu Loum mta'ango sofe hwe engo hwaho mokosyohumayo sohwoe ango engo sopone'no imingo ne hoswo hoswe iyo so'nji Jisasimo ipemotamentohofofoho. Oso a'amu huhwo sohwa hofiko hofikoe Anitu Kako A'amu Isilael somo Uyakolo'mentiso somne'ne Syafisiyo

Sikuno Engo * iyoho humayo somne'no nto'no esyohumayo'ne hofikoe he a'apaho yo'mayoso mijo nto yatiku'mentohofofoho. Oso'no hofiko huno ole syafihu'mentohofi, A'amu Loum nakwoe yahinomo min'ngkayo'njo sohwafe angomo nakwo syukwato lohofihwosi kiho'njo imo'n'ngkuhwasi nakwo elijwanyo engo sopo wopayo monanehwono. Ose syafisyontifi mempo hohnta'ni humamentohofofoho.

²⁹ Oseso oso hopo sopo nohumentan'ngkofi Pailot mempono noswaponto uli'mento, Sekwo olo hwe lohomo olo hungkuno nto'no m'hwajiyo ango lopone'no peho'no ipemotapohofihwolo. Peho wonyo imaso'neto.

³⁰ Ose ulahon'ngki hofiko uli'mentohofi, Olo hwe lohwo kako yahino wonyo miyo'njo yontentesi nakwo olo ango lopo kikiyepono mipemotap'hwonesohilo.

³¹ Ose ulahon'ngkofi Pailot uli'mento, Sekwo a'amu Juta soku sekwoe hon'ngkano hungkuno somne'no huno syafisyikuji kakoe hungkunoso nto'no m'hwatimno. Ose ulahon'ngki a'amu sohwa uli'mentohofi, Sekwo a'amu Loum sohwasasi nakwo a'amumo fonjasiyo'no hon'ngkano somo pijwonaof'wo'n'ngkohofofoho. † Ose uli'mentohofofoho.

³² Hohonta Jisas kako kakoe a'amu somne'no kako poyo imo'none so'no lut'hwamentiso

* **18:28:** Mt. 26:2 enjwa so'mo fehonolo'mongkomaho.

† **18:31:** A'amu Loumjo sohwa Jutafe hwaho mokosyohumayo hwafoho. Oso'no hofiko hungkuno m'hwajiyo'neso yono li'mentihofofoho. Oso'no hofiko hon'ngkano yokumpohn'nyo ho'nahumentohofofoho. A'amu anga'no mape'nyoso wop'ngofoho.

sohonta kako a'amu Loum sohwa a'amumo iyo hwojiyafi'ku'nnyo sopo fonjinto'ofahumotofo hopaso wape'nimontonoho nalimentisofoho. Oso hohosohonta oso hungkunoso ne umo'nimonte'no yohoho.

³³ Oseso Pailot kako ango engo somo apa'no swonto Jisasimne'no joho litimanto ulimento, Kiko a'amu Jutafe Hwe Engo hofikoe hwaho mokosyohumayo'ne hwosilaho.

³⁴ Ose ulahonngki Jisas ulimento, Oso hungkuno ntohinoso jije huno mta'ni lantohino. I a'amu Jutaso hofiko kilimalofoyoho kantohino.

³⁵ Ose ulahonngki Pailot ulimento, Ngko a'amu Juta hwo'ntaho. Jije temtitofo Juta sohwanji hwe yofe engo'njo tajo ango syoho'njo sohwanji hofiko ngkiyepono kumotapohoho. Kiko peho imahnno'neto.

³⁶ Ose ulahonngki Jisas ulimento, Ngko a'amumo mokosyohumayoso olo hwaho lopo'maho. O'o, ngko olo hwaho loponjo a'amumo mokosyohumayo'ne hwo'ntontosi nje inomokomoyo sohwa hofiko a'amu Juta sohwanji fongki'nifijoso a'amu Juta sohwa monimafikutnesohilo. I oso'no ngko a'amumo mokosyohumayo kiko pa'nyo hwonimaho.

³⁷ Ose ulahonngki Pailot ulimento, Ose'manji kiko hwe engo a'amumo mokosyohumayo hwosoho. Ose ulahonngki Jisas ulimento, Kiko hwe engo a'amumo mokosyohumayo hwosoho ntohinoso hungkuno nto'nohinoho. Ngko olo hwaho lopo imo'nimentoheso syoho anga'nohino hungkuno nehopi'nohino lijwafo'neso imo'nimentohe hwo'nyoho.

A'amu hofiko hungkuno nehopi'nohino umo'n'iwo'n'ingkisoso nje hungkunomo haloho pewo'n'ingkohofofoho.

³⁸ Ose ulahon'ngki Pailot ul'imento, A'amu hungkuno ne so'no huno unyoso t'hwolo. Ose ul'imentisofoho.

Pailot kako Jisas'imo iyo hwojiyaf'iku'nnyo somo fonjinto'ofasiyo'ne li'mentisofoho.

(Mat'iyu 27:15-31; Mak 15:6-20; Luk 23:13-25)

Pailot ose ulonto kako mempono a'amu Jutafepono apa'no noswonto ul'imento, Ngko olo hwe lohwo kakoe yahino wonyoso mot'ip'ihwon'ngkiyohono.

³⁹ I oso'no sekwoe yahinoso ole wo'nnyofoho. An'itu A'amu Is'lael somo Uyakolo'mentiso somne'no Syaf'isiyo Sikuno Engo ‡ iyoho humayo somo sekwoe a'amu anga'no impo'ango mta'ni is'ihutofomayo'ne jomo nt'iwo'n'ingkohof'ihwasoho. Oseso ngko sekwo a'amu Juta sokuye olo hwe engo lohomo us'ihutofonehwajono lasemo'n'ingkohoho.

⁴⁰ Ose ulahon'ngki hofiko mango engo mohm'no ul'imentohofi, Olo hwe lohomo nus'ihutofohotoho. O'o, k'iko Mpolapas sohomo us'ihutofo. Mohm'no ose ul'imentohofofoho. Mpolapas huhwo sohwo kako a'amumo fonjasyonto a'amufe yo'mayoso hufo ma'mojo hweho. Hwe wonyo hweho.

‡ **18:39:** Mt. 26:2 enjwa so'mo fehonolo'mongkomaho.

19

¹ Oseso Pailot kako Jisasimo utimanto kakoe a'amu itokuso'njo soh wamo impe'nji fongkupmno, ulimentisofoho.

² Hofiko Jisasimo nofonjontifi impe yongo'njoso nokikisontifi hnn+mentohofi olo hwe yofe engo'njo hwaho mokosyohumayo sohwo mnokino'manji'mofopa'nyofoho. Ose lontifi Jisasiye mnokinopo monji'mofahumentohofofoho. Ose yontifi hofiko manji'mofosawemo miyo'nohinoso a'amu hwaho mokosyohumayo yofe engo'njosohwa iwo'n+ngkohofohopaso Jisasimouloho'mentohofofoho.

³ Ose ulohofontifi kakimo u'mantifi sitofo ulontifi ulimentohofi, Ou, Hwe Engo soh wosi, kiko a'amu Juta somo mokosyohumawo'n+ngkino soh wosilaho. Ose ulontifi kakoe manjijohopo fongku'mentohofofoho.

⁴ Osohonta Pailot apa'no mempono noswaponto a'amu Juta somo ulimento, Ihwoni. Ngko mempone'no ipemotoswapmme sohwo sekwo huno waseyono. Kako wonyo hon+ngkano ane hweho.

⁵ Ose ulahon+ngki Jisas kako mempono swapmmentisofoho. Oso mnokino manji'mofoyongo'njomt+'mokumentohofoso Jisasiye mnokinopo monjimofahumentohofofoho. Oso manji'mofomiyo'nohinoso hi'njohweho. Jisasosopo nohumentan+ngki Pailot a'amu somo ulimento, Ihwoni, olo hwe lohumo uhwon+mno.

⁶ Ose ulahon+ngki a'amu yofe engo'njotajotajo ango syoho'njosohwanji a'amu

hwapife tifo'njo sohwanji hofiko Jisasimo uhwonontifi joho mohm'no ulimentohofi, Iyomo fonjinto'ofahumno. Iyomo fonjinto'ofahumno. Ose ulahon'ngkofi Pailot ulimento, Olo hwe lohwoe hon'ngkano wonyoso ngko motipihwonyo'njo yohono. Sekwo soku utimafikui iyomo fonjinto'ofahumno.

⁷ Ose ulahon'ngki a'amuso ulimentohofi, Olo hwe lohwo kako Anitumne'no sitofo nalimentisofoho. Ngko Anituye Hwomu hwo'nyoho nalimentisofoho. Oso'no nakwoe hon'ngkano hungkuno olo yahino loso'no wape'nono nal'wo'n'ngkohoho.

⁸ Pailot oso hungkuno homo somo upa'nonto iyoho engo mikun'imposo unimentisofoho.

⁹ Pailot oso ango engo somo apa'no noswonto Jisasimo ulimento, Kiko nti'mta'ni pmentohino hwasilo. Ose ulahon'ngki Jisas oso hungkuno ulimentiso somo asomo mujo'njo yahon'ngki

¹⁰ Pailot ulimento, Pipilo. Kiko ngkimo hungkuno manjoso mampi'nyo peho'no humahnno. Ngko kikimo kis'hutofo'ne yokumpohn'nyoso hi'njo hwo'nyoho. I ngko kikimo iyomo fonjinto'ofakisiyo'ne yokumpohn'nyoso hi'njo hwo'nyoho. Oso'no kiko huno makiyoho liyohoho.

¹¹ Ose ulahon'ngki Jisas ulimento, Oso yokumpohn'nyo engo mokosyohumahnoso Anitu ahwomomo humaso sohwo kako kikimo mokijape'njo yontentesi kiko ngkimo wonyo mantohofohotnnesohilo. Oso a'amu ngkimo jije ahomo ho'nan'humalofa sohwa hofikoe

wonyoso jije wonyo somo yakolo'nnyofoho. Hofikoe wonyoso mikunimposofoho.

¹² Pailot kako Jisasiye hungkunomo upa'nonto Jisasi mo usihuto'mo lonto huno pi'ningo engo syafihu'mentisofoho. A'amu Juta sohwa oso hiso'no upa'nontifi hofiko Pailotimo mango engo ulimentohofi, Kiko olo hwe lohomo isihutofihwaji so'manji kiko Sisa hwe yofe engo hwofilo'nnyo sohwoe a'amu hwosi'maho. A'amu fihwo ngko a'amumo mokosyohumayo hwo'nyoho liwo'ninkiso sohwo kako Sisafe mango hweho.

¹³ Pailot kako oso hungkuno homo somo upa'nonto kako Jisasi mo mempono ipemotowapmentisofoho. Noswaponto Pailot kako hungkuno nto'no mihwajiyo'ne epohumayo sopo ampo humamentisofoho. Oso hopo sopo yofe ole limotofofoho, Sokumnangoponoho. A'amu Hipiluso oso hiso'no hofikoe hungkunoso ole limotofofoho, Ngkapatofoho limotofofoho.

¹⁴ Oso hohosohonta a'amu Jutafe Anitu A'amu Isilael somo Uyakolo'mentiso somne'ne Syafisiyo Sikuno Engo * iyoho mo'ninkanta humayo'ne yo'mayo ito'no esyohumayo'ne sikunomnoho. Oso homo somo mofehi'nyo ajwo kuntoliyopo posahonngki Pailot a'amu Juta somo ulimento, Olo hwe lohwo sekumo semokosyohumayo'ne hwe engo hweho. Sekwo uhwonmno.

¹⁵ Ose ulahonngki hofiko joho mohm'no ulimentohofi, Wayo yafikuji fonjahumno. Iyomo fonjinto'ofahumno. Ose ulahonngkofi

* **19:14:** Mt. 26:2 enjwa so'mo fehonolo'mongkomaho.

Pailot ulimonto, Ngko sekwoe hwe engo sohumo iyomo wofonjinto'ofahumonntaho. Ose imne'no lasemo'n'ingkohoho. Ose ulahon'ingki a'amu yofe engo'njo tajo ango syoho'njo sohwa ulimentohofi, Olo hwe lohwo nakwoe hwe engo hwo'maho. Nakwoe hwe engo anga'nohino sohwo Sisafoho.

¹⁶ Ose ulahon'ingko fi Pailot kako Jisasimo iyomo fonjinto'ofasiyo'ne a'amu huhwo sohwa fe ahomo ho'nahumentisofoho.

Hofi'ko Jisasimo iyo hwojiyafi'ku'nnyopo fonjinto'ofahumentohofofoho.

(Mat'yu 27:32-44; Mak 15:21-32; Luk 23:26-43)

¹⁷ Oseso Jisasimo utimantifi iyo hwojiyafi'ku'nnyoso nomantifi kakwo'yohumo utofimentohofofoho. Jisas kako itokwawento ango Jelusalem uliko'mantifi A'momnokino ponoho liwo'n'ingkohoho spono kotasimentohofofoho. Hipilu hungkunoso oso hopo spono'no ole liwo'n'ingkohoho Ngkoulikotanoho liwo'n'ingkohofofoho.

¹⁸ Oso hopo sopo hofi'ko Jisasimo iyo hwojiyafi'ku'nnyo sopo fonjinto'ofahumentohofofoho. Oso Jisasi'njo sopo hwe hufa'u sohwa'u yohosi yohosinta'ni fonjinto'ofasyontifi Jisas ajwo'mo fonjinto'ofahumentohofofoho.

¹⁹ Pailot kako iyoswo nomanto Jisasiye mijo kwa'ofiyo tokwajo nohonje sopo mt'i'mokohofojahumentisofoho. Oso hungkuno hiso olenoho. JISAS NASALET NTA'ANGO

SOHWO A'AMU JUTAFE HWE ENGO HWEHO.
Ose mtì'mokumentisofoho.

²⁰ Jisasìmo fonjinto'ofahumentohofohopopo sopo ango Jelusalem mofoneponoho. Oseso a'amu Juta pi'nìngoso nosapontìfi oso iyoswo mtì'mokohofojahumentiso homo somo atofò limentohofofoho. Oso hungkuno hiso Pailot kako hungkuno hufa'u sìhune'njo mtì'mokumentisofoho. A'amu Jutafe hungkuno'nji a'amu Ngkìlikife hungkuno'nji a'amu Loumife hungkuno'nji mtì'mokohofojahumentisofoho.

²¹ Oseso a'amu yofe engo'njo tajo ango syoho'njo sohwa hofìko oso iyoswomo uhwonontìfi Pailotìmo ulimentohofi, A'amu Jutafe Hwe Engo hweho mtì'mokinyoso hwasyofoho. Ole mtì'mojo. Olo hwe lohwo ngko a'amu Jutafe hwe engo hwo'nyoho lìmojo hweho. Ose mtì'mojo.

²² Ose ulahonìngkofi Pailot ulimento, Hungkuno mtì'mokohe loso olo hungkuno lo'nohino waweno. Ose ulimentisofoho.

²³ A'amu itokuso'njo osofosofahu'nohino sohwa hofìko Jisasìmo iyo hwojiyafìku'nnyo sopo nto fonjinto'ofasyontìfi hofìko kakoe manji'mofoyo'mayo so'nji nomantìfi yano ilofoso osofosofahu'no ilo'mentohofofoho. A'amu anga'no anga'nohino sohwannefoho. I kakoe nem'no manji'mofoso ufohotofoso ane'njo uhwonontìfi

²⁴ ole hnnimentohofi, Oloso nosisìmpewaloho. O'lo nakwo syohi'nyo ihwasi a'amu neyakolofoso sohwo kako olo hiloso hi'nji woma'monte hweho. Ose imentohofoso Anituye

hungkuno a'amu mtì'mokumentohofoso ne imo'nìmentisofoho. Hungkuno hiso olenoho.

A'amu nje hwapife yo'mayoso yano ilofontifi hu'mema'mentohofofoho.

Nje manji'mofò so'no hofiko syohi'nyo yontifi uyakolo'mentiso sohwo ma'mentisofoho.

Oso a'amu itokuso'njo sohwa oso hiso imentohofofoho.

²⁵ Oso Jisasiye iyo hwojiyafiku'nnyo'njo mofone sopo Jisasiye kona'wohi'nji konosìma'nji Kìloupasiye ape Maliya'nji nom'ne Maliya angò Makìtola nta'angosì'nji humamentohofofoho. Oso moya'mi hofosofa Jisasiye iyo hwojiyafiku'nnyo'njo tifo ne sopo loho'mentohofofoho.

²⁶ Ngko Joun Jisasiye a'amu sohwo'nnonji Jisasiye kona'wohi'nji afapo lohofontanìngkuhwoi Jisas ehononto elìmento, Na'uyo oso hwe sohwo jije hwomu hweho.

²⁷ Ose ulonto ntìmento, Olosi jije na'uyoho. Ose ntahonìngki oso sikhuno somo ngko Jisasiye kona'wohihn'ni nje angomo mokosyohumamote-foho.

Jisas kako poyo imo'nìmentisofoho.

(Matìyu 27:45-56; Mak 15:33-41; Luk 23:44-49)

²⁸⁻²⁹ Ose imo'nìmentiso sohonta Jisas kako huno ole umentò, Nje yo'mayo syohoso moi'wonoho. Ose syafìsyonto ole ulìmento, Ngko mijo'no nìmo'nìngkohoho. Ose ulìmentisofoho. Ahwonte anga'no ipisayo mijo yokumpoyn'nyo mangkinyo'njo oso hopo sopo nowentanìngki hofiko hwapife pa'nyo we'eso mijo homo somo yomantifi tokemo popojontifi noho'nomantifi

Jisasiye mangomo uyimentohofofoho. Ose imentohofoho sohonta oso hungkuno Ntefit Jisasi'mne'no hohonta mtimokumentisoso ne imonimentisofoho. Mtimokinyoso olenoho. Ngko mijo'no nimon'ngkoho.

³⁰ Ose ulahon'ngki Jisas mijo hiso nononto limento, Nje syoho imoteso moi'wonoho. Ose ulonto kakoe mnokino iwa'wo'mentisofoho. Os-ohonta kakoe huyo'mango Anituye pone'no uhatimentisofoho.

A'amu itokuso'njo fihwo kako Jisasi'mo hosimno hupepo honje hmentisofoho.

³¹ Oso hohosohonta a'amu Jutaso hofikoe Sikuno Engo iyoho humayo so'ne yo'mayo nto'no esyohumayo'ne sikunomnoho. Oseso a'amu Juta sohwa ole syafihu'mentohofi, Nakwoe Sikuno Engo iyoho humayo somo iyo hwojiyafiku'nnyo sopo a'amufe pijafo ne'no weso nakwolaho lontifi hofiko Pailotimo a'amu huhwo sohwa poyo komo'no pe'nyo'ne hungkuno ole ulimentohofi, Kiko jije a'amu itokuso'njo sohwamo ulahon'ngkohoji hofiko a'amu iyoponjo sohwafe sife kutikujo lohofikuji hwahopo womeho'nahufe.

³² Ose ulahon'ngkofi Pailot hungkuno ose ulahon'ngki a'amu itokuso'njo sohwa hofiko oso hwe hufa'u Jisasi'njo sopo yohosi yohohnta'ni fonjinto'ofahumentohofoho sohwa'uye sifemo kutikujo loho'mentohofofoho.

³³ Nokujontifi Jisasi'mo u'mantifi kako poyo nto imonimentiso uhwonimentohofofoho. Ose uhwonontifi Jisasiye sifemo makujiyo'njo imentohofofoho.

³⁴ I oso'no a'amu itokuso'njo fihwo kako Jisasimo hosimno hupepo honje hmmentisoso honiyo'nji mijo'nji usihuma'mentisofoho.

³⁵ Ngko Joun sohwo'ni yo'mayo imo'n+mentiso somo uhwon+mentohefoho. Hwasyo hungkuno moselalokuyohono. Yo'mayo uhwon+mentoheso yo'mayo upa'n+mentoheso olo iyoswo lomo ifalifaliyo mt+'mokalokweno. Sekwo hungkuno homo somo simeho hi'ntnnono uy+fitnne'enji mt+'mokalokweno.

³⁶ Yo'mayo uhwon+mentoheso imo'n+ingkahon+ngki An+tuye hungkuno mt+'mokumentohofoso ne imo'n+mentisofoho. Hungkuno anga'no mt+'mokumentohofoso olenoho.

Hofiko kakoe yokinoso makujiyofoho.

³⁷ Nom'ne hungkuno mt+'mokumentohofoso olenoho.

Oso hwe sohumo hofiko hosimno hmmentohofoso sohumo uhwonantifeho.

Hungkuno mt+'mokumentohofoso hiso oso sikuno homo somo ne imo'n+mentisofoho.

Hofiko Jisasiye pijafoso sokimomo ho'nahumentohofofoho.

(Matiyu 27:57-61; Mak 15:42-47; Luk 23:50-56)

³⁸ Oso hiso moi'wo imo'n+ingkahon+ngki Jousep ango Alimateyanta'ango sohwo kako Pailotimo u'ma'mentisofoho. Jousep huhwo sohwo kako Jisasimne'no simeho ko uyonto kako a'amu Jutafe hwe engo somne'no iyoho un+ingkahon+ngki kako simeho hi'ntnnono unyo hungkuno so'no molijwafe'njo imentiso hweho. Jousep huhwo sohwo kako Pailotimo

u'manto ulimento, Ngko Jisasiye pijafoso woma'monne'no yohono. Ose ulahonngki Pailot eno ulahonngki Jousep Jisasiye pijafoso iyopo nta'ni ma'mentisofoho.

³⁹ Jousep kako'nohinimaho. O'o, Nikoutemos kako hohonta Jisasi mo sikwo'miyomo u'ma'mentiso sohwo'nji siko Jisasiye pijafo ma'mentisiyefoho. Nikoutemos huhwo sohwo kako iyo mijo akino wopingo'njo so'nji iyoswo akino wopingo'njo so'nji pijafo somo ho'nasiyo'ne pi'nningo engo motapmmentisofoho. Kakoe tangoso *teti-foua* (34) *kiloufoho*.

⁴⁰ A'amu Jutaso hofiko a'amu poyo pe'nyofe pijafoso ijopijisasiyo'ne esyohumamotofo hopaso siko Jisasiye pijafo so'nji yo'mayo akino wopingo'njo so'nji hwapifemo popoku'mentisiyefoho.

⁴¹ Jisasi mo iyopo fonjinto'ofahumentohoho mofone sopo iyo uyo syoho wo'nnyoponoho. Oso hopo sopo a'amu hofiko sokimo songo a'amufe pijafo ho'nasiyo'ne'entifi mtimokumentohofofoho. Hofiko oso sokimo homo somo nom'ne a'mopijafoso moho'nasiyoponoho.

⁴² Oso sikuno yo'mayo nto'no esyohumayo'ne sikuno moi'wo imo'nyo'ne mofone sopone'no hofiko Jisasiye pijafoso ikanopo momotawe'njo yontifi oso sokimo mofone sopenjo somo ho'nahumentisiyefoho.

20

Jisas kako pi'nimo nta'ni songo

lika'mentisofoho.

(Mat'iyu 28:1-8; Mak 16:1-8; Luk 24:1-12)

1 Sante imingo ne'nji sikwo'mjoho so'mo Maliya ango Makitolanta'angosi kako nolikafonto Jisasi'mo ho'nahumentohofosopone'no uhwonimentisoso pi'nimomjo sojoso hwosampo'nnyo uhwonimentisofoho.

2 Ose uhwononto kako hano kunto kunto'no nowento Saimoun Pita'nji ngko Joun'nnonjimo t'ipehonima'nonto elimento, Nakwoe Hwe Engo sohumo sokimo mta'ni wae yao'malofofoho. Hofiko nti'mo koho'nahumalofo. Ngko huno maniyohoyohoho.

3 Ose elahonngki Pita'nji nekwo sokimo somne'no hano kunto kunto'no nowentai

4 ngko Pitamo uyakolofonji ngko simo'mo sokimo somo i'mofapmmentohefoho.

5 Ngko i'mofaponji iku'nihwonngkoheso hwapife yo'mayoso ko uhwononji ngko masyuyo'njo imentohefoho.

6 Saimoun Pita kako tifi nimjumentiso sohwo kako sokimo ne mo'mo humentisofoho. Nowonto uhwonimentisoso hwapife'nohini nowentanngki uhwonimentisofoho.

7 Oso hwapife nom'neso Jisasiye mnokinomo popoku'mentisiyoso nom'nepo ku'mokahinyo nowentanngki uhwonimentisofoho.

8 Ngko simo'mo sokimomo i'mofapmmentohe huhwo'ni noswonji yo'mayo somo uhwononji Jisas kako likafone so'no ngko simemo hi'ntnono uyimentohefoho.

9 Hohonta sohonta nakwo Anituye hungkuno mt'i'mokumentohofosohwo so'no yofe

muhwofe'njo imentiwonefoho. Hungkuno
mti'mokumentohofoso Jisas kako poyo
imo'n'ingkuhwosi apa'no songo likafone'no
mti'mokumentohofofoho.

¹⁰ Oso hohosohonta yo'mayoso nuhwonontai
oso hungkuno homo somo simeho hi'ntnnono
uyontai nekwoe a'amu'njopo asomo
umentihwayofoho.

*Maliya angu Makitolanta'angosi Jisasimo uh-
wonimentisofoho.*

(Matiyu 28:9-10; Mak 16:9-11)

¹¹ Osohonta Maliya kako sokimo'njo mofone
sopo lohofonto humotaho limentisofoho. Hu-
motaho lonto iku'nwonimentisoso sokimo aj-
womo'mo

¹² a'amu ahwomo mta'ango nehm'no
manji'mofu sawemo halojo'njo sohwa'u
uhwonimentisofoho. Siko Jisas+ye pijafu
ho'nahumentohofu sopo nohumanji anga'no
kako mnokino hohnta'ni humentan'ngki
nom'nihwo sife hohnta'ni humentan'ngki
uhwonimentisofoho.

¹³ Siko Maliyamo ulimentisiyo, A'mu losiyo,
kiko humotaho peho'no lalokuno. Ose ula-
hon'ngki Maliya ulimento, Hofiko nje Hwe Engo
sohwoe pijafoso wae yanimo'malofu'no nti'mo
koho'nahumalofu lonji lotipeelokweno.

¹⁴ Ose ulonto Maliya ikinjaofonto
uhwonimentisoso Jisasimo ko uhwononto kako
Jisas sohomo yofu mihwofe'njo imentisofoho.

¹⁵ Jisas Maliyamo ulimento, A'mu losiyo,
kiko humotaho peho'no lalokuno. Hafihafe
tihune'no tipeelokuno. Ose ulahon'ngki Maliya

ole syafi+hu'mento, Olo hwe lohwo kako iyo uyo syoho losomo mokosyohumawo'n+ingkiso hweho. Ose syafi+syonto ul+mento, Hwe engofo, k+iko kakoe pijafoso nomanji kengopo ho'nahumahnnno'manji ngkimo njo. Ngko nomahm'mo womotawomo.

¹⁶ Ose ulahon+ngki Jisas kakoe yofe ul+mento, Maliya. Ose ulahon+ngki Maliya ikinji lohofonto Jisas+mo yofe uhwo'mentisofoho. Uhwofonto Jutafe hungkuno ul+mento, *Lapounai*. Nakwoe hungkunoso ole: Lont+hwayo hwosoho.

¹⁷ Ose ulahon+ngki Jisas ul+mento, K+iko ngkimo aho non+pmmakohotoho. O'o, ngko nje Mpo-hwoepono masileno. K+iko nuhuji nje a'amu sohwo ole uso, Ngko nje Mpohwoepono was+mne hwo'nyoho. Nje Mpohwo sohwo sekwo huhwa hnnonjiye Mpohweho. Nje An+tu sohwo sekwo huhwa hnnonjiye An+tu+yoho. Ose uso.

¹⁸ Ose ulahon+ngki Maliya ango Mak+itolanta'angosi nowento Jisas+ye inomokomoyo sohwo'na'n+imo t+ipenahononto nal+mento, Ngko nakwoe Hwe Engo sohwo nto uhwon+ngkohono. Ose ulonto kako yo'mayo hungkuno Jisas ul+mentiso so'nji nal+mentisofoho.

Inomokomoyo sohwa Jisas+mo uh-won+mentohofofoho.

(Mat+iyu 28:16-20; Mak 16:14-18; Luk 24:36-49)

¹⁹ Oso s+ikuno Sante somo mofehi'nyo nto ikwo'mokumentiso so'nji Jisas+ye inomokomoyo sohwo'na'ni nakwo a'amu Juta somne'no iyoho nen+ingkahon+ngki nakwo oso ango

humamentihwone homo somo hoku'yo yokumpohn'nyo pijwasyontani humohumantihwonefoho. Nohumentan+ngkuhwoni Jisas kako nakwo'njo ajwo lopo nta'ni imo'nomanto nalimento, N+ngkwahwosafo, sekwo iyoho sen+ngkuhwoloho. Simeho wop+ngo'nji fesyohumamno.

²⁰ Ose nalonto kako kakoe ahomjo ime so'nji hupeponjo ime so'nji net+hwamentisofoho. Nakwo nakwoe Hwe Engo Jisas sohumo uhwonontani simonyo engo imentihwonefoho.

²¹ Jisas nom'ne hungkuno nalimento, Sekwo simeho wop+ngo'nji fesyohumamno. Nje Mpohwo ngkimo n+hwatimentiso hopaso ngko sekumo wosehwatimonnoho.

²² Ose nalonto kako kakoe mammtno nafuhusonto nalimento, Sekwo An+tuwe Towahuno Wop+ngo'nohinoso sekwoe simeho mo'mo wehuhnosemafono.

²³ Sekwo nom'ne a'amufe wonyoso wae yamopijoso oso wonyo hiso moi'wo umo'n+montonoho. Simeho mo'mo momn+wenehoho. I sekwo nom'ne a'amufe wonyoso wae mumopijo'manji oso wonyo hiso simeho mo'mo ne'no wamn+wo'montonoho.

Toumas kako Jisas+mo uhwon+mentisofoho.

²⁴ Jisas kakoe inomokomoyo sohwna'nimo ne'ma'mentiso sohonta Toumas sohwo kako mohumunyoponoho. Oso hwe huhwo sohune nom'ne yofeso olenoho. Ntitimos+yoho. Hufa'u mehomi hweho.

²⁵ Oseso inomokomoyo nom'ne sohwna'ni Toumas+mo ul+mentihwoni, Nakwo nakwoe Hwe Engo songo lika'maso sohumo nto

uhwon+malohwone hwona'nyoho. Kako songo humaho. Ose ulahon+ngkuhwoni Toumas nalimento, Ngko Jisasiye ahomjo ime so'nji kakoe hupeponjo ime so'nji uhwon+mo ngko ime homo somo nupm'moku'mo ngko kakimo simeho hi'ntnnono uy+monnoho. Ngko kakimo muhwonyo'manji sekwo hwasyo ntohoho waselimonnoho. Ose nalimentisofoho.

²⁶ Tifi sohonta sikuno aho fehohnjo hopi'nono nom'ne mta'ni hufa'u sihune memjaofahon+ngki Jisasiye inomokomoyo sohwna'ni nakwo angomo nohumentan+ngkuhwoni Toumas huhwo nakwo'nji humamentisofoho. Nakwo hoku'yo yokumpohn'nyo pijwasyontani nohumentan+ngkuhwoni Jisas nakwo'njo ajwo lo'mta'ni imo'noma lohofonto nakumo nalimento, Sekwo simeho wop+ngo'nohino hwasi fohumamno.

²⁷ Ose nalonto kako Toumas+mo ulimento, Toumas, kiko olopo fi+pe. Nje ahomjo ime somo nohon+ngkohojo n+pm'mojo. Nje hupeponjo imesomo j+je aho motapohojo n+pm'mojo. Ngkonoho. Kiko simeho hi'ntnnono ntapm+motnnoso noho'naofohotoho. O'o, simeho hi'ntnnono yokumpohn'nyo'nohini ntape.

²⁸ Ose ulahon+ngki Toumas ulimento, Ou, ngko kikine'no huno niyohoho. Kiko nje Hwe Engo hwosoho. Kiko nje An+tu kiyoho.

²⁹ Ose ulahon+ngki Jisas ulimento, Kiko ngkimo nohon+ngkino so'no simeho hi'ntnnono ntopahino. A'amu hofi+ko ngkimo manohonyo'njo ko yontifi simeho hi'ntnnono ntopalokwofoso hofi+ko simonyo

engo uyantifeho. Ose ulimentisofoho.

Olo hungkuno Joun mtimokumentiso loso hwapingoso peho'neto. Hungkuno hwapingoso olenoho.

³⁰ Jisas kako nakwo inomokomoyo sohwona'nnonji nohumanto yo'mayo wonyoangkafo a'amu miy'wo'n'ngkiyohofoso pi'n'ngo engo imentiso so'no hungkuno we'e'maho. Ngko hungkuno fehohnjoso olo iyoswo lomo mamti'mokiyo'njo imentohefoho.

³¹ I oso'no ngko olo iyoswo mtimokohe loso'no sekwo Jisas Kilaisimo simeho hi'ntnnono uyimno. Kako Anituye Hwomu Ne hweho. Sekwo simeho hi'ntnnono uyifijo'manji songo ne'no humayo'neso wotipemantifeho.

21

Inomokomoyo aho fehohnjo hopi'nono nom'ne mta'ni hufa'u sohwa Jisasimo uhwonimentohofoho.

¹ Hwangku sohonta Jisas kako apa'no kakoe inomokomoyo sohwona'nimo mijo ayo Taipelijas sopo nohumentan'ngkuhwoni ne'ma'mentisofoho. Kako ne'ma'mentisoso olenoho.

² Nakwo a'amu aho fehohnjo hopi'nonohino nom'ne mta'ni anga'no sohwona'ni oso hopo sopo humamentihwoneso olenoho. Saimoun Pita'nji Toumas a'amu hufa'u mehomi sohwo'nji Notaniyel hwaho Ngkalili ango Kananta'ango sohwo'nji nekwo Sepetiye hwomu sohwoya'inonji inomokomoyo

nom'ne sohwa'u'nji nakwo hwona'ni osopo humamentihwonefoho.

³ Nohumentaningkuhwoni Pita kako nalimento, Ngko inaniku ufomeemonne hwo'nyoho. Ose nelahonngki nakwo ulimentihwoni, Nakwo huhwona'nnonji wohwano. Ose ulontani nowentani yofayokinomo nokotosontani oso sikwo'miyo sohumo inaniku ufomeeno lontani wonyopi imentihwoneso inaniku mifammentihwonefoho.

⁴ Mofehi'nyo wosi'mofapmmonto yahonjo so'nji Jisas kako mitimomngo sopo lohofontanngki inomokomoyo sohwna'ni kakimo yofe muhwo'mmentihwonefoho.

⁵ Oseso Jisas nalimento, Oso a'amu sohwasi, sekwo inaniku hi'njo hwasilaho. Ose nelahonngki nakwo ulimentihwoni, Ane hwona'nyoho.

⁶ Ose ulahonngkuhwoni kako nalimento, Sekwo inaniku ifamiyo ho'yo yofayokino anga sohohtani ho'naopijoso inaniku ufomeentifeho. Ose nelahonngki nakwo inaniku ho'yo ho'nao'mentihwoneso inaniku we'e pi'nngo ifammentihwone'maho. Inaniku pi'nngo engo inaniku ifamiyo ho'yo somo pohumpotahumentiso so'no nakwo yokino wemano lontani ko imentihwoneso wonyopi imentihwonefoho.

⁷ Ngko Joun'ni ose uhwononji Pitamo ulimentoho, Nakwoe Hwe Engo hweho. Ose ulahonngko Pita kakoe syoho somne'no kakoe manji'mofo yojasyonto humohumentiso

sohwo nje hungkunomo upa'nonto kako kakoe manji'mofo komo'no miyonto Jisasimo komo'no u'ma'mo lonto mijomo hwofitohm'mo'mentisofoho.

⁸ Nakwo inomokomoyo nom'ne sohwna'ni yofayokino somo ne'no nohumentani inan+ku ifamiyo ho'yoso hus+mpemotowentani ifohohosahument+hwonefoho. Nakwo ikanopo nta'ni hus+mpemotament+hwone'maho. O'o, mofone sopo nta'ni (*nainti*, 90, *mita*) hus+mpemotapmment+hwonefoho.

⁹ Nakwo ifohohosasyontani uhwon+ment+hwoneso t+kwolojo'nohini innontan+ngki uhwonontani oso hopo sopo wopayo'nji inan+ku'nji wentan+ngki uhwon+ment+hwonefoho.

¹⁰ Ose uhwon+ngkahon+ngkuhwoni Jisas nal+mento, Sekwo inan+ku olohonta ifomahofoso fehohnjoso n+motapmno.

¹¹ Ose nelahon+ngki Saimoun Pita kako yofayokinopo nokotasonto inan+ku ifamiyo ho'yoso mom+ngo sopone'no hus+mpemotapmmentisofoho. Inan+ku engo'nohinoso *wan hant+let fif+ti-t+ili* (153) ko mnawo'nnyo so'no inan+ku ifamiyo ho'yoso mant+hupo'mmentisofoho.

¹² Jisas kako nal+mento, Sekwo nop+kuji wosopayo hmn+mno. Ose nelahon+ngki a'amu anga'no anga'no Jisasimo t+hwosilo mul+mment+hwonefoho. O'o, nakwo hopi'nonohino sohwna'ni Jisas nakwoe Hwe Engo sohune'no yofe uhwo'ment+hwonefoho.

¹³ Jisas kako wosopayo'nji inan+ku'nji nomanto

nakumo nejapmmmentisofoho.

14 Jisas poyo imo'nonto apa'no songo lika'mentiso somta'angoso kakoe inomokomoyo sohwna'nimo osohonta nakumo ne'mayoso hufa'u sɪhune imo'nɪmentisofoho.

Jisas kako Pitamo syoho uyɪmentisofoho.

15 Nakwo wosopayo moi'wo nontani humentanɪngkuhwoni Jisas kako Saimoun Pitamo ulɪmento, Saimoun Jouniye hwomu sohwoɪ, kɪko olo nom'ne lohwafe sɪmeho ntopantokwofo somo uyakolofonji sɪmeho yokumpohn'nyo engo lontopantokuno. Ose ulahonɪngki Pita ulɪmento, Ou, Hwe engofo kɪko huno kiyohoho. Ngko jɪje a'amɪ ne hwo'nyoho. Ose ulahonɪngki Jisas ulɪmento, Kɪko nje yahu mehomi somo wopayo nuyo.

16 Jisas kako Pitamo ulohonyoso hufa'u umo'nononto ulɪmento, Saimoun, Jouniye hwomu sohwoɪ, kɪko ngkine'no sɪmeho kumo'nalofoho. Ose ulahonɪngki Pita ulɪmento, Ou, Hwe Engofo, kɪko huno kiyohoho. Ngko jɪje a'amɪ nehopi'nohino hwo'nyoho. Ose ulahonɪngki Jisas ulɪmento, Nje yahu mehomi somo wopayo nuyo.

17 Jisas kako Pitamo ulohonyoso hufa'u sɪhune umo'nononto ulɪmento, Saimoun, Jouniye hwomu sohwoɪ, Kɪko nje a'amɪ nehopi'nohinohwoɪ limo'nalokuno. Ose ulahonɪngki Pita kako sɪmeho tango uyahonɪngki kako huno syafɪhu'mentono. Kako hungkuno hufa'u sɪhune hiloso peho'no ntohonɪwo'nantofoho. Ose syafɪsyonto kako Jisasɪmo ulɪmento, Hwe Engofo, kɪko yo'mayo

hopi'nonohino nje simehomo mnawojo so'no huno kiyohoho. Ngko jije a'amu nehopi'nohini hwo'nyoho. Kiko huno kiyohoho. Ose ulahon+ngki Jisas Pitamo ul+mento, Kiko nje yahu mehomi somo wosopayo uyohoji hofiyo mokosyohumaho.

¹⁸ Ngko hungkuno nehopi'nohino wakilimonne'no yohono. Kiko hwe songo nohumanji kiko jije huno mta'ni wemoimo lontne somne'no ahuloho hwapife yo'mayoso ito'no yonji umotno hwosoho. I oso'no hwangku kiko a'mane imo'njo sohonta kiko jije aho y+husosyohumentan+ngkiji a'amuso kikimo ahuloho kumtito+kuji kiko ango ngkilaho kinoso sopone'no wokumotowantifeho.

¹⁹ Jisas ul+mentisoso yoloho neso olenoho. Pita kako tifi poyo pe'none so'no ul+mentisofoho. Hwangku sohonta a'amu hofiko Pitamo fonjahufijo sohonta Pita kako Anituye hungkunomo yokumpohn'nyo kemokosyohumamojo so'no a'amu nom'nihwa Pitamne'no syafisy+kuji hofiko Anituye yofe ho'nomapitnnefoho. Jisas Pitamo oso hiso'no utihwanto ul+mento, Kiko ngkimo nningkape.

Jisas kako Joun sohwo'ne'no hungkuno l+mentisofoho.

²⁰ Jisas ose ulahon+ngki Pita kako ikinjamo lohofonto ngko Joun'ni kakoe hohujo hohnta'ni lohofontan+ngko nohon+mentisofoho. Ngko sohwo'ni hohonta nakwo wopayo nontani ngko Jisasiye huyo ne'mo nohumanji ul+mentoho, Kikine'no tokoyo'ofoto hwo kilohofalofoho.

21 Ngko oso huhwo sohwo'nimo Pita nonononto Jisasimo ulimento, Hwe Engofo oso hwe huhwo sohumo pipi uloho'noneto.

22 Ose ulahonngki Jisas ulimento, Oso huhwo sohwo ngko asomo pmme sohonta kako songo ne'no humaso'manji oso jije syoho'maho. O'o, nje syohofoho. Kiko ngkimo tfinohini nningkape.

23 Jisas ose ulimentiso so'no inomokomoyo nom'ne sohwa huno ole syafihu'mentohofi, Oso inomokomoyo sohwo kako mape'nonehoho syafisyahonngkofi hungkuno hiso nonje nonje njaho'nimimentisofoho. I oso'no Jisas kako ose malimmentisofoho. O'o, ole'nohini limento, Oso hwe sohwo ngko asomo pmme sohonta kako songo ne'no humaso'manji oso jije syoho'maho. O'o, nje syohofoho. Ose ulimentisofoho.

24 Oso inomokomoyo huhwo sohwo ngkonoho. Ngko yo'mayo yo'mayo homo somne'no uhwononji hungkuno lijwasemofonji ifalifaliyo mtimokalokweno. Oseso sekwo nuhwonngkuji huno waseyono. Joun yo'mayo somo uhwonimentiso so'no mtimokumentisoso nakwo huno nayohoho. Hungkuno ne'njofoho nayohoho. Sekwo huno ose waseyono.

25 Yo'mayo yo'mayo hopi'nonohiniso Jisas imentisoso nowentanngki ngko fehohnjo'nohini semtimokiyalokweno. I a'amu fihwo kako yo'mayo hopi'nonohino Jisas imentiso so'no wamtimokumo lhwosi ko yososo olo hwaho lopo nakwo humalohwone ayo'mo yo'mayo iyoswo hu'meesyiyo'neso hopa'maho. Nihu'no

Joun 21:25

clxxii

Joun 21:25

awonoho.
osohopeho.

Ngko Joun'ni nje hungkunoso

**Mpohwoe Hungkuno Songofoho
The New Testament and Genesis in the Safeyoka
(Ampeeli-Wojokeso) language of Papua New Guinea
Buk Stat na Nupela Testamen long tokples Safeyoka
long Niugini**

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

PDF generated using Haiola and XeLaTeX on 28 Dec 2024 from source files dated 31 Aug 2023

f526da1e-a607-571c-ba86-56367d7583f3